

2 Reyes

Ni amatlapohuali techpohuila tlen nochí nopa tlanahtiani tlen tlali Judá huan Israel. Ipan ni tonali TOTECO quihuicac nopa tlajtol pannextijquetl Elías hasta ilhuicac huan Eliseo quicui itequi. Teipa huetzqui nopa tlanahtijcayotl catli itoca Israel ihuaya ihueyi altepe Samaria ipan 722 a.C. Quema huetzqui, quinhuicaque nechca nochí tlali Israel ehuani hasta tlali Asiria. Teipa quintitlanque miyac Asiria ehuani ma hualaca mo-chantise ipan Samaria. Techpohuila nochí catli panoc ipan nopa tlanahtijcayotl tlen tlali Judá hasta quema Nabucodonosor tlen Babilonia quitlami sosolo Jerusalén ipan 586 a.C. huan quinhuicac miyac israelitame hasta tlali Babilonia. Huetzque Samaria huan Jerusalén pampa inintlanahuatijcahua quitlahuelcajque TOTECO.

2 Reyes quipyia ome huejhueyi partes:

2 Reyes 1—17 Nopa ome tlanahtistolli, Israel huan Judá

2 Reyes 1:1—8:15 Nopa tlajtol pannextijquetl Elías

2 Reyes 8:16—17:4 Nopa tlanahtiani tlen Judá huan Israel

2 Reyes 17:5-41 Huetzqui Samaria huan nopa tlanahtistolli ipan Israel.

2 Reyes 18—25 Nopa tlanahtistolli tlen Judá

2 Reyes 18—21 Ezequías hasta Josías

2 Reyes 22—23:30 Itlanahuatijcayo Josías

2 Reyes 23:31—24 Nopa tlayacapan tlanahtiani ipan tlali Judá

2 Reyes 25:1-30 Huetzqui altepetl Jerusalén ipan tlali Judá.

Mijqui Tlanahuatijquetl Ocozías

1 Teipa quema ya mictoya Tlanahuatij-
quetl Acab, moyolajcomanque tlali
Moab ehuani ica tlali Israel ehuani.
2 Huan Tlanahuatijquetl Ocozías tlen tlali
Israel huetzqui tlen se ventana huejcapa
ipan ichaj nepa ipan altepetl Samaria
huan tlahuel mococo. Huan quintitlanqui
itequipanojcahua ma yaca itiopa Baal Ze-
bub, nopa tlaixcopincayotl tlen altepetl
Ecrón para quitlatzintoquilitij sintla mo-
chicahuas o amo. 3 Pero se itequihua TO-
TECO quiyolmelajqui Elías, catli ejqui alte-
petl Tisbe, tlaque quichihuayaya nopa tlana-
huatijquetl. Huan quiilhui ma quinnam-
miquiti itequipanojcahua Tlanahuatij-
quetl Ocozías huan ma quinmaca ni caman-
nali. Huan Elías quiilhui ni camanali pa-
ra ma quiilhuitij ininteco: “¿Para tlen mo-

nequi titlatitlanis ma quitlatzintoquilitij
tlaque panos nopa teteyotl Baal Zebub
ipan tlali Ecrón? ¿Amo tijmati para Toteco
Dios itztoc ipan ni tlali Israel para tijlat-
zintoquilibis? 4 Huajca pampa tijchijtoc ni,
TOTECO quiijtohua: ‘Ayacmo timehuas
ipan motlapech, pero nopona temachtli ti-
miquis.’”

Huan teipa Elías mocuepqui ichaj.
5 Huan itlatitlanilhua Tlanahuatijquetl
Ocozías mocuepque campa itztoya huan
yaya quintlatzintoquili:

—¿Para tlen nimantzi anmocuepto-
que?

6 Huan inijuanti quinanquilijque:

—Tijnamijque se tlacatl catli techilhui
ma timocuepaca. Techilhui ma timitzyol-
melahuaca para TOTECO quiijojtoc: ‘¿Pa-
ra tlen monequi titlatitlanis ma quitlatzin-

toquilitij Baal Zebub, nopa teteyotl ipan tlali Ecrón? ¿Amo tijmati para Toteco Dios itztoc ipan ni tlali Israel para tijtlatzintzquilis ya? Huajca pampa tijchijtoc ya ni, ayacmo timehuas ipan motlapech, pero npona temachtli timiquis.'

7 Huajca nopa tlanahuatijquetl quintlatzintoquili:

—¿Quenicitza eliyaya nopa tlacatl catli anquinamijque huan anmechilhui nopa camanalí?

8 Huan quinanquilijke:

—Eliyaya se tlacatl ica iyoyo catli quisencajtoya ica inijhuiyo tlapiyalme, huan motlajcoipijtoya ica se cinturón tlen cue-tlaxtli.

Huan nopa tlanahuatijquetl quiijito:

—¡Yaya nopa Elías catli ehua altepetl Tisbe!

9 Huajca nimantzi quititlanqui se tlayacanquetl ica 50 isoldados para ma quicuitij Elías. Huajca nopa tlayacanquetl tlej-cooc hasta campa itztoya huan quema quipantitoj, Elías mosehujitoya itzonatipa se tepetl. Huajca nopa tlayacanquetl tlen nopa soldados quiilhui:

—¡Ta tiitequipanojca Toteco Dios, xitemo! Nopa hueyi tlanahuatijquetl quinequi xihuala tohuaya.

10 Huan Elías quinanquili nopa tlayacanquetl tlen 50 soldados:

—Sintla na nelía niitequipanojca Toteco Dios, ma huetzi tlilti tlen ilhuicac huan ma mitzlatli ica nochí 50 mosoldados.

Huan nimantzi huetzqui tlilti tlen ilhuicac huan quitlamitlati ica nochí 50 isoldados.

11 Huan nopa tlanahuatijquetl quititlanqui seyoc tlayacanquetl ica 50 isoldados ma quiitatij Elías huan quiilhuijque:

—¡Ta catli tiitequipanojca Toteco Dios, nimantzi xitemo pampa quej nopa quiijtohua nopa hueyi tlanahuatijquetl!

12 Huan Elías quinnanquili:

—Sintla na niitequipanojca Toteco Dios, ma huetzi tlilti tlen ilhuicac huan ma mitzlatli ihuaya nochí nopa 50 mosoldados.

Huan nimantzi huetzqui tlilti tlen ilhuicac huan quitlamitlati inihuaya nopa 50 soldados.

13 Teipa sempayano nopa tlanahuatijquetl quititlanqui seyoc tlayacanquetl ica sequinoc 50 isoldados. Pero nopa expa tlayacanquetl tlen soldados tlejcooc hasta campa itztoya Elías, huan motlancuaquetzqui iixpa huan ica nochí iyolo quiilhui:

—Tiitequipanojca Toteco Dios, nimitztlajtlanía chicahuac, techtlasojtla na huan ni 50 soldados catli timotequipanojcahua. ¡Amo techmicti! 14 Tijmatij tiquinpolo nopa sequinoc soldados ica tlilti catli huetzqui tlen ilhuicac, pero tojuanti techtlasojtla huan techcahuia tiitztose.

15 Huan itequihua TOTECO quinojnotzqui Elías huan quiilhui:

—Xiya ihuaya, amo xiquimacasi.

Huan Elías motlananqui huan temoc ipan nopa tepetl, huan yajqui ihuaya nopa tlayacanquetl para quiitatí nopa hueyi tlanahuatijquetl. 16 Huan Elías quiilhui:

—Quej ni quiijtohua TOTECO: ‘Pampa tiquintilanqui motlatitlanilhui ma quitlatzintoquilitij Baal Zebub, nopa tlaixcopincayotl tlen altepetl Ecrón, ayacmo timehuas ipan motlapech, pero nica temachtli timiquis pampa tijchijtoc quen amo tijmati sintla niitztoc niamoTeco Dios ipan ni tlali Israel para techtlatzintoquilisquia.’

17 Huajca mijqui Tlanahuatijquetl Ocozías san quen TOTECO quiilhuijtoya ica Elías. Huan Joram catli eliyaya iicni mochijqui tlanahuatijquetl pampa Ocozías amo quipixqui icona. Huan Joram pejqui tlanahuatí ipan tlali Israel quema ne seyoc Tlanahuatijquetl Joram catli eliyaya icona Josafat yohuiyaya para ome xihuitl tlanahuatis ipan tlali Judá.

18 Huan nochí sequinoc tlamantli catli panoc ipan itequi Tlanahuatijquetl Ocozías huan nochí catli quichijqui eltoc ijculijtoc ipan nopa amatlajcuiolí catli itoca Catli Quichijque Nopa Tlanahuatiani Ipan Tlali Israel.

Elías tlejcooc ilhuicac

2 Teipa quema monechcahuuyaya nopa hora para TOTECO quihuicas Elías hasta ilhuicac ipan se ajcomalacatl, Eliseo quisayaya altepetl Gilgal ihuaya Elías, 2 pero Elías quiilhui:

—Ximocahua nica, pampa TOTECO nechtitlantoc ma niya campa altepetl Bel-tel.

Pero Eliseo quinanquili:

—Temachtli nimitzilhuía amo nimitzcahuas moseltzi.

Huajca yajque san sejco hasta Betel.

³ Pero nopa telpoca tlajtol pannextiani catli itztoyaj ipan Betel quisque quinamiquitoj Eliseo huan quiilhuijque:

—¿Ta no tijmati para ama TOTECO mitzquixtilis Elías, motlamachtijca?

Huan Eliseo quinnanquili:

—Quena, njimati, pero amo tleno xiquijtoca.

⁴ Teipa Elías quiilhui Eliseo:

—Ximocahua nica ipan Betel pampa TOTECO nechtitlantoc ma niya altepetl Jericó.

Pero Eliseo quinanquili:

—Nelía temachtli nimitzilhuía, amo nimitzcahuas moseltzi.

Huajca yajque san sejco hasta altepetl Jericó. ⁵ Huan nopa telpoca tlajtol pannextiani catli itztoyaj altepetl Jericó mo-nechcahuitoj campa Eliseo, huan quiilhuijque:

—¿Ta no tijmati para ama TOTECO mitzquixtilis motlamachtijca?

Huan Eliseo quinnanquili:

—Quena, ya njimati, pero amo tleno xiquijtoca.

⁶ Teipa Elías quiilhui Eliseo:

—Ximocahua nica Jericó pampa TOTECO nechtitlantoc hasta hueyatl Jordán.

Pero Eliseo quinanquili quen nochipa quinanquiliyaya:

—Nelía temachtli nimitzilhuía, amo nimitzcahuas moseltzi.

Huajca yajque nochí ome san sejco.

⁷ Huan hualajque 50 telpoca tlajtol pannextiani, huan moquetzque huejca inix-melac Elías huan Eliseo para quintlachilise. Huan Elías huan Eliseo moquetzque iteno hueyatl Jordán. ⁸ Huan Elías mo-quixtili itlaque catli quinextiyaya para eli se tlajtol pannextijquetl, huan quimílio, huan ica quitzohuitejqui nopa atl san se huelta. Huan nimantzi nopa hueyatl motlajcoxelo huan nochí ome quiix-

cotonque ipan tlali huactoc. ⁹ Huan quemá ya quiixcotontoyaj, Elías quiilhui Eli-seo:

—Techtlajtlani tlaque tijnequi ma nimitzchihuili pampa amo huejcahuas para nechhuicase.

Huan Eliseo quiilhui:

—Nimitztlajtlanía ma njiseli motequi quen tlayacanca tlajtol pannextijquetl.

¹⁰ Huan Elías quinanquili:

—Tlahuel ohui catli timotlajtlanijtoc. Pero sintla techitas quema nechhuicase tlen campa ta, TOTECO mitzmacas catli tij-tlajtlanía. Huan sintla amo techitas, huaj-ca amo.

¹¹ Huan quema nopa ome tlacame yo-huiyayaj huan camanalitiyo-huiyayaj, nimantzi monexti tlatlajco inijuanti se cuacarro catli senquistoc tlilt ica cahua-yojme catli nojquia tlilt. Huan Elías ipan tlejcoc huan yajqui ilhuicac ipan se ajcomalacatl. ¹² Huan Eliseo quiitac no-pa tlamantli, huan quinojnotzqui chicahuac huan quiijto: “Notata, ta catli tieli-yaya ichicahualis ni tlali Israel, ama techcajtoc.”

Huan ayacmo quiitac más. Huan qui-tlajcocotonqui tlen ya iyoyo para ma nesi itequipachol.



Eliseo quiitac quema Elías tlejcoc ilhuicac ipan se ajcomalacatl.

Eliseo quiseli itequi Elías

13 Huan Eliseo quitlananqui itlaque Elías catli huetzqui huan mocueppui ipan ojtlí campa hualajtoyaj hasta campa hueyatl Jordán. Huan moquetzqui ateno.

14 Huan ica nopa tlaquemilt catli huetztoya tlen Elías, Eliseo quitzohuitejqui nopa atl huan quiijto: "TOTECO, ta catli tiit Teco Elías, xijnexti mochicahualis."

Huan quema quitzohuitectoya nopa hueyatl, nimantzi motlajcoxelo nopa atl huan moquetzqui se pamitl nica huan seyoc neca, huan Eliseo sempa quiixcotonqui nopa hueyatl ipan huactoc tlali.

15 Huan quema quiitaque catli panoc, nopa telpoca tlajtol pannextiani catli itztoyaj ipan Jericó ipan nica nali hueyatl, quiijtoque: "¡Nopa chicahualistli catli TOTECO quimacatoya Elías, ama motlalijtoc ipan Eliseo!"

Huan nopa telpoca tlajtol pannextiani hualajque quinamiquicoj Eliseo ipan ojtlí, huan motlancuaquetzque iixpa huan mohuitzonque tlalchi ica miyac tlatlepanitacayotl. 16 Huan quiilhuijque:

—Techcahuili ma tiquintitlanica nopa 50 tlacame catli más tetique tlen tojuanti para yase quitemotij motlamachtijca, Elías. Huelis Itonal TOTECO san quitlanantoc huan quitlalijtoc ipan se cuatitlamitl o ipan se tlachiquili.

Pero Eliseo quinilhui:

—Amo xiquintitlanica.

17 Pero quifuerzajhuijque nopa tlajtol pannextiani hasta moyolyamanili Eliseo huan quincahuili ma quintitlanica nopa 50 tlacame. Huan quitemojtineneque para eyi tonati, pero amo quipantijque. 18 Huan quema mocuepque campa mocahuayayaj ipan altepetl Jericó huan amo tleno quipantijtoyaj, Eliseo noja itztoya nopena huan quinilhui:

—Na nimechilhui amo xijtemotij pampa san tlapic.

Eliseo quichicajqui nopa atl ipan Jericó

19 Huan nopa tlacame catli ehuani altepetl Jericó quiilhuijque Eliseo:

—Nica campa mosehuía ni altepetl neilia yejyectzi quen tiquita, pero nopa atl

catli onca, amo cuali. Huan quichihua para nochí tosihuajhua ma quintlahuisoca ininconeuhua huan ni totlal amo hueli tlaeliltis.

20 Huajca Eliseo quiijto:

—Techhualiquilica se xicali catli yan cuic, huan xijtemitica ica istatl.

Huajca quihualiquilijque. 21 Huan Eliseo yajqui campa meyayaya nopa ameli, huan quitenqui nopa istatl amelijtic, huan quiijto:

—Quej ni quiijtohua TOTECO: 'Ya nij-chicajtoci ni atl, huan ayacmo quihualicas miquilistli, niyon cocolistli.'

22 Huajca hasta ama nopa atl mocahua nelcuali quen Eliseo quiijto para elis.

23 Teipa Eliseo quisqui nopena huan yajqui ipan Betel. Huan quema tlejcoyaya ipan ojtlí, quisque miyaqui telpoca tlacame catli amo quitlepanitayayaj TOTECO, huan pejque ica paquij Eliseo. Quitzajtziliyayaj: "Ticuapepestic tlacatl, xtlejco ticuapepestic tlacatl."

24 Huan moicantlachili Eliseo huan quinitac, huan quintelchijqui ica itequiticayo TOTECO. Huan quisque ome osome ipan nopa cuatitlamitl, huan quimictijque 42 tlen nopa telpocame. 25 Huan teipa Eliseo quisqui nopena huan yajqui tepetl Carmelo. Teipa quisqui nopena huan mocueppui altepetl Samaria.

Joram tlanahuati ipan tlali Israel

3 Huan Joram, icone Tlanahuatijquetl Acab, mochijqui tlanahuatijquetl ipan altepetl Samaria ipan tlali Israel quema Tlanahuatijquetl Josafat ipan tlali Judá yohuiyaya para 18 xihuítl tlanahuatis. Huan Joram tlanahuati 12 xihuítl. 2 Huan Joram quichijqui catli amo cuali iixpa TOTECO, pero amo neitlahuel quen itata huan inana catli tlahuel fiero quichijque. Pampa Joram quisosolo nopa tlaixcopincayotl tlen Baal catli itata quichijtoya. 3 Pero Joram quitoquili itlajtlacol Tlanahuatijquetl Jeroboam, icone Nabat, catli achtihiuya quinchijqui israelitame quin hueyitlalise tlaixcopincayome tlen becerros.

**Eliseo tlayolmelajqui quintlanise
Moab ehuani**

⁴Tlanahuatijquetl Mesa tlen tlali Moab quiniscaltiyaya borregojme. Huan para quitlaxtlahuis impuestos sesen xihuitl no-pa tlanahuatijquetl tlen tlali Israel monej-qui quimacas 100 mil borregojme, huan inijjhuiyo seyoc 100 mil oquich borregoj-me. ⁵Pero quema ya mictoya Tlanahuatij-quetl Acab ipan tlali Israel, nopa tlanahuatijquetl tlen tlali Moab motlananqui iixpa Tlanahuatijquetl Joram nopa yan-cuic tlanahuatijquetl para ayacmo tleno quimacas. ⁶Huajca quisqui Tlanahuatij-quetl Joram ipan altepetl Samaria huan quinsentili nochí isoldados ipan tlali Isra-el. ⁷Huan teipa tlatitlanqui ma quiitatij Josafat nopa tlanahuatijquetl tlen tlali Judá huan quihilui: “Nopa tlanahuatij-quetl tlen tlali Moab motlanantoc ica na para ayacmo tleno nechtlaxtlahuis. ¿Amo huelis tihualas techpalehuiqui tijhuilana-tij huan tijfuerzajhuise sempa techtlaxtlahuis impuestos?”

Huan nopa tlanahuatijquetl tlen tlali Judá quinanquili: “Quena, niyas mohua-ya. Nosoldados huan nocahuayos itztoque momaco san quen moaxcahua para tech-nahuatis. San techilhui canque tijnequi ma tiyaca.”

⁸Huan Tlanahuatijquetl Joram quijito: “Xipano ipan nopa ojtlí catli yohui ipan huactoc tlali ipan tlali Edom.”

⁹Huajca quisqui nopa tlanahuatij-quetl tlen tlali Israel, huan nopa tlanahuatijquetl tlen tlali Judá huan nopa tlanahuatijquetl tlen tlali Edom huan para chicome tonali nejnenque yahualtic no-pa huactoc tlali campa amo huelque pa-nose. Huan tlanqui nochí atl hasta amo tleno quipixque para quijise iminsolda-dos huan imintlapiyalhua. ¹⁰Huajca no-pa tlanahuatijquetl tlen tlali Israel quijito:

—¿Tlaque tijchihiuse? ¿TOTECO tech-huaticatoc tieyi tlanahuatiani huan tosol-dados para techtemactilis imaco nopa tla-nahuatijquetl tlen tlali Moab?

¹¹Huan Tlanahuatijquetl Josafat qui-tlatzintoquilli:

—¿Amo aqui nica se itlajtol pannextij-ca TOTECO, para tijtlatzintoquilise TO-TECO ica ya huan tijmatise tlaque mone-qui tijchihiuse?

Huan se itequipanojca nopa tlanahuatijquetl tlen tlali Israel quijito:

—Nica itztoc Eliseo, icone Safat, catli quitequipano Elías.

¹²Huan Josafat quijito:

—Yaya quiselía camanali tlen TOTECO.

Huajca nimantzi nopa tlanahuatijquetl tlen tlali Israel, huan nopa tlanahuatij-quetl tlen tlali Edom huan Josafat, nopa tlanahuatijquetl ipan tlali Judá, mosenti-lijke huan yajque quicamanalhuitoj Eli-seo.

¹³Huan Eliseo quiilhui Joram, nopa tlanahuatijquetl tlen tlali Israel:

—¿Tlaque nijpiya na ica ta? Xiya ximo-tlatzintoquiliti ica nopa istlacatica tlajtol pannextiani tlen Baal catli monana huan motata quintoquiliyaj.

Pero nopa tlanahuatijquetl tlen tlali Is-rael quihilui:

—Amo nijchihuas ya nopa, pampa ya-ya TOTECO catli techsansejcotilijtoc tieyi tlanahuatiani para techtemactilis ininma-co nopa moabitame.

¹⁴Huajca Eliseo quiilhui:

—Nijtestigojquetza TOTECO Catli Quin-yacana Itequihuacahua Ma Tlatlanij pa-ra nimitzpalehuis san pampa itztoc mo-huaya Tlanahuatijquetl Josafat tlen tlali Judá. Pero sintla ya amo itztosquía, huaj-ca niyon amo nimitzlachilisquía. ¹⁵Tech-hualiquilica se catli quimati tlatzotzona para moyamanilis noyolo.

Huan quema nopa tlatzotzonquetl pej-qui tlatzotzona, TOTECO quitlali imax ipan Eliseo huan quimacac icamanal. ¹⁶Huan Eliseo quijito:

—TOTECO quijtohua para monequi xij-chihuaca miyac aojme huan acomoli ¹⁷para quicuis nopa atl catli yaya quititla-nis. Quijtohua amo anquicaquise ajacatl, niyon amo anquiatase sintla tlaquiyahuis, pero ni tlamayamitl campa amitztoque temis ica atl. Huan anatlise cuali huan noj-quiya nochí amohuacaxhua huan amoca-huayos. ¹⁸Pero ya ni sanoc ipejya catli TO-

TECO anmechchihuilis pampa TOTECO nojquiya quintemactilis amomaco nopa moabitame para anquintlanise. ¹⁹Huan anquitlamiltise nochí inialtepehua catli quipiyaj inintepa yahualtic huan anquin-sosolose nochí altepeme masque catli más yejyectzitzí. Huan anquintzontequise nochí nopa cuajcuali cuame catli temacaj inintlajca, huan anquintzacuase nochí ini-amelhua para ayacmo meyas atl. Huan nochí inintlá catli tlaeliltía, anquitemitise ica teme.

²⁰Huan hualmostla quema ajsic hora para quimacase TOTECO nopa tlacajcahu-listli tlatlatili catli monejqui ica ijnaloc, hualajqui atl tlen tlali Edom. Huan temic nopa tlamayamitl huan aojme huan acomoli ica atl.

²¹Huan nochí tlali Moab ehuani quicajque para nopa tlanahuatiani hualajto-yaj para quinhuilanaquij. Huajca mosenti-lijke nochí catli hueliyayaj tlahuilanaj masque coneme o huehuentzitzí. Huan moquetzque campa inepantipa inintlá. ²²Huan ica ijnaloc nelcualca quema tonati pejqui quitlahuilá nopa atl, nopa moabitame quiitaque iniixmélac chichiltic san quen estli. ²³Huan quijitoque: “Ya no-pa estli. Temachtli nopa tlanahuatiani mohuilantoque huan momictijtoque. Huajca san monequi ama ma timoaxcatica catli quicajtejtoque.”

²⁴Pero quema ajsitej nopa moabitame nopena campa nopa israelitame mochijto-yaj, nopa israelitame motlananque huan pejque quinmictíaj huan nopa moabitame cholojtejque. Huajca nopa israelitame quintepotztoque huan calajque ipan inintlá huan quinmijmictijtiyajque moabitame nopena nojquiya. ²⁵Teipa quin-sosolojque nopa altepeme, huan quitemiti-jque ica tetl nochí tlali catli tlaeliltía, huan quitzajque nochí iniamel, huan quintzontejque nochí cuame catli temacaj inintlajca. Teipa san mocajqui altepetl Kir Hareset catli quichijchijtoyaj cuali ica teme. Pero nopa soldados catli quimatiyayaj quimajcahuaj huejhueyi tetl san sejco pa-ra tlasolose, quiyahualojque nopa alte-petl huan pejqui quihiulanaj itepa huan

quej nopa quisolojque nopa altepetl. ²⁶Huan quema nopa tlanahuatijquetl tlen tlali Moab momacac cuenta para amo tla-tlanise ipan nopa tlahuilanalistli, quinsen-tili 700 isoldados catli quimatiyayaj tla-huiulanaj cuali ica machetes para quiitase sintla sentic huelise panose tlatlaco cam-pa itztoyaj nopa tlanahuatijquetl tlen tlali Edom huan isoldados para quisase tlen nopa altepetl. Pero amo huelque quichi-huaj. ²⁷Huajca nopa tlanahuatijquetl tlen tlali Moab quicuic itelpoca catli achthui ejquetl huan catli quiselisquía itequi para tlanahuatis teipa, huan quitlati quen se tlacajcahuallistli para inintiotzi ipan nopa tepamitl catli quiyahualojtoya nopa alte-petl para nochí quiitase. Huan nelia quin-cualancamacac nopa israelitame quema quiitaque tlaque fiero quichijtoya. Huan nopa israelitame quistejque huan mo-cuepque campa inintlá pampa quijixque tlahuel catli quichijqui.

Momiyaquili iaceite se cahuali

4 Se tonali isihua se telpoca tlajtol pan-
nextijquetl quiilhui Eliseo:

—Mijqui nohuehue catli tijmati tlahuel quitlepanitayaya TOTECO. Pero yaya tla-huicayaya tomi huan ama hualajtoc catli quitlanejtijtoya huan quinequi quinhuicas ni ome nocone-hua para quitequipanose para nochipa.

²Huan Eliseo quitlatzintoquili:

—¿Tlaque huelis nimitzchihuilis na?
Techilhui tlaque tippiya ipan mochaj.

Huan nopa cahuali quinanquili:

—Amo tleno njipiya ipan nochaj, san se pilxarrojtzi catli quipyia aceite tlen oli-vos.

³Huajca Eliseo quiilhui:

—Xiya xiquintlajtlaniti mohuampoyohua ma mitztlanejtica ojyolme, lemeteme huan tlen hueli tlamantli conme. Amo xi-motlajtlaniti san se ome. Xitlajtlani tlahuel miyac. ⁴Huan teipa xicalaqui ipan mochaj ica mooquichpilhua, huan ximocaltzacuaca huan xipehua xijteca nopa aceite tlen mo-pilxarro ipan nochí tlamantli catli mitztlanejtijtoque. Huan quema se ya temitoc, xi-quiyocatlali huan seyoc nimantzi xijtemiti.



Nopa cahuali quitejqui aceite ipan miyac comme.

5 Huan yajqui nopa sihuatl huan quijiqui catli quiilhui. Huan teipa mocaltzajqui ihuaya ioquichpilhua. Huan inijuanti quihualiquiliyayaj nopa comme huan lemeteme huan yaya quintequiliya ya aceite. 6 Huan quema ya quintemitiyo ya noch, quiilhui se icon:

—Techcuiliti seyoc comitl.

Huan quijito:

—Ayacmo tleno onca.

Huajca nopa aceite ayacmo miyaquix qui más. 7 Huan teipa nopa cahual sihuatl yajqui quipohuilito Eliseo, itequipanojca Toteco Dios. Huan Eliseo quiilhui:

—Ama xiya xijnemacati nopa aceite para titlaxtlahuas catli titlaluica. Huan ica catli mocahuas tlen nopa tomi, huelis anpanose ta huan mooquichpilhua.

Eliseo quipalehui se sihuatl

8 Se tonali Eliseo yajqui altepetl Sunem. Nopona itztoya se sihuatl catli quipixqui tomi huan yaya quinotzqui ma tlacuati ichaj. Huan teipa nochipa quema panoyaya Eliseo ipan nopa altepetl, tlacuajtiquisayaya ipan ichaj. 9 Huan teipa nopa sihuatl quiilhui ihuehue:

—Na nijmati para nopa tlacatl catli quemantica pano techpaxalohua, yaya se tlatzejzelotic tlajtol pannextijquetl tlen Toteco Dios. 10 Ma tijchihuilica se ipilcuarto nepa huejcapa ipan seyoc piso. Tijtalise se tlapechtli, se cuamesa, se cuasiya

huan se tlahuili para nopona huelis moca-huas quema techpaxaloqui.

11 Huan quej nopa quichijque. Huan se tonali quema Eliseo mosiyajquetzayaya ipan nopa pilcuartojoztzi ihuaya Giezi, ite-quipanojca catli nemiyaya ihuaya, Eliseo quiilhui:

12 —Xiquilhuiti nopa toahui catli nica chua para nijnequi nijcamanalhuis.

Huan quinotzato nopa sihuatl huan ya-ya hualajqui moixnextico iixpa. Huan Eli-seo quiilhui itequipanojca:

13 —Xiquilhui ni toahui para tlahuil tijtlascamatij pampa techmocuitlahui-toc nica ipan ichaj. Xijtlatzintoquili tla-que hueli tijchihuile. ¿Huelis quine-quis ma nijcamanalhuiti nopa tlanahua-tijquetl ipan ni tlali, o huelis ma nicama-nalti ica nopa tlayacanquetl tlen solda-dos nica para ma quipalehuica ica se tlamantli?

Huan nopa sihuatl quijito para amo monequi pampa itztoya ica yejyecetz ica noch, ipan ialtepe huan teipa quisqui.

14 Pero teipa Eliseo sempa quiilhui ite-quipanojca:

—¿Tlaque huelis tijchihuile ne toahui para tijtlascamatise?

Huan itequipanojca quiilhui:

—Nopa sihuatl amo quipiya niyon se icon huan ihuehue ya huehuentzi.

15 Huajca Eliseo quiilhui:

—Sempa xijnatzati nopa toahui.

Huan yajqui quinotzato huan nopa toahui moquetzaco ipan puerta. 16 Huan Eli-seo quiilhui:

—Ipan ne se xihuitl catli huala, ipan ni metztl tijtlacatiltis se piloquichpiltzi.

Huan nopa sihuatl tlananquili:

—¡Ay tata, ta catli tiitequipanojca Toteco Dios, amo techcrajcayahua! 17 Pero quena, nopa sihuatl coneucic huan quitla-catilti se conetl ipan nopa tonali quema xi-huitqui senquistoc quen Eliseo quiilhui-to-ya.

18 Huan nopa piloquichpiltzi moscalti, huan se tonali yajqui quiitato itata catli itztoya ica itequipanojcahu catli pixcaya-jipan imil. 19 Huan nimantzi nopa co-netl quiilhui itata:

—¡Nechcocohua notzonteco! ¡Nechcocohua notzonteco!

Huan itata quiilhui se tequipanojquetl ma quihuica campa itztoc inana ipan ichaj. ²⁰ Huajca nopa tequipanojquetl quiylanqui huan quihuac campa itztoya inana. Huan nopa oquichpil mosehui ipan itlancuaco inana hasta tlajcottona huan teipa mijqui. ²¹ Huan nopa sihuatl quihuac campa icuarto nopa tlajtol pannextijquetl huan quitejqui ipan itlapec huan quitzac-tejqui nopa puerta ipan nopa cuarto. ²² Huan nimantzi quitlatitlan ihuehue huan quiilhui:

—Techtitlanili se tlatequipanojquetl ica se pilburrojtz para huelis niyas nimantzi niquitati itequipanojca Toteco Dios huan nima nimocuepas.

²³ Huan ihuehue quilitzintoquili:

—¿Para tlen tiquitati nopa tlajtol pannextijquetl ama? Ama amo yancuic metz-tli, niyon amo eltoc se tonali para timosiyajquetzase.

Huan nopa sihuatl quiilhui:

—Amo ximotequipacho, nohuehue, amo tleno.

²⁴ Huan teipa nimantzi quisiyalti nopa burro huan ipan tlejcoc. Huan quiilhui itequipanojca:

—Xijmajmati huan xquisihulti ni burro, huan amo xijcahua ma moquetza niyon quentzi hasta quema nimitzilhuis.

²⁵ Huan nopa sihuatl yajqui huan ajsito tepetl Carmelo campa itztoya nopa tlajtol pannextijquetl. Huan Eliseo quiitac ica hueca huan quiilhui itequipanojca, Giezi:

—Xiquita ne huala ne toahui tlen altepetl Sunem. ²⁶ Ximotlalo xijnamiquiti. Xijtlajtlan quenicateza itztoc huan quenicateza itztoc ihuehue huan icon.

Huan itequipanojca yajqui huan nopa sihuatl quiilhui para cuali itztoque. ²⁷ Huan teipa nimantzi ajsito campa Eliseo huan momajcajqui tlalchi huan motlatzquili iicxitla Eliseo. Huan Giezi monechahui para quijicuinis, pero Eliseo quiilhui:

—Xijcahua pampa tlahuel motequipachohua huan ayamo nechnextilijtoc TECO tlaque quitequipachojtoc.

²⁸ Huajca nopa sihuatl quiilhui:

—Na amo nimitztlajtlani ma nijpiya se conetl. Ta, ica mopaquilis tiquijto. San nimitztlajtlani amo techcrajcayhua huan techilhuis nijpiyas se conetl sintla amo ne-li.

²⁹ Huan Eliseo nimantzi quiilhui Giezi:

—Xijcuitehua nocuatopil huan ximotlalo hasta campa ichaj. Huan sintla tijnamiquis se acajya ipan ojtli, niyon amo xijtlajpal. Huan sintla se acajya mitztlajpalos, amo xijnanquili. Huan xijtlaliti nocuatopil icuajtoltipa nopa oquichpil.

³⁰ Huan inana nopa oquichpil quiilhui Eliseo:

—Nelia melahuac nimitzilhuia, amo nimitzcajtehuas.

Huajca Eliseo moquetzqui huan quisqui ihuaya. ³¹ Huan Giezi tlayacantiyajqui huan quiltali icuatopil icuajtoltipa nopa oquichpil, pero amo tleno caquisti, niyon amo molini. Huan Giezi mocuepqui quinamiquito Eliseo huan quiilhui:

—Nopa oquichpil amo isa.

³² Huan Eliseo calajqui ipan nopa cali, huan quiitac para nopa oquichpil ya mic-toc, huan quitectoya ipan tlen ya itlapec.

³³ Huajca calajqui ipan nopa cuarto huan quitzajqui puerta para itztos iseltzi ica nopa piloquichpiltzi huan pejqui motlatlajtia ica TOTECO. ³⁴ Huan tlejcoc ipan itlapec huan motejqui ipan nopa oquichpil. Huan quiltali icamac ipan icamac, huan iixteyol ipan iixteyol, huan imax ipan imax nopa oquichpil, huan itlacayo nopa oquichpil pejqui mototonilía. ³⁵ Huan Eliseo temoc tlatzintla ipan nopa cali huan nentinenqui tlen se ielchiqui nopa cali hasta seyoc. Huan teipa tlejcoc sempa campa nopa cuarto huan sempa motejqui ipan nopa oquichpil. Huan nopa oquichpil ajcuejxo chicome hueltas huan quiltlapo iixteyol. ³⁶ Huan Eliseo quinotzqui Giezi huan quiilhui:

—Xijnotza nopa sihuatl catli nica ehua.

Huajca quinotzqui. Huan quema calajqui, Eliseo quiilhui:

—Nica itztoc mocone.

³⁷ Huan nopa sihuatl monechahui huan momajcajqui tlalchi campa iicxihua

Eliseo huan quitlascamatqui. Teipa quiucic icone huan quisqui.

Eliseo quicualtili nopa tlacualistli catli pajyo

38 Huan Eliseo sempa paxalo ipan altepetl Gilgal huan oncayaya se hueyi mayantli nopona ipan nopa tlali. Huan nopa telpoca tlajtol pannextiani mosehuijtoyaj iixpa huan yaya quinmacthiya. Huan Eliseo quiilhui itequipanojca: "Xijmana atl ipan se hueyi chachapali huan xijchihua tlacualistli para ni telpoca tlajtol pannextiani." 39 Huajca quichiqui. Huan seyoc tequipanojquetl quisqui huan yajqui ipan se milcahualli quitemoto quilitl, pero quiajsito cuatlacatl quen ayojtl huan quitzontejqui miyac huan quitenqui ipan se yoyomitl. Huan quihualicac huan quihuejhuelo huan quitenqui ipan nopa chachapali, pero amo quimatiyaya sintla eliyaya amo cuali quicuase. 40 Teipa quintequilique ma quicuaca nopa telpoca tlajtol pannextiani. Pero quema pejque quicuaj nopa tlacuali, inijuanti cuatzajtzique:

—¡Tlajtol pannextijquetl, ni tlacuali pajyo huan techmictis! Huan ayacmo huelque quicuajque. 41 Huan Eliseo quijito:

—Techhualiquilica se achi harina.

Huan quihualicaque. Huan Eliseo quijitzelo ijtic nopa hueyi chachapali huan teipa quinilhui:

—Ama ya caultitoc. Xijcuaca.

Huan ayacmo tleno catli amo cuali quipixqui nopa tlacualistli.

Eliseo quintlamacac cien masehualme

42 Huan seyoc tonali ajscico se tlacatl catli ehua Baal Salisa, huan quihualiquili nopa tlajtol pannextijquetl Eliseo se 20 pantzi catli quichijtoya ica cebada catli quipixcaque ipan nopa achthui pixquistli. Nojquiya quihualicac ipan immoral quentzi trigo iyol catli yancuic. Huan Eliseo quiilhui se tequipanojquetl:

—Xiquinmaca nopa telpoca tlacame para ma quicuaca.

43 Pero nopa tequipanojquetl quiilhui:

—Ni tlacualistli nelquentzi. Huajca quenecatza huelis quinaxilis para ni quintlamacas nopa 100 tlacame?

Huan Eliseo quinanquili:

—Xiquinmajmaca nopa tlacame para ma quicuaca, pampa TOTECO quijtohua quichihuas para noch i tlacuase cuali huan hasta mocahuas tlacualistli.

44 Huajca nopa tequipanojquetl quitlali iniixpa huan noch i tlacuajque cuali huan hasta mocajqui tlacualistli quen TOTECO quijtojtoya.

Mochicajqui Naamán

5 Itztoya se tlacatl catli itoca eliyaya Naamán catli eliyaya tlayacanquetl tlen isoldados nopa tlanahuatijquetl tlen tlali Siria. Huan iteco nelia quiicneli. Huan ica Naamán TOTECO quichijqui ma tlatlani tlali Siria. Huan Naamán tlahuel quimatqui motemaca ipan tlahuilancayotl, pero quipixqui nopa palanca tlacayo cocolistli catli itoca lepra. 2 Huan nopa soldados tlen tlali Siria momatque yohuj quinictequij israelita ichpocame huan quicchtectoyaj se sihuapil israelita catli quitequipanohuayaya isihua Naamán calijitic. 3 Huan nopa sihuapil quiilhui isihua Naamán:

—Nijnequisquia noteco, Naamán, ma yohui quiitat nopa tlajtol pannextijquetl catli itztox ipan altepetl Samaria tlen tlali Israel. Yaya temachtli quichicahuasquia tlen icocolis.

4 Huajca Naamán yajqui campa itztoya iteco, nopa tlanahuatijquetl tlen tlali Siria, huan quipohuilito catli quiilhuijtoya nopa sihuapil. 5 Huan iteco quiilhui:

—Huajca monequi xiya. Huan mohuya nijtitlanilis se amatlajcuiolli para nopa tlanahuatijquetl tlen tlali Israel para mitzpalehuis.

Huajca Naamán quicuitejqui 30 mil tomi, huan 6 mil oro tomi huan majtlactli tlaca yoyome catli más cuajcualtzi. 6 Huan quihiuquili nopa hueyi tlanahuatijquetl tlen tlali Israel nopa amatlajcuiolli catli quijtohuayaya: "Nopa tlacatl catli quihiuca ni amatlajcuiolli, yaya notequipanojca catli itoca Naamán. Nimitztitlanilijtoc Naamán para xijchicahua tlen icocolis."

⁷Huan quema nopa tlanahtuquetal tlen tlali Israel quipojqui nopa amatlajcui-loli, quitzayanqui iyoyo para ma nesi mocnonequiyaya huan quiijto:

—¿Atlac moilhuía para niDios catli hueli temictis o temacas nemilstli? ¿Para tlen nechtitlanilía ni tlacatl para ma nij-chicahuas tlen icocolis? Temachtli san quitemohua se cualantli ica na.

⁸Huan Eliseo, itequipanojca Toteco Dios, quicajqui para nopa tlanahtuquetal quitzayantoya iyoyo por nopa amatlajcui-loli, huajca tlatitlanqui ma quiilhuitj ya ni: “¿Para tlen tijtzayantoc moyoyo? Ma huala nopa tlacatl ma nechitaqui huan ya-ya quimatis para itztoc se tlajtol pannexti-quetal ipan ni tlali Israel.”

⁹Huajca Naamán yajqui ica icahuayo-jhua catli quitilanayayaj itepos carro, huan moquetzqui calixpa nechca puerta ipan ichaj Eliseo. ¹⁰Huan Eliseo san quititlan-qui se tlayolmelajquetal ma quiilhui: “Xiya huan ximopajpaca chicome hueltas ipan nopa hueyatl Jordán, huan timochicahuas tlen mococolis.” ¹¹Pero Naamán quisqui cualantoc huan quiijtojtiyajqui:

—Nimoilhui para temachtlí quistos-quía, huan motlatlajtisquía ica iTECO Dios para ma nechchicahua, huan quitlalisquía imax iixmelac campa nococolis huan quej nopa nechchicahuasquía. ¹²Más cuali no-pa ome hueyame, Abana huan Farfar, catli tijpiyaj ipan tlali Damasco que nochí hueyame ipan ni tlali Israel. ¿Para tlen amo hueltosquía nimaltijtosquía ipan nopa hueyame para nimochihuas tlapajpactli?

Huan yajqui tlahuel cualantoc. ¹³Pero itequipanojcahua monechcahuijque cam-pa ya huan quiilhuijque:

—Tata, sintla nopa tlajtol pannexti-quetal mitznahuatijtosquía xijchihua catli tlahuel ohui, ¿amo tijchihuasquía? Huajca ¿quenque amo tijchihuas icamanal quema mitzilhuijtoc catli amo ohui? San mitzil-huijtoc para ximopajpaca huan timochicahuas tlen mococolis.

¹⁴Huajca Naamán yajqui huan mo-atzonpolihulti chicome huelta ipan nopa hueyatl san quen quinahuatijtoya nopa tlajtol pannexti-quetal. Huan icuetlaxo mo-



Cuali mochicajqui nopa tlayacanquetl
Naamán tlen icocolis lepra.

chicajqui cuali huan elqui tlapajpactli quen se oquichpil itlacayo. ¹⁵Huajca yaya huan nochí itequipanojcahua sempa yaj-que quiitatoj Eliseo, yaya catli itequipanojca Toteco Dios. Huan quema ajsito campa Eliseo, Naamán quiilhui:

—Ama nijmati amo aqui seyoc ipan nochí tlaltipactli catli nelía Dios. Toteco Dios san itztoc nica ipan tlali Israel. Nimitztlaj-tlanía xijseli ni tlamatli catli na, nimote-quipanojca, nimitzhualiquilía.

¹⁶Pero Eliseo quinanquili:

—Temachtli nimitzilhuía amo tleno nijselis.

Huan masque Naamán tlahuel quine-quiyyaya quimacas, Eliseo amo quiseli. ¹⁷Huan Naamán quiijto: “Huajca sintla amo tijnequi tijselis ni nemactli, techchi-huili se favor. Techceahuili ma nihuica se quentzi tlali tlen ni tlali Israel. San nijne-qui nihuicas quen ome burro tlamamali. Huan na ayacmo nijmacas tlacajcahualis-tli tlatlatili se tlaixcopincayotl, san TO-TECO. ¹⁸Pero nijtlajtlanía TOTECO ma nechtlapojojpolhui se tlajtlacoli. Quema no-pa hueyi tlanahtuquetal quinequis qui-hueyichihuati itlaixcopincayo, Rimón, ipan itiopa, huan monequis momatlatz-quilijtiyas ipan noajcol para nijnejnemil-tis, ma TOTECO nechtlapojojpolhuis sintla na nojquia nimohuijtzomas.”

¹⁹Huan Eliseo quinanquili:

—Xiya ipan moojhui ica cuali.

Huajca Naamán quisqui huan quema ya huejca yajtoya, ²⁰Giezi, itequipanoja-

tlajtol pannextijquetl Eliseo, moilhui: "Noteco, quicajtoc ma yohui Naamán no-pa tlali Siria ejquetl huan amo tleno quise-li catli quihualicatoya. Temachtli nimotla-los huan nicajsiti huan nijtlajtlanis ma nechmaca se tlenijqui."

21 Huajca Giezi pejqui quitepotztoca Naamán, huan quema Naamán quiitac ica iica, temoc ipan itepos carro para quiselis. Huan quilhui:

—¿Nochi eltoc cuali?

22 Huan Giezi tlalanquili:

—Quena, cualtitoc. Noteco nechtitlan-toc ma nimitzilhuiqui para ajscicoj ome tel-poca tlajtol pannextiani catli ehuani ipan tepeme tlen tlali Efraín. Huan mitztlajtlanía xiquinmaca eyi mil plata tomi huan ome tlaca yoyomitl catli yancuic.

23 Huan Naamán quinanquili:

—Quena, techchihuili se favor huan xijuica chicuase mil plata tomi.

Huan chicahuac Naamán quiilhui para ma quiseli. Huan quitdali nopa tomi ipan ome coxtali huan nojquiya quitlali nopa ome tlaca yoyomitl catli cuajcualtz huan quintitlanqui ome itequipanojcahua ma ya-ca ihuaya para ma quihiucaca nopa tlama-mali. 24 Huan quema ajsoj ipan nopa te-petl nechca altepetl, Giezi quicuic nopa pla-ta tomi catli quihiucayaj nopa tlatequipa-nohuani huan quiajoiqui ipan ichaj. Teipa quinnahuati nopa tlatequipanohuani ma yaca. 25 Huan teipa moixnextito iixpa iteco, Eliseo. Huan Eliseo quitlatzintoquili:

—¿Canque tinemito Giezi?

Huan yaya quinanquili:

—Amo cana niyajtoci.

26 Huajca Eliseo quiilhui:

—Niitztoya nopona mohuaya ipan no-tonaltzi quema nopa tlacatl temoc ipan itepos carro para mitzselis. ¿Quinamiqui para timoricojchihuas ica plata tomi, huan yoyomitl, olivo milme, xocomeca milme, borregojme, huacaxme, huan tla-tequipanohuani por se tequitl catli TO-TECO san tlapiç quichihuili se seyoc tlali ejquetl? 27 Huajca ama nopa palanca tla-cayo cocolistli lepra catli quipiyayaya Na-amán tlatzquis ipan ta huan ipan mocone-hua huan moixhuihua para nochipa.

Huan quema Giezi quisqui tlen campa itztoya Eliseo, itlacayo nesiyaya chipa-huac quen nextli ica nopa cocolistli lepra.

Eliseo quipanti nopa hacha catli misahuijtoya

6 Se tonali nopa telpoca tlajtol pannex-tiani quiilhuijque Eliseo:

—Xiquita nica campa tiitztoque ica ta nelia tlahuel amo hueyi para nochi tojuant-i. 2 Techcahua ma tiyaca nechca hueyatl Jordán campa onca miyac cuame. Huan sesen tijtzontequivise se cuahuitl huan no-pona tijchihuase se cali catli más hueyi pa-ra ipan tiitztose.

Huan Eliseo quiijto:

—Cualtitoc, xiyaca.

Huan se tlen nopa telpoca tlajtol pan-nextiani quiilhui:

3 —Nimitztlajtlanía xiya tohuaya.

Huan Eliseo quiijto:

—Cualtitoc, niyas amohuaya.

4 Huan Eliseo yajqui ininhuaya hasta campa hueyatl Jordán huan nopona pej-que quintzontequivij cuame. 5 Pero quema se se quitzontequivaya se cuahuitl, huetzqui ihacha ipan hueyatl. Huajca pejqui cua-tzajtiz:

—¡Tlamachtijquet! ¡Nopa hacha san timotlanejoque!

6 Huan itequipanojca Toteco Dios qui-tlatzintoquili:

—¿Canque huetzqui?

Huan quinextilijque canque huetzqui. Huajca Eliseo quitzontejqui se cuahuitl huan quimajcajqui nopona campa huetz-qui nopa hacha, huan quichijqui para ma moaixcotlali nopa hacha. 7 Huajca Eliseo quiilhui:

—Xijcui.

Huan yaya quicuic nopa hacha ica imax.

Quinitaque itequihuajcahua TOTECO catli quinmocuitlahuiyayaj

8 Se tonali nopa tlanaahuatijquetl tlen tlali Siria quinhulanayaya tlali Israel ehuani huan quincamanalhuiyaya isolda-dos canque cuali para mochihuase para tlahuilanase. 9 Huan nimantzi Eliseo, mas-

que huejca itztoya, quiyolmatiyaya huan quititlaniyaya se ma quimatilti itlanahuatija tlen tlali Israel huan ma quiilhui: "Ximomocuitlahuica para amo aqui panos campa nimitzilhuía pampa nopona tlali Siria soldados mochijtoque para anmehchilanase."

10 Huan nopa tlanahuatijquetl tlen tlali Israel quintitlanqui isoldados ichtacatzti para quiitase sintla melahuac catli quiijto tlajtol pannextijquetl Eliseo, huan quipanti para quena, temachtli. Huan quej nopa quichijqui miyac hueltas. Yeca nopa israelitame miyac hueltas momanahuijque ica Siria ehuani ica icamanal Eliseo. 11 Huan nopa tlanahuatijquetl tlen Siria tlahuel cuanqui huan quinnotzqui noch i tequipanojcahua huan quiilhui:

—Techilhuica ajqueya tlen tojuanti itztoc ihuaya nopa tlanahuatijquetl tlen tlali Israel.

12 Huajca se tequipanojca quiilhui:

—Tlanahuatijquetl, amo aqui itztoc ica ya, pero nopa tlajtol pannextijquetl catli itztoc nepa tlen tlali Israel quimati noch i catli tiquijtohua, masque ichtacatzti ticanalti ipan mocuarto. Huan yaya noch i quiilhuía itlanahuatijca.

13 Huan nopa tlanahuatijquetl tlen tlali Siria quiijto:

—Huajca xiyaca xitlatzintocaca canque itztoc Eliseo para niquintitlanis se quesqui tlacame ma quiitzquitij.

Huan teipa sequin quiilhuijque para Eliseo itztoya ipan altepetl Dotán. 14 Huajca nopa tlanahuatijquetl quintitlanqui tlahuel miyaqui soldados, sequin catli cahauyojtipa nemiyayaj huan sequin soldados catli itztoyaj ipan tlahuilanca tepos carros. Huan quinilhui ma yaca altepetl Dotán. Huan noch i ajsitoj ica tlayohua, huan quiyahualojoque nopa altepetl.

15 Huan hualmostla cualca quisqui tequipanojca Eliseo huan quinitac nopa miyaqui soldados catli quiyahualojojtoyaj nopa altepetl, sequin catli cahauyojtipa nemiyayaj huan sequinoc ipan tlahuilanca tepos carros. Huajca yajqui quiilhuito Eliseo:

—Huan ama tlamachtijquetl, ¿tlaque tijchihuase?



Motlatlajti Eliseo huan itequipanojca quiitac itequihuajcahua TOTECO.

16 Huan Eliseo quinanquili:

—¡Amo ximajmahui! Más miyaqui catli itztoque tohuaya que catli itztoque ica inijuanti.

17 Huan motlatlajti Eliseo ica TOTECO, huan quiijto: "Nimitztlajtlanía, TOTECO, xijtlapoli iixteyol para yaya ma tlachiya."

Huajca TOTECO quitlapoli iixteyol nopa tlatequipanojquetl huan quiitac ipan noch i tepeme onpano miyaqui soldados catli senquistoc tlielemectli catli quiyahualohuayayaj Eliseo, sequin cahuayojtipa nemiyayaj huan sequin ipan tlahuilanca tepos carros. 18 Huan quema nopa siriós pejque monechcahuíaj campa Eliseo, yaya motlatlajti ica TOTECO, huan quiijto: "Nimitztlajtlanía, TOTECO, xijchihua ma mocahuaca popoyotzitzi ni tlacame."

Huan TOTECO quinchijqui popoyotzitzi san quen quiilhui Eliseo. 19 Huajca Eliseo quinilhui nopa soldados:

—Ya ni amo nopa ojtlí, niyon amo ya ni nopa altepetl catli anquitemohuaj. Techiquilica huan nimechhuicas hasta campa itztoc nopa tlacatl catli anquitemohuaj.

Huan quinhuicac hasta altepetl Samaria. 20 Huan quema ajsitoj nopona, Eliseo sempa motlatlajti huan quiijto: "Ama TOTECO, xiquintlapoli iniixteyol para ma huelica ma tlachiya."

Huajca quiitaque para itztoque ipan altepetl Samaria tlen tlali Israel. 21 Huan quema nopa tlanahuatijquetl tlen tlali Israel quinitac, quitlatzintoquili Eliseo:

—¿Notata, tijnequi ma niquinmicti?

22 Huan Eliseo quinanquili:

—¡Amo xiquinmicti! ¿Atlac tiquinmictisquía masehualme catli tiquinitzquía ipan tlahuilancayotl? Xiquinmaca tlacualistli huan xiquinmaca atl, huan teipa xiquinmajcahua ma yaca ipan inintlal.

23 Huajca quinsencahuili se hueyi tlacualistli, huan quema ya tlantoyaj tlacuaj huan atlaj, quinmajcajqui huan mocuepque campa ininteco. Huan ayacmo hualajque nopa tlali Siria ehuani tlachtequicoj ipan tlali Israel.

Nopa mayantli ipan altepetl Samaria

24 Teipa quema panotoya miyac tonali Ben Adad, nopa tlanahuatijquetl tlen tlali Siria, quinsentili nochis isoldados huan quiyahualotoj altepetl Samaria. 25 Huan oncac se hueyi mayantli ipan Samaria pampa amo hueliyayaj quisase tlen inialtepe pampa nopa sirios quiyahualojtoyaj. Amo tlenon oncac para tlacuase hasta se tzontecomitl tlen se burro ipati eliyaya 80 plata tomi, huan nechca tlajco litro cuitaltl tlen totome ipati eliyaya macuili plata tomi. 26 Huan se tonali nopa hueyi tlanahuatijquetl tlen tlali Israel panoyaya ipan nopa tepamitl catli quiyahualojtoya inialtepe, huan se sihuatl quiñozqui huan quiilhui:

—¡Techpalehui, Tlanahuatijquetl!

27 Huan ya quijito:

—Sintla amo mitzpalehuía TOTECO, ¿quenicitza huelis nimitzpalehuis na? Amo nijpiya tlacualistli, niyon tlaili para nimitzmacas. 28 Pero techilhui tlaque cuesoli tiipiya.

Huan nopa sihuatl quiilhui:

—Nopa sihuatl nechilhui ma nijmaca nocone para tijcuase se tonali huan hualmostla tijcuasquíaj iconé. 29 Huajca tijcactzozque catli na nocone, huan tijcuaqué. Huan ipan seyoc tonali na niquilhui ma nechmaca iconé para tijcuase, pero quiliti.

30 Huan quema quicajqui nopa tlanahuatijquetl catli nopa sihuatl quiijtojtoya, quitzayanqui iyoyo para quinextis itequipachol. Huan pampa itztoya ipan nopa tepamitl, nochis masehualme quiitaque para itlatzintlanyoyo catli moquentijtoya eliya-

ya nopa fiero yoyomitl catli quinextía para tlahuil motequipachohua huan yeca quitzayanqui. 31 Huan nopa tlanahuatijquetl quijito: “Ma Toteco Dios nechtlatzacuilty miyac sintla amo nijtzontequivilis itzonteco Eliseo ama ni tonali.”

32 Huan Eliseo mosehuijtoya ipan ichajica nopa huehue tlacame catli quinyacanayayaj israelitame. Huan nopa tlanahuatijquetl quittitanqui se itlatitlanil ma tlacyana huan quinotzas Eliseo. Pero quema ayamo ajsiyaya nopa soldado, Eliseo quinilhui nopa huehue tlacame:

—Xiquitaca nopa temictijquetl quittitlantoc se tlacatl ma nechquechtzontequivi. Pero quema ajsis xicaltzacuaca huan amo xijcahuilica ma calaqui pampa iica huala iteco.

33 Huan Eliseo noja camanaltiyaya quema ajsito nopa tlacatl catli quittitlantoc, huan iica hualayaya nopa tlanahuatijquetl huan quiilhui Eliseo:

—Melaahuac TOTECO quittitlantoc nochis ni tlaijiyohuclistli, huajca yaya ayacmo techpalehuis, ¿para tlen noja nijchiyas ya?

Eliseo tlayolmelajqui para oncas tlacualistli

7 Huajca Eliseo quijito:

—Xijtlacaquilica nopa camanali catli nechmacatoc TOTECO. Quej ni quijtohua TOTECO: ‘Mostla ipan ni horas ipan ipuerta altepetl Samaria masehualme quicohuase chicome litros tlen harina san ica se plata tomi huan nojquia ica san se plata tomi huelise quicohuase caxtoli litros tlen cebada.’

2 Huan nopa tlatequipanojquetl catli quipalehuía nopa hueyi tlanahuatijquetl ma nejnemi quinanquili nopa tlajtol panextijquetl, huan quiilhui:

—Nopa amo mochihuas masque TOTECO Dios quitlaposquía ventanas ipan ilhuicactli para ma huetzis tlacualistli.

Huan Eliseo quinanquili:

—Ta tiquitas ica moixteyol, pero amo tlenen tlen ya nopa huelis tijcuas.

3 Itztoyaj nahui tlacame nechca nopa altepetl catli palantoc inintlacayo huan inijuanti moilhuijque se ica seyoc:

—¿Para tlen timocahuase nica hasta timiquise? ⁴Sintla ticalaquise ipan altepetl, timiquise ica nopa mayantli ipan altepetl huan sintla san timocahuase nica, nojquiya timiquise. Huajca ma tiyaca campa mochijtoque nopa Siria soldados huan timotemacase inihuaya. Sintla techcahuilise ma tiitztoca huan techtlamacase, tiitztose. Huan sintla techmictise, huajca san timiquise.

⁵Huajca quej nopa motlanantejque quema ya tlapoyahui huan yajque campa mochijtoyaj nopa soldados catli ehuani tlali Siria. Huan quema ajsitoj nechca momacaque cuenta para amo aqui itztoya. ⁶TOTECO quichijqui ma caquisti quen hualayayaj miyaqui tlahuilanca carros, huan miyaqui cahuayojme catli motlalohuayayaj, huan ma caquisti para yohuj miyaqui soldados. Huajca nopa sirios moilhuijque para nopa tlanahuatijquetl tlen tlali Israel quintlxatlahuijtoya nopa tlanahuatiani tlen heteos huan egiptos para ma quinmitiquij. ⁷Huan yeca motlanantejque quema tlapoyahui huan quitlahuelcrajque nochininyoyon calhua, inincahuayohua, ininburrojhua huan nochni catli quipixque, huan mochololtijque pampa amo quinejque miquise. ⁸Huan quema nopa tlacame catli palaniyaya inintlacayo ajsitoj iteno campa mochijtoyaj nopa tlali Siria ehuani, calajque ipan se yoyoncali huan tlacuajque huan tlaique. Huan quicuique tomi tlen plata huan tlen oro, huan quicuique yoyomitl huan yajque quitlatitoj. Huan sempa mocuepque huan calajque ipan se yoc yoyoncali huan nopona nojquiya qui cuique catli oncayaya huan quitlatitoj. ⁹Huan teipa moilhuijque se ica seyoc:

—Amo tijchihuaj catli cuali. Ama ni tonali eltoc para ma titlayolmelahuase se cuali camanali huan amo aqui tiquilhuijtoque. Sintla tijchiyase hasta tlanesis, temachtli techajsis se tlamantli fiero. Achi más cuali ma tiyaca altepetl Samaria huan ma titlayolmelahuatij ipan ichaj nopa tlanahuatijquetl.

¹⁰Huajca yajque ipan nopa altepetl huan quinnojnotzque catli tlamocuitlahuaj ipan puerta huan quinlhuijque:

—Tiyajque campa mochijtoyaj nopa soldados catli ehuaj tlali Siria huan amo aqui itztoc niyon se, niyon amo tleno caquisti tlen se masehuali. San itztoque nopa cahuayojme huan burrojme ilpitoque huan nopa yoyoncalme campa mochijtoyaj nochni quicajtejque.

¹¹Huan nopa tlamocuitlahuiani ipan ipuerta nopa tepamitl campa calaquij ipan nopa altepetl, cuatzajtzique para quinyol-melahuase catli itztoyaj ipan ichaj nopa tlanahuatijquetl. ¹²Huan nopa tlanahuatijquetl mejqui masque tlayohua huan quinlhui iequipanojcahua:

—Nimechilhuis tlaque quinequij techchihuilise nopa tlali Siria ehuani. Inijuanti quimati para titlajiyohuáj ica mayantli, huan yeca quistoque tlen campa mochijtoyaj huan motlatijtoque ipan cuatitlamitl. Moilhuijtoque quema tojuanti tquisase ipan ni altepetl, techitzquise tiyoltoque huan calaquise ipan ni altepetl.

¹³Pero se iequipanojca quiijo:

—Se favor, xiquintitlani sequin tlacame ma quinhuicaca macuili tlen nopa cahuayojme catli mocahuaj yoltoque ipan ni altepetl para quitlachilitij catli onca. Sintla quinpantise se tlenijqui, amo tleno pampa sintla mocahuase nica temachtli miquise ica nochni tiisraelitame catli nica timocahuaj.

¹⁴Huan huajca quicuique ome tepos carros ica cahuayojme huan nopa tlanahuatijquetl quintitlanqui ma yaca hasta campa mochijtoyaj nopa Siria soldados huan quinmacac tlanahuatili ma tlajtla-chiyaca cuali. ¹⁵Huan inijuanti yajque campa mochijtoyaj nopa tlali Siria ehuani huan teipa quintoquilijiyaque hasta campa hueyatl Jordán, huan quiitaque para ipan nochni ojtli tepejtoc yoyomitl huan miyac tlamantli catli patiyo catli nopa sirios quitepejtiyajque san pampa nimantzi quinejque mochololtise. Teipa mocuepque nopa tlatilanilme huan quipohuilijsque nopa tlanahuatijquetl tlaque quipantique.

¹⁶Huajca nopa israelitame quisque huan moaxcatijque nochni catli oncayaya campa mochijtoyaj nopa Siria ehuani.

Huan san quen quiijtojtoya TOTECO, nopa harina monemamac chicome litros para se plata tomi, huan nopa cebada monemamac caxtoli litro para se plata tomi. ¹⁷ Huan nopa tlanahtuatiqquetl quinahuati itequipanojca catli quipalehuía ma nejnemi para ma yohui tlamocuitlahuiti ipan ipuerta nopa altepetl. Pero nopa miyaqui masehualme quicuatopehuayaj huan itequipanojca huetzqui huan ipan moquejquetzque huan mijqui san quen quiijtojtoya nopa tlajtol pannextijquetl quema yajqui quiitato nopa tlanahtuatiqquetl. ¹⁸ Huajca nochí panoc san quen nopa tlajtol pannextijquetl quihuijtoya nopa tlanahtuatiqquetl. Pampa nopa tlajtol pannextijquetl quiilhuijtoya para ipan ipuerta Samaria monemacas chicome litros tlen harina o caxtoli litros cebada san ica se plata tomi. ¹⁹ Huan nopa tequipanojquetl quinanquijtoya para masque TOTECO quitlaposquía ventanas ipan ilhuicactli huan huetzisquía tlacualistli amo elisquía quej nopa. Huan Eliseo quiilhuijtoya nopa tequipanojquetl para quiitasquía ica iixteyol, pero amo quicuasquía. ²⁰ Huan quej nopa elqui pampa nopa israelitame ipan moquejquetzque campa ipuerta itepa altepetl Samaria. Huan nopona mijqui.

Hualas chicome xihuitl tlen mayantli

8 Teipa Eliseo camanaltic ihuaya nopa sihuatl catli inana nopa oquichpil catli quichijqui ma moyolcui huan quiilhui:

—Ximocualtlalica huan xiyaca ta huan moteiximatahua xiitztotij ipan seyoc tlali pampa TOTECO quiijtojtoc para oncas se hueyi mayantli ipan ni tlali Israel huan huejcahuas chicome xihuitl.

² Huan nopa sihuatl mocuallali, huan quichijqui catli itequipanojca Toteco Dios quiilhui huan yajqui inihuaya iteiximatahua ipan inintlatl nopa filisteos. Huan nopona mocajque chicome xihuitl. ³ Huan quema ya panotoya nopa chicome xihuitl, nopa sihuatl mocuepqui tlen nopa tlali campa filisteos huan yajqui quiitato nopa tlanahtuatiqquetl tlen tlali Israel para sempa quitlajtlanis ichaj huan itlal. ⁴ Huan quema ajisito, nopa tlanahtuatiqquetl cama-

naltiyaya ihuaya Gieze, itequipanojca Eliseo, catli elqui itequipanojca Toteco Dios. Huan nopa tlanahtuatiqquetl quiilhuiyaya ma quipohuili nochí nopa tlaneltiljcayotl catli quichijtoc Eliseo. ⁵ Huan ipan nopa tlatoctzi quema Giezi quipohuiliyaya nopa tlanahtuatiqquetl quenicitza quichijtoya ma sempa moyolcui iconse se sihuatl, ajsitihuettzico nopa sihuatl para quitlajtlanis nopa tlanahtuatiqquetl ma quicahuili sempa ichaj huan itlal. Huajca Giezi quiilhui nopa tlanahtuatiqquetl:

—Tlanahuatiqquetl, ya ni nopa sihuatl huan ya ni iconse catli Eliseo quichijqui ma moyolcui.

⁶ Huajca nopa tlanahtuatiqquetl quitlaztintozuili nopa sihuatl huan yaya quipo-huili nochí catli ipantitoya. Teipa nopa tlanahtuatiqquetl quinahuati se itequichijca huan quiilhui: “Xijcuepili nochí tlamantli catli eliyaya iaxca huan nochí itlajca itlal ipan nopa xihuitl quema amo aquiyaya.”

Hazaél tlanahtuati ipan tlali Siria

⁷ Teipa Eliseo yajqui ipan altepetl Damasco tlen tlali Siria. Huan ipan nopa tonali mocochohuayaya Ben Adad catli eliya-ya tlanahtuatiqquetl tlen nopa tlali. Huan quiilhuijque para ajsitoya Eliseo, itequipanojca Toteco Dios. ⁸ Huajca nopa tlanahtuatiqquetl quiilhui Hazaél:

—Xijcei se nemactli huan xiquitati itequipanojca Toteco Dios huan xiquilhui ma quitlajtlanis TOTECO sintla nimochicahuas tlen ni cocolistli.

⁹ Huan Hazaél yajqui quiitato nopa tlajtol pannextijquetl huan quihuiquili se cuali nemactli. Elqui 40 camellos ica inintlamamal tlen nochí catli cuali oncayaya ipan Damasco. Huan quema ajsito campa itztoya Eliseo, quiilhui:

—Tlanahuatiqquetl Ben Adad tlen ni tlali Siria mitzta quen tiitata. Yaya nechtiltlatoc ma nimitztlatzintoquiliqui sintla noja mochicahuas tlen nopa icocolis catli quiipiyo a amo.

¹⁰ Huan Eliseo quiilhui:

—Xiya huan xiquilhui para, quena, mochicahuas, masque TOTECO nechilhuijtoc para temachtli miquis.

11 Huan Eliseo mocajqui quitlachilijtoc Hazael hasta yaya mopinajqui huan teipa Eliseo pejqui choa. 12 Huan Hazael quitaltzintoquili:

—¿Para tlen tichoca, tata?

Huan Eliseo quiilhui:

—Nichoca pampa nijmati tlahuel fiero tiquinchihuolis israelitame. Tiquintlati nopa calme catli más temachtli ipan inial-tepehua. Huan tiquinmictis ica machete inintelpocahua. Huan tiquinmajcahuas ininpilconebla ipan huejhueyi teme, huan tiquintlapolis inijti sihuame catli tlanelmiltáj.

13 Huan Hazael quinanquili:

—Na, nimotequipanojca, amo tleno nopati. San quen se nichichi. ¿Quenecatza huelis nijchihuas huejhueyi tlamantli quen nopa?

Huan Eliseo quiilhui:

—NOTECHO nechmatliltijtoc para tielis titlanahuatijquetl ipan tlali Siria.

14 Huan Hazael quinahuatijtejqui Eliseo huan yajqui campa itztoya iteco huan yaya quitaltzintoquili:

—¿Tlaque mitzilhuitjoc Eliseo?

Huan ya quiilhui:

—Nechilhui para, quena, timochicahuas.

15 Huan ipan seyoc tonali, Hazael quiucic se tlaquemtl huan quixoloni ipan atl, huan ica quicamatatzajqui Ben Adad hasta ijiyomiqui. Huan Hazael pejqui tequití quen titlanahuatijquetl.

Joram titlanahuati ipan tlali Judá

(2 Cr. 21:1-20)

16 Huan quema yohuiyaya para macuili xihuitl titlanahuatis Joram, icone Acab, ipan tlali Israel; seyoc Joram catli eliyaya icone Josafat, pejqui titlanahuatía tlen tlali Judá. 17 Huan Joram quipixtoya 32 xihuitl quema pejqui itequi quen titlanahuatijquetl ipan altepetl Jerusalén ipan tlali Judá. Huan titlanahuati chicueyti xihuitl. 18 Pero ni Titlanahuatijquetl Joram ipan Judá qui-chijqui catli amo cualli iixpa NOTECHO san se quen quichijtoyaj Titlanahuatijquetl Acab huan nopa sequinoc titlanahuatiani catli titlanahuatijque ipan tlali Israel pam-

pa quichijtoya isihua se iichpoca nopa mijcatzi Titlanahuatijquetl Acab tlen Israel. 19 Pero TOTECHO amo quinejqui quisosolos nopa tlali Judá, pampa quitencahuilijtoya itequipanojca David huejcayja para quin-mocuitlahuis huan quintlahuilis iixhuihua para nochipa.

20 Pero quema tequitiyaya Joram, nopa tlali Edom ehuani moyolajcomanque ica tlali Judá pampa ayacmo quinejque ma quinnahuati nopa titlanahuatijquetl tlen tlali Judá. Huan quitlalijque se edomita tlacatl para ma quinnahuati san ipan inintial. 21 Huajca Titlanahuatijquetl Joram tlen tlali Judá yajqui altepetl Zair ica itlahuilanca carros huan isoldados para quin-huylanase catli nopena ehuaj. Pero nopa tlali Edom ehuani quinyahualojque. Yeca ica tlayohua Joram motlanantejqui ihuaya isoldados huan cholojtejque para ininchajchaj. 22 Huan hasta ama nopa Edom ehuani noja quinequij monahuatise ininseltzitzti huan amo quincahuilfaj tlali Judá ehuani ma quinnahuatica. Nojquiya altepetl Libna moiyoquixti ipan nopa xihuitl. 23 Huan sequinoc tlamantli catli qui-chijqui Titlanahuatijquetl Joram eltoc ijculijtoc ipan nopa amatlajcuiolli itoca Catli Quichijque Nopa Titlanahuatiani Ipan Tlali Judá. 24 Huan quema Titlanahuatijquetl Joram mijqui, quitlalpachojque campa itatahua quintlaltojque ipan Jerusalén ipan nopa barrio catli itoca Ialtepe David. Teipa pejqui titlanahuatía icone catli itoca Ocozías.

Ocozías titlanahuati ipan tlali Judá

(2 Cr. 22:1-6)

25 Quema Titlanahuatijquetl Joram, icone mijcatzi Acab, yohuiyaya para 12 xihuitl titlanahuatis ipan tlali Israel, pejqui titlanahuatía ipan tlali Judá nopa Titlanahuatijquetl Ocozías catli eliyaya icone Joram. 26 Huan Titlanahuatijquetl Ocozías quipiyayaya 22 xihuitl quema pejqui tequití. Huan titlanahuati ipan altepetl Jerusalén tlen tlali Judá san se xihuitl. Inana itoca eliyaya Atalía huan eliyaya iichpoca Titlanahuatijquetl Omri catli ehuia tlali Israel. 27 Ocozías quitoquili iojhui Titlanahu-

tijquetl Acab huan quichijqui nochí catli fiero iixpa TOTECO pampa eliyaya imontica nopa Tlanahuatijquetl Acab.

28 Huan Tlanahuatijquetl Ocozías mosansecotili ihuaya Tlanahuatijquetl Joram catli eliyaya iconē Acab huan sentic yajque ipan altepetl Ramot tlen tlali Galaad quihiulanatoj nopa Tlanahuatijquetl Hazaél tlen tlali Siria. Huan nopa Siria ehuani quicocojque Tlanahuatijquetl Joram, 29 huajca Joram mocuepqui ipan altepetl Jezreel para mochicahuas. Huan quemá noja itztoya ipan Jezreel, Tlanahuatijquetl Ocozías catli tlanahuati ipan tlali Judá yajqui quipaxaloto.

Jehú tlanahuati ipan tlali Israel

9 Ipan nopa tonali tlajtol pannextijquetl Eliseo quinotzqui se telpoca tlajtol pannextijquetl huan quiilhui:

—Ximocualtlali para tiquisas. Xijcui ni pilxarrojtzi tlen aceite huan xiya altepetl Ramot ipan Galaad. 2 Huan quemá tiajsiti nepa, xijtemo Jehú, iconē Josafat, catli eliyaya iconē Nimsi. Huan xiquiyocauquixtis tlen ihuampoyohua huan xijhuica ipan seyoc cuarto. 3 Huan nopoña xijcui nopa pilxarrojtzi tlen aceite huan xijtzonalti huan xiquilhui para TOTECO quiijtohua: ‘Na nimitztonaltia ica aceite para nimitzequimacas tielis titlanahuatijquetl ipan tlali Israel.’ Huan teipa nimantzi xijtlapo puerta huan ximosisihuili xicholotehua.

4 Huajca nopa telpoca tlajtol pannextijquetl yajqui nepa altepetl Ramot ipan tlali Galaad, 5 huan quemá ajsito nopoña, quinmelahuato mosentiltoque nochí tlayacanani tlen soldados. Huajca quiijo:

—Nijpiya se tlamantli para nimitzilhuis ta titlayacanquetl.

Huan Jehú quiijo:

—¿Ajqueya tlen tojuanti?

Huan nopa telpoca tlajtol pannextijquetl quiijo:

—Ta, tinotlayacanca.

6 Huajca Jehú moquetzqui huan calajqui ipan se cuarto. Huan nopa tlajtol pannextijquetl quitzonalti ica aceite huan quiilhui:

—TOTECO Dios tlen tiisraelitame quiijtohua: ‘Na nimitztonaltia ica aceite para nimitztlalis tielis titlanahuatijquetl ipan noisraelita masehualhua tlen tlali Israel. 7 Monequi tiquintlamimictis nochí iteiximatcahua Acab catli hasta ama eliyaya moteco. Huan quej nopa tiquincuepilis pampa Jezabel quitoyajqui inieso nochí notlajtol pannextijcahua huan notequipanojcahua. 8 Nochi iteipan ixhuihua Acab monequi xiquintlamilti. Xiquinmicti nochí tlacame catli iteiximatcahua huan itequipanojcahua masque quincojqui o san tequitij ihuaya. Nochi catli itztoque ica ya campa hueli ipan tlali Israel monequi xiquinmictis. 9 Nijchihuas ica iteiximatcahua Acab san se quen nijchijqui ica Jero-boam, iconē Nabat, huan ica Baasa, iconē Ahías. 10 Huan chichime quicuase iflacayo nopa sihua tlanahuatijquetl Jezabel ipan se milcahualli ipan altepetl Jezreel huan amo aqui quitlaltocas.’

Quej nopa quiyolmelajqui huan teipa nopa telpoca tlajtol pannextijquetl quitlapuerta huan cholojejqui.

11 Huan quemá Jehú mocuepqui ipan tlasentilistli ininhuya ihuampoyohua, se ihuampox quitlatzintoquili:

—¿Tlaque onca? ¿Para tlen hualajqui mitzitaco nopa huihui telpocatl?

Huan Jehú quiijo:

—Anquiximati ica anquimatij que-nicatzca camanalti.

12 Huan ihuampoyohua quiijtoque:

—Amo techcrajayahua. Techpohuil nochí.

Huajca Jehú quiilhui:

—Nechilhui para TOTECO quiijtohua para nechtonaltiyaya ica aceite para manielí nitlanahuatijquetl ipan ni tlali Israel.

13 Huajca inijuanti nimantzi moquixtilique inintlaque huan quitenque iicxitla ipan nopa escalones. Teipa quipitzque nopa tlapitzali huan cuatzajtziq: “¡Jehú ya mochijtoc tlanahuatijquetl ipan ni tlali Israel!”

Jehú quiimicti Tlanahuatijquetl Joram

14 Teipa Jehú, iconē Josafat, huan iixhui Nimsi, mosansecotili ica sequinoc parra yase quihiulanati Tlanahuatijquetl Jo-

ram. (Tiquelnamiqui achthui Tlanahuatijquetl Joram yajqui altepetl Ramot tlen Galaad ininhuaya iisraelita soldados para quihuilanatiij Tlanahuatijquetl Hazaël tlen tlali Siria, 15 pero mococo ipan tlahuilancayotl huan yeca mocuepqui hasta altepetl Jezreel para mochicahuas.) Huajca Jehú quinilhui ihuampoyohua: “Sintla melahuac anquinequij ma nieli niamotlanahuatijca, amo xijcahuaca niyon se masehuali ma quisa tlen ni altepetl para tlavolmelahuati ipan altepetl Jezreel para nimochijtoc nitlanahuatijquetl.”

16 Huan teipa Jehú tlejcoc ipan itlahuilanca carro huan yajqui altepetl Jezreel campa Tlanahuatijquetl Joram itztoya ipan itlapech. Ocozías, catli itztoya tlanahuatijquetl ipan tlali Judá, nojquia itztoya nopoña ihuaya Joram pampa yajqui quipaxaloto.

17 Huan quema nopa soldados catli tlamocuitlahuiyayaj ipan nopa huejcapantic torre ipan altepetl Jezreel quiitaca monechahuiyaya Jehú ica imasehualhua, chicahuac teyolmelajque:

—¡Hualahuíj miyaqui tlacame!

Huajca Tlanahuatijquetl Joram quijito:

—Xijtitlani se acajya ipan cahuayo ma quinnamiquiti para ma quimati sintla huahuíj ica cuali o amo.

18 Huajca yajqui se soldado cahuayo jtipa quinamiquito Jehú, huan quiilhui:

—Nopa tlanahuatijquetl nechnahuatijtoc ma nimitztlatzintoquiliqui sintla anhualahuíj ica cuali o amo.

Huan Jehú quinanquili:

—¿Tlaque tijmati ta tlen tlamatli catli cuali? Xihuala nohuaya noica.

Huajca nopa catli tlamocuitlahuiyaya ipan nopa torre quiilhui Tlanahuatijquetl Joram:

—Yaya catli tijtitlanqui quinnamiquito, ajisito campa inijuanti, pero amo nesi sintla mocuepa.

19 Huajca nimantzi nopa tlanahuatijquetl quititlanqui seyoc tlacatl cahuayo jtipa, huan yaya ajisito campa itztoyaj huan quijito:

—Nopa tlanahuatijquetl nechtitlantoc ma nimechtlatzintoquiliqui sintla anhualahuíj ica cuali o amo.

Huan Jehú quinanquili:

—¿Tlaque tijmati ta tlen tlamatli catli cuali? Xihuala nohuaya noica.

20 Huan catli tlamocuitlahuiyaya ipan nopa torre ipan altepetl sempa tlayolmelajqui ica ompa:

—Nopa seyoc catli tijtitlantoc nojquiya ajisito campa itztoque nopa tlacame, pero amo nesi sintla mocuepa. Huan na niuita huelis nopa Jehú, iixhui Nimsi, catli quihualica nopa tlahuilanca carro, pampa quinejnemiltía quen se catli loco, san quen Jehú ipa nemi.

21 Huajca Tlanahuatijquetl Joram tlanahuati:

—¡Nimantzi xijcualtlalica nocarro huan nocahuayos!

Huajca quicualtlajque itlahuilanca carro, huan Joram, tlanahuatijquetl tlen tlali Israel, huan Ocozías, tlanahuatijquetl tlen tlali Judá, quisque ipan sese inintlahuilanca carros para quinamiquitij Jehú. Huan quinamiquitoj campa nopa mili catli achthuiya elqui itlal Nabot catli ejqui altepetl Jezreel. 22 Huan quema quiitac Joram nopa Jehú, quiilhui:

—¿Jehú, tihuala ica cuali o amo?

Huan Jehú quinanquili:

—¿Tlaque catli cuali huelis onca quema monana, Jezabel, quisenhuiquilá quinhueytlatlála tlaixcopincayome catli amo ya Dios huan quisenhuiquilá tetlajchihuía campa hueli ipan tottal?

23 Huajca Tlanahuatijquetl Joram nimantzi quimacac se huelta ica icahuayo jhua huan cholo. Huan quiilhuijejqui Tlanahuatijquetl Ocozías:

—¡Techmictise, Ocozías!

24 Huan Jehú nimantzi quicuic icuahuitol huan quimotlac Joram. Huan nopa cuatlamintli calajqui ipan icuitlapa huan sentlapalo ipan iyolo. Huan Tlanahuatijquetl Joram huetzqui mictoc ipan itlahuilanca carro.

25 Huan Jehú quinahuati itequipanojca, Bidcar:

—Xijquixti itlacayo Joram ipan icarро huan xijmajcahua ipan imilcahual Nabot catli ejqui nica ipan Jezreel. ¿Tiquelnamiqui quema ta huan na san sejco tijnemilti-

yayaj tocarros iica Tlanahuatijquetl Acab, yaya catli eliyaya itata ni Joram, huan TOTECO techyolmelajqui ²⁶para temachtli quicuepilis Acab nica ipan itlal Nabot pampa quiqmicti Nabot huan iconehua?

Huajca xijcui itlacayo Tlanahuatijquetl Joram huan xijmajcahua ipan imilcahuil Nabot san quen quijito TOTECO.

Jehú quiqmicti Ocozías tlen Judá

(2 Cr. 22:7-9)

²⁷Huan quema Ocozías, nopa tlana-
huatijquetl tlen tlali Judá, quiitac catli pa-
noc, cholojejqui ipan ojtlí catli yohui pa-
ra altepetl Bethagán. Huan Jehú motlalo
quitepotztoac huan cuatzajtzityajqui:

—Xijmotlaca ya nojquia.

Huan se itequipanojca quimotlac Oco-
zías ipan itlahuilanca carro ipan nopa ojtlí
catli tlejco para altepetl Gur nechca alte-
petl Ibleam. Huan noja yoltaya hasta ajsi-
to ipan altepetl Meguido huan nopena
mijqui. ²⁸Teipa itequipanojcahua quihi-
caque itlacayo ipan se cuacarro hasta alte-
petl Jerusalén huan quitlalpachojque
inihuaya ihuejcapan tatahua ipan nopa
barrio catli itoca Ialtepe David.

²⁹Huan Tlanahuatijquetl Ocozías qui-
pehualtijtoya tlanahuatía ipan tlali Judá
quema Tlanahuatijquetl Joram, icone
Acab, yohuiyaya para 11 xihuitl tlanahua-
tis ipan tlali Israel.

Imiquilis Jezabel

³⁰Huan quema nopa sihua tlanahuatij-
quetl Jezabel catli elqui inana Jotam qui-
matqui catli panoc huan quimatiyaya hu-
layaya Jehú para quiqmictis nojquia, mo-
pajqui nochí yahaultic ipan iixteyol, huan
moyecchihuili itzoncal huan mosehui
nechca ventana huan tlachixqui. ³¹Huan
quema Jehú ajsito campa puerta ipan ite-
pa nopa altepetl, nopa sihuatl quiilhui:

—¿Quenicateza tiitztoc ama, itemictij-
quetl? Ta tiitztoc san se ica Zimri catli no
quiqmicti iteco.

³²Huan nopa Jehú tlachixqui ica huej-
capa huan quiitac nopa fiero sihuatl mose-
huijtoya campa ventana huan quintlatzin-
toquili catli itztoyaj inechca:

—¿Ajqueya tlen amojuanti anitztoque
nohuaya para ma nielis niamotlanahuatij-
ca?

Huan ome o eyi tlacame catli mocapa-
rojtoyaj para quitequipanose nopa sihua
tlanahuatijquetl itztoyaj inechca ipan no-
pa caltlanahuatili, huan tlachixque para
tlatzintla para quiitase Jehú. ³³Huan Jehú
quinnahuati:

—Xijhualmajcahuaca nopa sihuatl nica
tlatzintla.

Huan injuanti quimajcajque para tla-
tzintla huan se achi ieso tzicuinqui ipan
tepamitl huan ipan nopa cahuayo jme.
Huan Jehú pejqui ipan moquejquetza itla-
cayo nopa sihua tlanahuatijquetl Jezabel
ica icahuayo jhua. ³⁴Teipa Jehú calajqui
ipan icaltlanahuatil nopa tlanahuatijquetl
huan tlacuajqui huan atlic huan teipa qui-
jito:

—Monequi ma yohui se acajya para
quitlalpachos nopa sihuatl pampa eliyaya
iichpoca se tlanahuatijquetl.

³⁵Pero quema yajque quitlalpachotij,
san quipantijque itzoncacahuayo, iicxihua
huan imax. ³⁶Huajca mocuepque huan
quiylomelahuaco Jehú huan Jehú quiijito:

—Toteco Dios ya quiijtojtoya por ite-
quipanojca, Elías, catli ehua altepetl Tis-
be, para chichime quicuasquíaj itlacayo
Jezabel tlalchi ipan altepetl Jezreel.
³⁷Huan itlacayo mocahuas pasoltic quen
cuitlatl campa hueli ipan ni altepetl hasta
amo aqui huelis quiijtos:

—Ya ni quentzi itlacayo Jezabel.

Jehú quiqmicti nochí iteiximatcahua Acab

10 Nopa mijcatzi Tlanahuatijquetl
Acab quinpixtoya 70 itelpocahua
huan iixhuihua catli itztoyaj ipan altepetl
Samaria. Huajca Jehú quiijcuilo amatlaj-
cuiolli huan quintitlanili ipan altepetl Sa-
maria para nopa huejhueyi tlacame huan
nopa tequitini huan inintlamocuitlahuij-
cahua iconehua Tlanahuatijquetl Acab,
huan nopa amatlajcuiolli quiijtohuayaya:
²“Anquinpiyaj amomaco itelpocahua
huan iixhuihua amoteco, nopa mijcatzi
Tlanahuatijquetl Acab. Huan anquipiyaj
tlahuilanca carros huan tlacame catli ne-

mij cahuayoxtipa, huan anitztoque ipan se altepetl tzactoc ica tepamitl huan anquipiyyaj tepostli para ica antlahuilanase. Huajca quema ajsis ni amatljacuilo amomaco, 3 xijtlapejpenica nopa icona Acab catli anquittaj para elis amotlanahuatijca huan xijtlalica campa mosehuiyaya itata para tlanahuatis. Huan ximocualtlalica para antlahuilanase para catli eliyaya itlanahuatilis Acab.” Quej nopa quiijto nopa amatljacuilo.

⁴Pero nopa masehualme ipan altepetl Samaria tlahuel momajmatijque huan quiijtoque: “Sintla ome huejhueyi tlanahuatiani amo huelque quitlanque ni Jehú, ¿queniquicatzia huelis tijtlanise tojuanti?”

⁵Huajca nopa tlamicuitlahuijquetl tlen icaltlanahuatil nopa tlanahuatijquetl, huan nopa huejhueyi tequitini ipan altepetl Jezreel, huan nopa tlayacanani huan injuanti catli quinmocuitlahuiyayaj iconehua Acab, nochí quiyolmelajque Jehú: “Tojuanti timitztequipanose huan tijchihuase catli technahuatis, pero amo aqui tijtlalise para tlanahuatijquetl. Xijchihua nica catli achi más mitzpactía.”

⁶Huan ica ompa Jehú quintlajcuilhui huan quinilhui: “Sintla anitztoque ica na huan anquinequij anquineltocase notlanahuatil, xijquechtzontequeica nochí Acab, yaya catli eliyaya amoteco. Huan mostla ipan ni hora techhualiquilica nica ipan altepetl Jezreel.”

Huan nopa tlayacanani ipan altepetl Samaria quinmocuitlahuijtoyaj nopa 70 iconehua huan iixhuihua nopa tlanahuatijquetl hasta quema tziquitetzitz huan quiniscaltijtoyaj. ⁷Pero quema quiselijque nopa amatljacuilo, quincuique nopa 70 iconehua huan quinmictijque, huan inintzonco quitlalijque ipan se quesqui cuachiquihuitl huan quintitlanilijque nepa ipan altepetl Jezreel. ⁸Huan se tlayolmelajquetl yajqui quiilhuito Jehú para quihualicatoyaj inintzonco iconehua huan iixhuihua nopa mijcatzi Tlanahuatijquetl Acab. Huajca Jehú tlanahuati:

—Xijchihuaca ome monton campa puerta ipan itepa ni altepetl huan nopona xijcahuaca inintzonco hasta mostla.

⁹Huan hualmostla quisqui Jehú huan moquetzqui huan tlamiyacapa quincamanalhui nochí masehualme catli ehuaj nopa altepetl. Quiijto:

—Amojuanti amo anquipiyaj tlajtlacoli. Na catli nimoiyocatlali tlen notlanahuatijca huan nijmicti ya, pero ¿ajqueya quinmicti nochí iconehua? Yaya Toteco catli quichijtoc ma quinmictica, ¹⁰pampa nochí catli TOTECO quiijto ica itequipanojea, Elías para ininpantis iteiximatcahuia Acab, ya nopa mochijtoc.

¹¹Huan teipa Jehú quinmicti nochí iteiximatcahuia Acab catli noja itztoyaj ipan altepetl Jezreel, ininhuaya nochí itequiticahuia, ihuampoyohua huan itotajtzitzi. Amo quicajqui niyon se ma itzto catli moiximatiyaya ihuaya, niyon catli eliyaya ihuampox. ¹²Teipa Jehú yajqui altepetl Samaria. Huan ipan ojtlí ajsito ipan se cali campa tequitiyayaj catli quinmocuitlahuij huan quinximaj borregojme. ¹³Huan nopona quinpani iicnihua nopa mijcatzi Tlanahuatijquetl Ocozías catli elqui tlanahuatijquetl ipan tlali Judá. Huan Jehú quintlatzintoquili:

—¿Ajqueya amojuanti?

Huan quiilhuijque:

—Tojuanti tiicnihua Ocozías, huan tiyohuij tiquinpaxalotij itelpocahua nopa mijcatzi tlanahuatijquetl Acab huan nopa sihua tlanahuatijquetl Jezabel.

¹⁴Huajca Jehú quinnahuati itlatoquijcayahua:

—Xiquinitzquica yoltotope.

Huajca quinitzquijque yoltotope nochí nopa 42 masehualme huan quinhuicaque hasta nechca se ameli catli eltoc ipan Bet Eqed huan nopona quinquechzontejque. Huan amo mocajqui yoltoc, niyon se.

¹⁵Quema Jehú quisqui nopona, mōpanti ihuaya nopa Jonadab, icon Recab. Huan quitlajpalo huan teipa quiilhui:

—¿Cuali moyolo ica na, san quen na noyolo cuali ica ta?

Huan Jonadab quiilhui:

—Quena.

Huan Jehú quiilhui:

—Huajca techmaca momax.

Huajca Jonadab quimacac imax huan Jehú quichijqui para ma tlejco ipan itlahuilanca carro,¹⁶ huan quiilhui:

—Xihuala nohuaya huan tiquitas catli ya nijchijtoc pampa nijtoquilía nochí catli nechnahuatía noTeco Dios.

Huajca Jonadab yajqui ihuaya.¹⁷ Huan quema calactiyohuiyaya ipan altepetl Samaria, Jehú quinmicti nochí iteiximatcahua Acab catli mocajtoyaj nopona. Huajca quintzontlamilti nochí iteiximatcahua Acab san quen TOTECO quitencahuilijtoya ica Elías para panos.

Jehú quisemanqui nopa teteyotl Baal

18 Teipa Jehú quinsentili nochí altepetl Samaria ehuani huan quinilhui:

—Acab tlahuel quentzi quihueyichijqui nopa tiotzi Baal, pero na, quena, tlahuel nijhueyichihuas.¹⁹ Huajca nimantzi xiquinnotzaca ma hualaca nochí itlajtol pannextijcahua Baal, nochí itequipanojahua, huan nochí itotajtzitzi. Ma amo mocahua niyon se pampa nijpiya se hueyi tlacajcahualistli para Baal. Sintla se catli quihueyichihua Baal polihuis, quipiya para miquis.

Pero Jehú quisencajtoya nopa tlacajcahualistli para tecajcayahuas. Quej nopa, ica sempa, huelis quintlamiltis nochí catli nopona ehuaj catli quihueyichihua Baal.²⁰ Huajca tlanahuati Jehú ma oncas se hueyi tlanechicoli huan ilhuitl para Baal huan quej nopa quichijke. ²¹ Huan quintitanqui tlayolmelahuani ipan nochí tlali Israel para quinnotzase catli quitoquiliyaj Baal. Huan nochí hualajque huan tlahuel temic itiopa Baal tlen se lado hasta seyoc.²² Huan Jehú quiilhui nopa tlacatl catli quiajocui nopa yoyomitl para itequipanojahua Baal para ma quinpiya cuidado para senquistoc nochí nopa masehualme ma moquentise nopa yoyomitl catli monequi para quihueyitlalise Baal.²³ Huan teipa calajqui Jehú ipan nopa tiopamitl tlen Baal ihuaya Jonadab, ica Recab, huan quinilhui nochí itequipanojahua Baal:

—Xijpiyaca cuidado para ma amo itzto niyon se campa amojuanti catli quihueyi-

chihua TOTECO, san monequi ma itztoca catli quihueyichihua Baal.

24 Huajca nochí catli quihueyichijque Baal calajque ipan nopa tiopamitl para quimacase nopa tlacajcahualistli. Huan Jehú quintlali 80 tlacame ica calteno, huan quinilhui:

—Aqui quicahuas ma cholo se masehuali catli niqintemactilijtoc amomaco, monequi miquis.

25 Huan teipa quema tlanque temacaj tlacajcahualistli, Jehú quinnahuati nopa tlamocuitlahuiani huan nopa tlayacanani tlen isoldados:

—Xicalaquica huan xiquinmictica nochí nopa masehualme. ¡Ma amo aqui cholo!

Huan quinmictijque nochí ica machete, huan quinquitijque inintlacayohua calteño ipan nopa tiopamitl. Huan teipa calajque campa más calijtjc huan campa quiitayaj para más tlatzejtzelotic ipan tiopamitl.²⁶ Huan quinquitijque nopa teteyome tlen Baal huan quintlatijque.²⁷ Nojquiya quintlamisemanque nopa tlaixcopincayome huan senquistoc nochí itiopa Baal. Huan nopona quichijke ma elis cuiatlacalme para ma quitequihuica nochí altepetl ehuani. Huan quej nopa eltoc hasta ama.

28 Quej nopa Jehú quitzontlamilti Baal ica nochí nopa masehualme catli quitoquiliyaj tlen tlali Israel.²⁹ Pero amo quinsemanqui nopa pilhuacaxtzitz tlen oro catli eltoya ipan altepeme Betel huan Dan. Nopa pilhuacaxtzitz elqui nopa hueyi tlajtlacoli catli mijcatzi Tlanahuatijquetl Jeroboam, ica Nabat, quinnextilijtoya Israel ehuani ma quichihuaca. Quinilhui ma quihueyichihuaca TOTECO, pero ica nopa teteyome tlen pilhuacaxtzitz tlen oro.³⁰ Pero masque Jehú amo quinijcuini nopa pilhuacaxtzitz, TOTECO quiilhui: “Tijchijtoc catli cuali pampa tiquinmicti nochí iteiximatecahua Acab. Huan huajca mocone, huan moixhui huan ica moixhui elise tlanahuatiani ipan tlali Israel huan mosehuise ipan mosiya yejyectzi para tlanahuatise.”

31 Pero Jehú amo quitoquili itlanahua tilhua TOTECO Dios tlen tiisraelitame ica

nochi iyolo. Amo quicajqui nopa tlajtlacoli para quihueyitlalise TOTECO por teteyome. Ya nopa elqui nopa tlajtlacoli catli Tlanahuatijquetl Jeroboam quinnextili israelitame.

32 Huajca ipan nopa tonali TOTECO pej qui quincuilia intintal nopa israelitame. Nopa Tlanahuatijquetl Hazaél quincuiliyyajqui intintal campa hueli **33** ipan seyoc lado nopa hueyatí Jordán campa hualquisa tonati huan nojquiya campa hueli tlen tlali Galaad, Gad, Rubén huan Manasés. Tlanahuatijquetl Hazaél quitlanqui nopa tlali tlen altepetl Aroer inechca nopa atlajti Arnón hasta tlali Galaad huan Basán para norte.

Joacaz tlanahuati ipan tlali Israel

34 Nopa sequin tlamantli catli panoc ipan itlanahuatilis Jehú huan nochi catli quichijqui eltoc ijeuilijtac ipan nopa amatlaphuali itoca Catli Quichijque Nopa Tlanahuatian Ipan Tlali Israel. **35** Huan quema mijqui Jehú, quitlalpachoque ipan altepetl Samaria. Huan pejqui tlanahuatia icone catli itoca eliyaya Joacaz. **36** Huan Jehú elqui tlanahuatijquetl tlen tlali Israel para **28** xihuitl huan mosehui ipan altepetl Samaria para tequitis.

Atalía mochijqui quen tlanahuatijquetl

(*2 Cr. 22:10 – 23:21*)

1 **1** Huan ipan tlali Judá, quema Atalía, inana Tlanahuatijquetl Ocozías quimatqui para ya mictoc icone, yajqui huan quintlamimicti nochi iconehua pampa quinequiyaya tlanahuatis iseltzi. **2** Pero nopa sihuatl Josaba, catli eliyaya iichpoca Tlanahuatijquetl Joram huan isihuac icni nopa mijcatzi Tlanahuatijquetl Ocozías, quiiyocatlali se ipilcone Ocozías catli itoca eliyaya Joás tlen nochi iconehua catli quinmietiyaya. Huan quitlali nopa piloquichpiltzi ihuaya itlamocuitlahujica catli quiiscaltiyaya ipan se cuarto campa cochij huan quej nopa quitlati tlen nopa sihuatl Atalía huan amo huelqui quimicti. **3** Huan Joás huan itlamocuitlahujica motlatijque ipan itiopa TOTECO para chicuase xihuitl. Huan nopa sihuatl Atalía elqui si-

hua tlanahuatijquetl tlen tlali Judá nochi nopa xihuitl.

Joás tlanahuati ipan tlali Judá

4 Pero quema nopa sihuatl Atalía yohuiyaya ipan chicome xihuitl tlanahuatis, nopa totajtzi Joiada tlatitlanqui ma quinnotzaca nopa tlayacanani tlen israelita soldados, huan nopa seyoc tlali ehuani soldados catli tequitique para se tlaxtla-huili huan nopa tlamocuitlahuiani tlen tiopamitl. Quinilhui ma mosentilica ipan itiopa TOTECO campa ya itztoya. Huan quinnextili nopa oquichpil catli eliyaya icone nopa mijcatzi tlanahuatijquetl. Huan nopona quichijqui ma tlatestigoj-quetzaca para quitequipanose san ya quen tlanahuatijquetl. **5** Huan nopa totajtzi Joiada quinilhui: “Ya ni catli anquichihuase. Amosoldados catli quipiyaj ininteque para tlamocuitlahuaj ipan sábado quema timosiyajquetzaj, xijchihuaca eyi pamitl. Se pamitl tlamocuitlahuise ipan icaltlana-huatil nopa tlanahuatijquetl. **6** Seyoc pamitl tlamocuitlahuise campa nopa puerta ipan Sur catli calaqui ipan itepa ni altepetl, huan nopa seyoc pamitl tlamocuitlahuise campa puerta catli eltoc ica iica nopa cuartel. Quej nopa anquimocuitlahuise nopa cali tlen tlanahuatijquetl. **7** Huan nopa ome pamitl tlen soldados catli quisaj tlen ininteque quema pehua sábado, ma quimocuitlahuica nopa cone tlanahuatijquetl ipan itiopa TOTECO. **8** Ma quiyahualoca nopa cone tlanahuatijquetl huan sesen quipiyas itepos imaco. Huan sintla se acayja quinequis calaquis afuerza campa motecpantoque, ma quimictica. Ma mocahuaca ihuaya nopa cone tlanahuatijquetl campa hueli yaya yas.”

9 Huajca nopa tlayacanani tlen soldados quichijque senquistoc quen quinna-huati nopa totajtzi Joiada. Nopa tlayacan-a soldados quinsentili nopa soldados catli calaquiayaj para tlamocuitlahuise ipan sábado huan nojquiya catli quisaya-yaj tlen ininteque, huan quinixnextijque campa nopa totajtzi Joiada. **10** Huan nopa totajtzi quinmacac sesen inijuanti se icuachoso huan itepos yolixtzajca catli achti-

hui eliyaya iaxca mijcatzi Tlanahuatijquetl David huan isoldados huan moca-huayaya ipan nopa tiopamitl tlen TOTECO. 11 Huan nochí nopa soldados motecpanque yahualtic campa itztoya nopa tlana-huatijquetl huan sesen quipixqui icuachoso imaco. Motecpanque tlen lado sur ipan nopa tiopamitl hasta nopa lado norte huan nojquia quiyahualojoque tlaixpa-mitl.

12 Huan nopa totajtzi Joiada quiqxiti nopa oquichpil catli elqui icona nopa mijcatzi tlana-huatijquetl, huan quitlalili nopa corona ipan itzonteco huan quimacac se tlaixcopinali tlen itlanahuatilhua TOTECO. Huan teipa quitzonalti ica aceite huan quichijqui tlana-huatijquetl. Teipa nochí momatlajtlatzinijque huan cuatzajtzique: “¡Ma huejcahua itztos totlanahuatijca!”

13 Huan quema nopa sihua tlana-huatijquetl Atalía quicajqui tlahuechihuaj nopa soldados huan masehualme, moisihuili yajqui campa itiopa TOTECO campa nochí itztoyaj. 14 Huan quiitac nopona nopa cone tlana-huatijquetl ijcatoc campa onca te-quiticayotl nechca nopa hueyi tlaquetzali quen nochipa quichihuaj quema calaqui se yancuic tlana-huatijquetl ipan itequi. Huan ica inejmac huan iepoch nopa conetl itztoyaj nopa tlayacanca tlacame, huan nopa tlapitzani, huan nopa sequinoc masehualme catli paquiyayaj huan catli nojquia tlapitzayayaj. Huajca Atalía qui-tzayanqui iyoyo huan quijito chicahuac:

—Antechcualancaitaj huan anquitlalij-toque seyoc amotlanahuatijca quen nopalaca.

15 Huajca nopa totajtzi Joiada quinnahuati nopa tlayacanani tlen nopa soldados:

—¡Xijquixtica nopa sihuatl tlen ni tiopamitl huan xijmictica! Nojquia xiquin-mictica nochí catli quisase para quipale-huise. Pero amo xijmictica nica tiopan calijtic.

16 Huajca quiitzquijque huan quiqxiti que huan quimictijque hasta campa calaquij soldados catli nemij cahuayo-jtipa ipan puerta icalixpa ichaj tlana-huatijquetl.

17 Teipa Joiada quichijqui se camanal sencahualli ica TOTECO huan ica nopa yan-cuic cone tlana-huatijquetl huan nochí ma-sehualme. Nopa camanal quijito para ini-juanti nelía elise imasehualhua TOTECO. Nojquia quichijqui se camanal sencahualli ica nopa cone tlana-huatijquetl huan no-pa masehualme ica catli quichihuase. 18 Teipa nochí nopa masehualme yajque ipan itiopa Baal huan quitlahuisojoque. Quisemanque itlaixpahua, huan quichij-que cuechtic nochí tlaixcopincayome huan Matán, catli eliyaya itotajtzi Baal quimictijque iixmelac nopa tlaixpamitl.

Huan teipa nopa totajtzi Joiada quin-tlali soldados para tlamocuitlahuise ipan itiopa TOTECO. 19 Huan quincuic nopa tla-yacanani tlen soldados huan nopa solda-dos catli ehuaj sequinoc tlalme, huan no-pa tlamocuitlahuiani tlen tiopamitl, huan nochí masehualme tlen tlali Judá, huan sentic quihiuicaque nopa cone tlana-huatij-quetl tlen campa itiopa TOTECO hasta ical-tlanahuatil nopa tlana-huatijquetl. Huan calajque campa eltoya nopa puerta para tlamocuitlahuiani huan quisehuijque Joás ipan nopa yejectzi siya para nopa hueyi tlana-huatijquetl. 20 Huan nochí nopa ma-sehualme pajque miyac. Huan nochí alte-petl Jerusalén quipixqui tlasehuilistli pampa quimictijque nopa sihua tlana-hua-tijquetl Atalía ica machete ipan nopa cal-tlanahuatili. 21 Huan Joás quipiyayaya chicome xihuitl quema pejqui tlana-hua-

Joás tlana-huatí ipan tlali Judá

(2 Cr. 24:1-7)

12 Huan nopa cone tlana-huatijquetl Joás pejqui tlana-huatí ipan tlali Judá ipan sur quema Tlanahuatijquetl Je-hú yohuiyaya para chicome xihuitl tlana-huatis ipan tlali Israel ipan norte. Huan Joás mosehui para tequitis ipan altepetl Jerusalén huan elqui tlana-huatijquetl pa-ra 40 xihuitl. Inana itoca eliyaya Sibia huan ejqui altepetl Beerseba. 2 Huan Tla-nahuatijquetl Joás quichijqui catli cuali iixpa TOTECO nochí tonali quema nopa to-tajtzi Joiada noja itztoya para quiconsejo-

macas. 3 Pero teipa Joás quicahuili ma mocahua nopa piltiocaltzitzti ica tlaixpame para tlaixcopincayome campa nopa masehualme tlacajcahuayayaj huan quitlatiyayaj copali.

4 Huan se tonal quema ayamo miquiyya nopa totajtzi Joiada, Joás quinilhui nopa totajtzitzti:

—Xisentilica nochí tomi catli masehualme quihualicatoque para TOTECO Dios. Xisentilica nopa impuestos catli tlaxtlhua sesen tlacatl, huan nochí nopa tomi catli masehualme quihualicaj ipan ichaj TOTECO quema quitencahuiláj TOTECO tlaque quichihuase ihuaya nochí ofrendas catli san quimacaj TOTECO ica ininyolo. 5 Nochí ni tomi ma mocahua ininmaco totajtzitzti para quisencahuase itiopa TOTECO campa sosolijtoc.

6 Pero panoc 23 xihuitl ipan itequi Joás huan nopa totajtzitzti ayamo quicuallalijtoyaj tleno ipan itiopa TOTECO. 7 Huajca Tlanahuatijquetl Joás quinotzqui nopa totajtzi Joiada huan nopa sequinoc totajtzitzti huan quinilhui:

—¿Para tlen amo anquicuallalijtoque nopa tiopamitl? Amojuanti ayacmo anquipiyyase amomaco nopa tomi catli masehualme temacaj para anquitequihuise. Nochí nopa tomi elis para ma quicuallalica nopa tiopamitl campa sosolijtoc.

8 Huajca nopa totajtzitzti quijitoque para cuali ayacmo quiselise más tomi tlen masehualme huan ayacmo elis inincuenta para quisencahuase nopa tiopamitl.

Quisencajque itiopa TOTECO catli sosolijtoya

(2 Cr. 24:8-14)

9 Huajca nopa totajtzi Joiada quicuic se pilcuacajontzi huan quicoyoni ipan itenzajca huan quitlali ica inejmac nopa tlaixpamitl campa masehualme calaquij ipan nopa tiopamitl. Huan nopa totajtzitzti catli tlamocuitlahuíaj campa nochí calaquij ipan tiopamitl quitlaliyayaj nochí inifrendas ipan nopa pilcuacajontzi. 10 Huan quema quiitayayaj para nopa pilcuacajontzi quipixtoc miyac tomi, itlajcuijloca nopa tlanahuatijquetl, ihuaya nopa

totajtzi quipohuayayaj catli ajsitoya ipan itiopa TOTECO huan quitlaliyayaj ipan bolsas. 11 Huan teipa quinmacayayaj nopa tlayacanca tlanahuatiani catli quitlachiliyayaj inintequi huan quintlaxtlahuiyayaj 12 nopa tepanchihuani, cuatequini, tlapalehuiani huan catli quicualchijchihuayayaj tetl para ma quicuallalica nopa tiopamitl. Nojquiya quitequihuijque nopa tomi para quicohuase cuame huan teme catli monequiyaya ipan nopa tequitl. Huan nochí sequinoc gastos catli quichihuayayaj ipan nopa cali. 13 Pero nopa tomi catli quihiayayaj ipan ichaj TOTECO amo quitequihuiyayaj para quicohuase tazas tlen plata, niyon pilcucharajtzitzti para quisehuise tlahuili, niyon para apastli, tlapitzalli huan sequinoc tlamantli catli motequihuía tiapan calijtic tlen oro o plata. 14 Nochí nopa tomi quitequihuiyayaj senquistoc para tlaxtlahuase para ma quicuallalica nopa tiapan cali. 15 Huan amo quintlajtlaniyayaj cuenta nopa tlacame catli quitequihuiyayaj nopa tomi pampa nochí catli tequitayayaj eliyayaj temachme huan quichijque san catli xitlahuac. 16 Pero nopa tomi catli masehualme temacaque pampa tlajtlacolejque iixpa TOTECO o pampa tlajtlacolchijtoyaj, amo quihiacayayaj tiapan calijtic. Nopa tomi quinmacayayaj totajtzitzti ma quitequihuica.

17 Ipan nopa tonali Tlanahuatijquetl Hazaél tlen tlali Siria quihuilanqui altepetl Gat huan moaxcati. Huan teipa quinejqui nojquiya moaxcatis altepetl Jerusalén. 18 Pero Tlanahuatijquetl Joás ipan Judá catli mosehui para tequitis ipan Jerusalén quicuic nochí tlamantli catli patiyo huan yejyectzi catli yaya huan ihueyi tatahua quimacatoyaj TOTECO itiopa. Ihueyi tatahua elque nopa tlanahuatiani ipan tlali Judá catli inintoca Josafat, Joram huan Ocozías. Nojquiya Joás quicuic nochí nopa oro tomi catli iaxca tiopamitl, huan iaxca nopa icaltlanahuatil huan quititlanili Tlanahuatijquetl Hazaél ipan tlali Siria para amo ma huala quihuilanaqui Jerusalén. Huan quena, Tlanahuatijquetl Hazaél quiseli huan quicajte Jerusalén huan yajqui.

19 Nochi catli panoc ipan itequi Joás huan nochí catli quichijqui eltoc ijcuilijtoc ipan nopa amatlapohuali itoca Catli Qui-chijque Nopa Tlanahuatiani Ipan Tlali Judá. **20** Pero teipa itequipanojcahua molnanque ica ya huan quisencajque que-nicatza quimictise ipan nopa ompa cali tlen tlanahuatijquetl ipan Milo catli mocahua ipan nopa tlaixtemolis ipan ojtlí para Sila.

21 Huan intoca catli quimictijque Joás eliyaya Josacar, icode Simeat, huan Jozabad, icode Somer, huan itztoyaj itequipanojcahua catli más nechca catli ipan motemachi. Huan quema mijqui Joás, qui-tlapachojque campa ipan Jerusalén ipan nopa barrio catli itoca Ialtepe David. Huan teipa icode catli itoca eliyaya Amasías pejqui tlanahuatía ipan tlali Judá.

Joacaz tlanahuati ipan tlali Israel

13 Quema Tlanahuatijquetl Joás yo-huiyaya para 23 xihuitl ipan itlanahuatilis ipan tlali Judá, pejqui tlanahuatía Tlanahuatijquetl Joacaz, icode Jehú, ipan tlali Israel. Mosehui para tequitis ipan altepetl Samaria huan tlanahuati 17 xihuitl. **2** Pero quichijqui catli amo cuali iixpa TOTECO pampa quichijqui san se tlajtlacoli quen quichijqui Tlanahuatijquetl Jeroboam, icode Nabat, catli quinnextili israel-itame ma quihueyichihiuaca TOTECO ica teteyome. Huan Joacaz amo quicajtejqui ni tlajtlacoli. **3** Huan tlahuel cualanqui TOTECO ica nopa masehualme tlen tlali Israel, huan quintemactili imaco Tlanahuatijquetl Hazael tlen tlali Siria huan imaco Ben Adad catli eliyaya icode.

4 Huajca Tlanahuatijquetl Joacaz motlatlajti ica TOTECO para ma quipalehui. Huan TOTECO quitlacaquili catli quitlajtlani pampa TOTECO quiitac quenicatza nopa Tlanahuatijquetl tlen tlali Siria quin-taijiyohuilitiyaya israelitame. **5** Huan TOTECO quinmacac nopa tlali Israel ehuan se temaquixtijquetl huan quej nopa israel-itame momaquixtijque ininmaco tlali Siria ehuan. Huan teipa nopa tlali Israel ehuan itztoyaj ica cuali ipan inintlal quen achthuiya eliyaya. **6** Pero nopa tlali Israel

ehuani quisenhuiquijique tlajtlacolchijque pampa quitoquijique nopa fiero ojtlí tlen Tlanahuatijquetl Jeroboam catli te-nextilijtoya ma quinpiyaca tlaixcopinca-yome tlen pilhuacaxtzitzí para ica quihue-yitlalise TOTECO. Huan tlali Israel ehuan tlahuel tlajtlacolchijque huan quiqetzque se fiero tlaquetzali tlen nopa tiotzi Asera ipan altepetl Samaria. **7** Huan teipa Tlanahuatijquetl Joacaz san quinpixtoya 50 isoldados catli nejnemij cahuayo jtipa, **10** tlahuilanca carros ica cahuayo jme huan 10 mil soldados catli san iniicxipa nemij pampa nopa tlanahuatijquetl tlen tlali Siria quinmictijtoya nochí sequinoc huan quinchijtoya quen tlatjejpoctli catli ipan nejnemiyaya.

Mijqui Tlanahuatijquetl Joacaz

8 Nochi catli panoc ipan itequi Tlanahuatijquetl Joacaz huan nochí catli qui-chijqui huan quenicatza motemacac ipan tlahuilancayotl eltoc ijcuilijtoc ipan nopa amatlapohuali itoca Catli Quichijque Nopa Tlanahuatiani Ipan Tlali Israel. **9** Huan mijqui Tlanahuatijquetl Joacaz huan qui-tlapachojque ica itatahua ipan altepetl Samaria. Huan pejqui tlanahuatía Joás catli eliyaya icode.

Seyoc Joás tlanahuati ipan tlali Israel

10 Quema Tlanahuatijquetl Joás, icode mijcatzi Tlanahuatijquetl Ocozías, yohui-yaya para 37 xihuitl ipan itequi ipan tlali Judá, pejqui tlanahuatía seyoc catli noj-quiya itoca Joás, pero elqui icode Joacaz, ipan tlali Israel. Huan ni Joás mosehui para tlanahuatis ipan altepetl Samaria huan tlanahuati 16 xihuitl. **11** Pero ni Joás ipan tlali Israel quichijqui catli amo cuali iixpa TOTECO. Amo quinejqui quicahuas nopa tlajtlacoli para quihueyichihiuase TOTECO ica teteyome catli nopa mijcatzi Tlanahuatijquetl Jeroboam, icode Nabat, quin-nextilijtoya tlali Israel ehuan ma quichihuaca. **12** Huan nochí catli panoc ipan itequi Tlanahuatijquetl Joás huan nochí catli quichijqui, huan quenicatza tlahuilanqui ica Amasías, nopa tlanahuatijquetl tlen tlali Judá, nochí eltoc ijcuilijtoc ipan nopa

amatlapohuali catli itoca Catli Quichijque Nopa Tlanahuatiani Ipan Tlali Israel. 13 Huan quema mijqui Tlanahuatijquetl Joás, quitlapachojque ipan altepetl Santa maria ihuaya ihuejcapan tatahua catli eliyayaj tlanahuatiani ipan tlali Israel. Huan pejqui tlanahuatia icona catli itoca eliyaya nopa ompa Jeroboam.

Joás quipaxaloco Eliseo quema mococohua

14 Quema tlamiyaya ifuerza Eliseo huan motlahueltiyaya para miquis, yajqui quipaxaloto nopa Tlanahuatijquetl Joás tlen tlali Israel. Huan Joás chocac huan quiqechnahuajqui Eliseo huan quilhui:

—¡Notata, notata, ta tiitztoya ichicahualis ni tlali Israel! Más techpalehui que tlahuilanca carros huan soldados catli quinnemiltiáj.

15 Huan Eliseo quilhui:

—Xijcuiti se cuahuitoli huan sequin cuatlamintli.

Huan nopa tlanahuatijquetl quicuic se cuahuitoli huan sequin cuatlamintli, 16 huan Eliseo quilhui nopa tlanahuatijquetl ipan Israel:

—Xijtlali momax ipan nopa cuahuitoli.

Huan quitlali imax ipan nopa cuahuitoli. Huajca Eliseo quitlali imax ipan imax nopa tlanahuatijquetl, 17 huan quilhui:

—Xijtalo nopa ventana catli tlachixtoc ica campa hualquisa tonati.

Huan nopa tlanahuatijquetl quitlapo, huan Eliseo quinahuati:

—Ama xijmajcahua.

Huajca nopa tlanahuatijquetl tlamotlac ica icuahuitol huan Eliseo quijito:

—Ya ni eltoya icuatlamin TOTECO catli mitzchihuas xiquintlani nopa tlali Siria ehuani ipan altepetl Afec.

18 Teipa Eliseo quilhui nopa tlanahuatijquetl:

—Xijcui nopa cuatlamintli huan xijhuitequi nopa tlali.

Huan nopa tlanahuatijquetl quihuitej qui eyi hueltas huan moquetzqui. 19 Huan nopa tlajtol pannextijquetl cuananqui huan quilhui:

—¿Para tlen san expa tijhuitejqui? Sintla tijhuitecosquía nopa tlali macuili o

chicuase huelta, tiquintlanisquía nopa Siria ehuani hasta amo aqui tijcajtosquía itztoc, pero ama san eyi huelta tiquintlanis nopa Siria ehuani.

20 Huan teipa mijqui Eliseo huan quitlapachojque.

Sesen xihuitl quema moseliltiáj cuame miyac fiero tlachtequini tlen tlali Moab hualayabaj ipan tlali Israel para tlachtequise. 21 Huan se tonal masehualme quitlapachohuayabaj se mijcatzi. Huan quinitaque tlahuel miyac tlachtequini hualahuaj. Huajca nimantzi quicuamajcajtejque nopa mijcatzi ipan nopa itecacahua Eliseo huan cholojtejque tlen nopa tlachtequini. Huan nopa mijcatzi quiajsito Eliseo iomyo, huan nimantzi moyolcuic huan moquetzqui.

22 Nopa Tlanahuatijquetl Hazael tlen tlali Siria quintlaijyohuilitjtoya Israel ehuani nochí tonali quema tlanahuatiyaya Tlanahuatijquetl Joacaz. 23 Pero TOTECO quipixqui hueyi iyolo ica Israel ehuani huan amo quicahuili ma quintzontlamiltis nochí. TOTECO quintlasoijtlac pampa qui-chijtoya se camanal sencahualli ica Abraham, Isaac huan Jacob, ininhueyi tatahua. Huan hasta ama TOTECO amo quinequi quintlamipolos nopa Israel ehuani, niyon amo quinequi quinhuejcamajcahuas tlen iixpa.

24 Huan teipa Tlanahuatijquetl Hazael tlen tlali Siria mijqui huan icona, Ben Adad, mochijqui tlanahuatijquetl.

25 Huajca nopa Tlanahuatijquetl Joás ipan tlali Israel catli elqui icona Joacaz, yaya tlatlanqui huan quicuili Ben Adad nopa altepeme catli itata Ben Adad quicuilijtoya tlen ya itata. Huan Joás quitlanqui Ben Adad eyi huelta huan quicuic sempa nopa altepeme ipan tlali Israel catli quincuilijtoya.

Amasías tlanahuati ipan tlali Judá

(2 Cr. 25:1-28)

14 Quema Tlanahuatijquetl Joás, ico-ne Joacaz, yohuiyaya para ome xihuitl tlanahuatis ipan tlali Israel, pejqui tlanahuatia Amasías, icona seyoc tlacatl catli itoca Joás, ipan tlali Judá. 2 Huan

Amasías quipiyayaya 25 xihuitl quema pejqui tlanahuatía huan tlanahuati ipan altepetl Jerusalén 29 xihuitl. Huan inana itoca eliyaya Joadán huan ejqui Jerusalén. ³Huan Tlanahuatijquetl Amasías quichijqui catli xitlahuac iixpa TOTECO, pero amo nelcuali quen ihuejcapan tata, David, quichijtoya. Quichijqui san quen quichijtoya itata, Tlanahuatijquetl Joás. ⁴Pampa Tlanahuatijquetl Amasías amo quisemanqui nopa piltiocaltzitzt ica tlaixpamitl campa masehualme quinhueyichihuaya-yaj tlaixcopincayome, huan tlacajcahuayayaj huan quitlatiyayaj copali. ⁵Huan quema Tlanahuatijquetl Amasías cuali calactoya ipan itequi huan quipixqui temachili, quinmicti nopa tequipanohuani catli quimictijque itata catli eliyaya tlanahuatijquetl achtihiuya. ⁶Pero amo quinmicti ininconehua nopa temictiani pampa quinejqui quineltocas catli ijcuilijtoc ipan nopa amatlajcuiloli tlen Moisés campa TOTECO quijito: "Amo xiquinmictica tetajme por inintlajtlacolhua ininconehua, niyon amo xiquinmictica coneme por catli quichijtoque inintatahua. Catli monequi miquis, ma miqui por san tlen ya itlajtlacol."

⁷Huan Tlanahuatijquetl Amasías nojquia quinmicti majtlaclti mil tlali Edom ehuani ipan nopa tlamayamitl catli itoca Istatl. Huan mocuili nopa pilaltepetzti Sela huan quipatili itoca. Quitocaxti Joctelel huan hasta ama quej nopa itoca.

Mohuilanque Israel ica Judá ehuani

⁸Huajca Tlanahuatijquetl Amasías tlanitlanqui campa Tlanahuatijquetl Joás ipan tlali Israel, yaya catli elqui icono Jocacaz huan iixhui Jehú para ma quiilhuitij: "Xihuala technamiqui huan titlahuilanase."

⁹Pero Tlanahuatijquetl Joás tlen tlali Israel amo quinejqui huan quititlanili se camanali catli quijito: "Se huitzcuhuitl tlatitlanqui ma quiilhuica se tiocuahuitl ipan Líbano para ma quimaca iichpoca para ma eli isihua icone, pero se tecuani panoc nopona, huan ipan moquetzqui nopa huitztl huan tlanqui camanali. ¹⁰Melahuac ta tijtlantoc nopa tlali Edom huan ica

ya nopa timomachilía tlahuel tihueyi, pero achi cuali xiitzto ipan mochaj. ¿Para tlen tijnequi timohuilanas nohuaya huan tijchihuas para mosemantos nochí tlali Judá huan nochí motlal ehuani?"

¹¹Pero Tlanahuatijquetl Amasías ipan tlali Judá amo quichijqui cuenta icamanal. Huajca Tlanahuatijquetl Joás tlen tlali Israel yajqui ica isoldados para mohuilanas ihuaya Tlanahuatijquetl Amasías. Huan moixnamijque ipan altepetl Bet Semes tlen tlali Judá. ¹²Huan nopa Israel ehuani quintlanque tlali Judá ehuani. Huan sesen tlen nopa Judá ehuani cholojtejqui huan yajqui ichaj. ¹³Huan huajca Tlanahuatijquetl Joás tlen tlali Israel quiitzqui Tlanahuatijquetl Amasías tlen tlali Judá ipan altepetl Bet Semes. Huan teipa yajqui ica isoldados hasta altepetl Jerusalén. Huan nopona Tlanahuatijquetl Joás quisemanqui nopa tepamitl catli ica moyahualojtoya Jerusalén huan quicajqui tlapojotoc tlen nopa puerta catli itoca Efraín hasta campa nopa puerta catli itoca Esquina. Elqui nechca 180 metros tlen nopa tepamitl catli quisemanqui. ¹⁴Huan nojquia moaxcati nochí oro, plata huan tlamantli catli quitequihuíaj ipan ichaj TOTECO huan quihuicac nochí tomi catli oncayaya ipan tequicali catli iaxca nopa tlanahuatijquetl. Teipa quinitzqui masehualme huan quinhuicac ilpitoque ihuaya huan sempa mocuepqui ipan itlal, Israel, hasta altepetl Samaria.

¹⁵Huan nochí catli panoc ipan itequi Tlanahuatijquetl Joás huan nochí catli quichijqui, huan hasta canque quipixqui tequiticayotl huan nochí nopa tlahuilanayotl ica Tlanahuatijquetl Amasías tlen tlali Judá, eltoc ijcuilijtoc ipan nopa amatlaphohuali catli itoca Catli Quichijke No-pa Tlanahuatiani Ipan Tlali Israel. ¹⁶Huan quema mijqui Tlanahuatijquetl Joás, qui-tlalotjque ipan altepetl Samaria ininhuaya ihuejcapan tatahua, nopa tlanahuatiani tlen tlali Israel. Huan pejqui tlanahuatía ipan tlali Israel icone catli itoca eliyaya nopa ompa Tlanahuatijquetl Jeroboam.

¹⁷Huan Tlanahuatijquetl Amasías, ico-ne seyoc Joás, catli elqui tlanahuatijquetl

ipan tlali Judá, noja itztoya ipan itequi se-yoc 15 xihuitl quema ya mictoya Tlanahuatijquetl Joás, icone Joacaz, tlen tlali Israel. ¹⁸Huan nochí sequinoc tlamantli catli panoc ipan itequi Tlanahuatijquetl Amasías ipan tlali Judá eltoc ijcuilijtoc ipan nopa amatlapohuali catli itoca Catli Quichijque Nopa Tlanahuatiani Ipan Tlali Judá. ¹⁹Huan ipan altepetl Jerusalén mol-tlananque sequin masehualme catli qui-cualancaitayayaj Tlanahuatijquetl Amasías huan yaya cholo huan yajqui ipan se pilaltepetzi catli itoca Laquis. Pero icu-lancaitacahua quitepotztocaque hasta La quis, huan nopona quimictijque. ²⁰Huan teipa quihualicaque itlacayo ipan se ca-huayo huan quitlalpachoque ihuaya ita-tahua ipan altepetl Jerusalén ipan nopa barrio catli itoca Ialtepe David.

Azarías tlanahuati ipan tlali Judá

²¹Teipa nopa masehualme tlen tlali Judá quitlapejpenijque Azarías^a catli san quipiyayaya 16 xihuitl huan quichijque tlanahuatijquetl ipan inintlat. ²²Huan quema quiitac para ya mictoya itata, sem-pa quicuallali nopa pilaltepetzi catli itoca Elat huan quichijqui ma eli iaxca tlali Judá.

Nopa ompa Jeroboam tlanahuati ipan tlali Israel

²³Quema Tlanahuatijquetl Amasías, icone Joás, yohuiyaya para 15 xihuitl tla-nahuatis ipan tlali Judá, pejqui tlanahuatía ipan tlali Israel nopa ompa tlacatl itoca Jeroboam catli eliyaya icone Joás. Huan nopa ompa Jeroboam mosehui ipan alte-petl Samaria para tlanahuatis huan tlanahuati para 41 xihuitl. ²⁴Huan quichijqui catli amo cuali iixpa TOTECO pampa amo quicajqui nopa tlajtlacoli catli nopa achi-hui Tlanahuatijquetl Jeroboam catli eliya-ya icone Nabat quichijqui huan catli quin-extili israelitame nojquiya ma quichi-huaca, pampa quinextili ma quinpiyaca teteyome. ²⁵Pero nopa ompa Tlanahuatij-

quetl Jeroboam sempa moaxcati nopa tla-li catli achtihui eliyaya iaxca tlali Israel tlatlajco altepetl Hamat huan nopa hueyi atl catli itoca Mictoc. Huan ni elqui sen-quistoc quen quiijtojtoya TOTECO toDios tiisraelitame para quichihuasquía. Quiij-tojtoya ica nopa tlajtol pannextijquetl Jona-sás, icone Amitai, catli ejqui altepetl Gat Hefer. ²⁶Pampa TOTECO momacac cuenta quenicatza tlahuuel tlajjiyohuiyaj nopa tlali Israel ehuani huan amo aqui quinpal-ehuiyaya. ²⁷Huajca TOTECO quinmanahui ica nopa ompa Tlanahuatijquetl Jero-boam, catli icone Joás, pampa TOTECO amo quema quiijto para senquistoc quin-tlamiltisquía catli ehuaj ipan tlali Israel.

²⁸Huan nochí catli panoc ipan itequi nopa ompa Tlanahuatijquetl Jeroboam huan nochí catli quichijqui, huan quenica-tza motemacac huan tlahuilanqui huan sempa quintlanqui nopa altepeme Damas-co huan Hamat catli moaxcatijtoya tlali Judá, nochí eltoc ijcuilijtoc ipan nopa amatlapohuali catli itoca Catli Quichijque Nopa Tlanahuatiani Ipan Tlali Israel. ²⁹Huan mijqui nopa ompa Tlanahuatij-quetl Jeroboam huan quitlalpachoque ihuaya ihuejcapán tatahua catli nojquiya elque tlanahuatiani ipan tlali Israel. Huan icone catli itoca Zacarías mochijqui tlanahuatijquetl.

Azarías tlanahuati ipan tlali Judá

(2 Cr. 26:3-5, 16-23)

15 Quema nopa ompa Tlanahuatij-quetl Jeroboam yohuiyaya para 27 xihuitl ipan itequi ipan tlali Israel, Tlanahuatijquetl Azarías, icone Amasías, pejqui tequiti ipan tlali Judá. ²Huan Azarías qui-piyayaya 16 xihuitl quema pejqui tlanahuatía. Huan mosehui para tlanahuatis ipan altepetl Jerusalén huan tlanahuati 52 xihuitl. Inana itoca eliyaya Jecolías huan ejqui ipan altepetl Jerusalén. ³Huan Tla-nahuatijquetl Azarías quichijqui catli xi-tlahuac iixpa TOTECO san quen quichijto-ya Tlanahuatijquetl Amasías catli eliyaya

^a14:21 Azarías nojquiya itoca Uzías.

itata. 4 Pero amo quiijcuinjque nopa pil-tiocaltzitzti campa masehualme tlacajca-huayayaj huan quitlatiyayaj copali. 5 Huajca TOTECO quitlatzaculti Tlanahuatijquetl Azarías ica se tlacayo palanca co-colistli huan quej nopa mocajqui hasta mijqui. Huan monejqui itztos iyoca ipan nopa cali iseltzi. Huajca quitequitolijke icone catli itoca eliyaya Jotam para ma quipiya tequiticayotl ipan nopa tequicali. Huan nelía elqui yaya catli tequitic quen tlanahuatijquetl ipan nopa caltlanahuatili huan quinnahuati nopa masehualme ipan tlali Judá.

Mijqui Tlanahuatijquetl Azarías

6 Huan catli panoc ipan itequi Tlanahuatijquetl Azarías huan nochí catli qui-chijqui eltoc ijcuilijtoc ipan nopa amatlapohuali catli itoca Catli Quichijque Nopa Tlanahuatiani Ipan Tlali Judá. 7 Huan quemá mijqui Tlanahuatijquetl Azarías, quitlapachoque ihuaya itatahua ipan altepetl Jerusalén ipan nopa barrio catli itoca Ialtepe David. Huan teipa Jotam, catli eliyaya icone, pejqui tlanahuatia.

Zacarías tlanahuati ipan tlali Israel

8 Quema Azarías^b yohuiyaya para 38 xihuitl tlanahuatia ipan tlali Judá, pejqui tlanahuatia Zacarías, icone nopa ompa Tlanahuatijquetl Jeroboam, ipan tlali Israel. Huan Tlanahuatijquetl Zacarías tlanahuati chicuase metztlí. 9 Huan quichijqui catli amo cuali iixpa TOTECO san quen quichijtoyaj itatahua. Amo quinejqui qui-cahuas nopa tlajtlacoli catli Tlanahuatijquetl Jeroboam, icone Nabat, quinnextilijtoya nopa Israel ehuani ma quichihuaca.

10 Teipa motlananqui Salum, icone Jabe, huan quimicti Tlanahuatijquetl Zacarias tlamiyacapa, huan pejqui tlanahuatia. 11 Huan nopa sequinoc tlamantli catli panoc ipan itequi Tlanahuatijquetl Zacarías huan nochí catli quichijqui eltoc ijcuilijtoc ipan nopa amatlapohuali catli itoca Catli Quichijque Nopa Tlanahuatiani Ipan Tlali

Israel. 12 Huajca ica Zacarías quisqui me-lahuac icamanal TOTECO catli yaya qui-huijtoya Jehú. Quiilhuijtoya para icone, iixhui, icone iixhui, huan hasta iixhui iixhui mosehuisquíaj ipan nopa yejyectzi si-ya para tlanahuatise ipan tlali Israel. Huan quej nopa elqui.

Mijqui Tlanahuatijquetl Salum

13 Quema Tlanahuatijquetl Uzías yo-huiyaya para 39 xihuitl tlanahuatis ipan tlali Judá, pejqui tlanahuatia Tlanahuatijquetl Salum, icone Jabes, ipan tlali Israel. Huan mosehui para tequitis ipan altepetl Samaria, pero tequitic san se metztlí. 14 Pampa ajisco Manahem, icone Gadi, tlen altepetl Tirsa huan yajqui ipan altepetl Samaria, huan quimicti Tlanahuatijquetl Salum. Huan Manahem mochijqui tlanahuatijquetl ipan tlali Israel. 15 Huan sequinoc tlamantli catli panoc ipan itequi Tlanahuatijquetl Salum huan quenicitza motlananque icualancaitacahua eltoc ijcuilijtoc ipan nopa amatlapohuali catli itoca Catli Quichijque Nopa Tlanahuatiani Ipan Tlali Israel.

Manahem tlanahuati ipan tlali Israel

16 Huan Tlanahuatijquetl Manahem quisemanqui altepetl Tapúa huan nopa pilaltepetzitzti catli quiyahualohua hasta campa altepetl Tirsa. Huan moaxcati nochí catli oncayaya ipan nopa altepeme pampa catli nopena ehuani amo quinequiyaj para ya ma eli inintlanahuatijca. Tlanahuatijquetl Manahem quinmicti nochí masehualme nopena huan hasta quin-tlapoli imijti sihuame catli tlanemiltiyaj.

17 Huajca Tlanahuatijquetl Manahem, icone Gadi, pejqui tlanahuatia ipan tlali Israel quemá Tlanahuatijquetl Azarías yohuiyaya para 39 xihuitl tlanahuatis ipan tlali Judá. Huan Manahem mosehui para tlanahuatis ipan altepetl Samaria huan tlanahuati majtlaclí xihuitl. 18 Pero qui-chijqui catli amo cuali iixpa TOTECO. No-

^b 15:8 Azarías nojquiya itoca Uzías.

chi tonali ipan itequi, niyon quentzi amo moyocatlali tlen nopa tlajtlacoli catli Je-roboam, icone Nabat, quinnextiljtoya tlali Israel ehuan para ma quinpiyaca tete-yome. ¹⁹Huan teipa hualajqui Tlanahuati-jquetl Pul ^c tlen tlali Asiria, huan calajqui ipan tlali Israel huan pejqui moaxcatía. Huan Tlanahuati-jquetl Manahem quimacac Tlanahuati-jquetl Pul 33 toneladas tlen plata tomi para ma amo quicuatotoni. Huajca nopa Tlanahuati-jquetl quiseli nopa tomi huan sempa mocuepqui campa hualajqui ipan tlali Asiria. ²⁰Tlanahuati-jquetl Manahem quinquixtili nopa tomi nochimominpiyani ipan tlali Israel pampa sesen quinchijqui ma tlaxtlhua tlajco kilo tlen plata tomi quen se impuesto para quimacase nopa Tlanahuati-jquetl tlen tlali Asiria. Huan quena, quej nopa quisqui ipan tlali Israel huan yajqui. ²¹Huan nochimochi sequinoc tlamantli catli panoc ipan itequi Tlanahuati-jquetl Manahem huan nochimochi catli quichijqui, eltoc ijculijtoc ipan nopa amatlapohuali catli itoca Catli Quichijque Nopa Tlanahuatiani Ipan Tlali Israel. ²²Huan quema mijqui Tlanahuati-jquetl Manahem, quitlalpachojque ihuaya itatahua, huan pejqui tlanahuati Pekaía catli eliyaya icone.

Pekaía tlanahuati ipan tlali Israel

²³Quema Azarías yohuiyaya para 50 xihuitl tlanahuatis ipan tlali Judá, Tlanahuati-jquetl Pekaía, icone Manahem, mochijqui tlanahuati-jquetl ipan tlali Israel ipan altepetl Samaria huan tlanahuati ome xihuitl. ²⁴Huan Tlanahuati-jquetl Pekaía quichijqui catli amo cuali iixpa TOTECO. Amo quinejqui quicahuas nopa tlajtlacoli catli Tlanahuati-jquetl Jeroboam, icone Nabat, quinnextili tlali Israel ehuan ma quichihuaca. ²⁵Huan Peka, icone Remalías, catli quinyacanqui isoldados Pekaía moyocatlali tlen ya. Huan Peka huan 50 tlacame tlen tlali Galaad, quimictijque Tlanahuati-jquetl Pekaía huan Argob huan Arie ipan nopa caltlanahuatili ipan Sama-

ria. Huan teipa Peka pejqui tlanahuati-pa ipan tlali Israel. ²⁶Huan nochimochi catli panoc ipan itequi Tlanahuati-jquetl Pekaía huan nochimochi catli quichijqui eltoc ijculijtoc ipan nopa amatlapohuali itoca Catli Quichijque Nopa Tlanahuatiani Ipan Tlali Israel.

Peka tlanahuati ipan tlali Israel

²⁷Quema Tlanahuati-jquetl Azarías yohuiyaya para 52 xihuitl tlanahuatis ipan tlali Judá, Tlanahuati-jquetl Peka, icone Remalías, pejqui tlanahuati-pa ipan tlali Israel. Huan mosehui para tlanahuatis ipan altepetl Samaria huan tlanahuati 20 xihuitl. ²⁸Huan Peka quichijqui catli amo cuali iixpa TOTECO pampa amo quinejqui quicahuas nopa tlajtlacoli catli Tlanahuati-jquetl Jeroboam, icone Nabat, quinnextiljtoya tlali Israel ehuan ma quichihuaca para ma quihueytlatlaca TOTECO ica teteyome.

²⁹Huan quema tlanahuatiyaya Tlanahuati-jquetl Peka ipan tlali Israel, hualajqui Tlanahuati-jquetl Tiglat Pileser tlen tlali Asiria huan moaxcati nopa altepeme Ijón, Abel Bet Maaca, Janoa, Cedes huan Hazor. Huan nojquiya moaxcati nopa tlalme Galaad, Galilea huan nochimochi tlali Neftalí. Huan nochimochi masehualme catli itztoyaj ipan nopa pilaltepetzitzhi huan tlalme quinhuicac ilpitoque hasta tlali Asiria. ³⁰Huajca Oseas, icone Ela, motlananqui ica Tlanahuati-jquetl Peka, icone Remalías, huan quimicti. Huan Tlanahuati-jquetl Oseas pejqui tlanahuati-pa ipan tlali Israel. Huan quema Oseas calajqui ipan itequi, Tlanahuati-jquetl Jotam, icone Uzías^d, yohuiyaya para 20 xihuitl tlanahuatis ipan tlali Judá. ³¹Huan nochimochi sequinoc tlamantli catli panoc ipan itequi Tlanahuati-jquetl Peka huan nochimochi catli quichijqui eltoc ijculijtoc ipan nopa amatlapohuali catli itoca Catli Quichijque Nopa Tlanahuatiani Ipan Tlali Israel.

Jotam tlanahuati ipan tlali Judá

(2 Cr. 27:1-9)

³²Pejqui tequití Tlanahuati-jquetl Jotam, icone Uzías, ipan tlali Judá quema

^c15:19 Pul nojquiya itoca Tiglat Pileser. ^d15:30 Uzías nojquiya itoca Azarías.

Peka, icone Remalías, yohuiyaya para ome xihuitl tlanahuatis ipan tlali Israel. ³³Huan Tlanahuatijquetl Jotam quipiyayaya 25 xihuitl quema pejqui tlanahuatía ipan altepetl Jerusalén huan tlanahuati 16 xihuitl. Inana itoca eliyaya Jerusa huan yaya elqui icone Sadoc. ³⁴Huan Tlanahuatijquetl Jotam quichijqui catli xitlahuac iixpa TOTECO san quen quichijtoya itata catli itoca eliyaya Uzías. ³⁵Pero amo quinijequini nopa piltiocaltzitzí campa masehualme tlacajcahuayayaj huan quitlatiyayaj copali. Pero yaya catli sempa quisencajqui cuali nopa puerta ica norte ipan ichaj TOTECO. ³⁶Huan nochí nopa sequinoc tlamantli catli panoc ipan itequi Tlanahuatijquetl Jotam huan nochí catli quichijqui eltoc ijcuilijtoc ipan nopa amatlapohuali catli itoca Catli Quichijke Nopa Tlanahuatiani Ipan Tlali Judá. ³⁷Huan ipan nopa tonali TOTECO pejqui quititlani nopa Tlanahuatijquetl Rezín tlen tlali Siria huan Tlanahuatijquetl Peka, icone Remalías, tlen tlali Israel para quihiulanati tlali Judá. ³⁸Huan quema mijqui Tlanahuatijquetl Jotam, quitlalpachoque ininhuaya itatahua ipan altepetl Jerusalén ipan nopa barrio catli itoca Ialtepe David. Huan teipa pejqui tlanahuatía Acaz catli eliyaya icone.

Acaz tlanahuati ipan tlali Judá

(2 Cr. 28:1-27)

16 Quema Tlanahuatijquetl Peka, icone Remalías, yohuiyaya para 17 xihuitl tlanahuatis ipan tlali Israel, pejqui tlanahuatía Tlanahuatijquetl Acaz, icone Jotam, ipan tlali Judá. ²Huan Acaz quipiyayaya 20 xihuitl quema pejqui tlanahuatía huan tlanahuati 17 xihuitl ipan Jerusalén. Pero amo quichijqui catli xitlahuac iixpa TOTECO iDios quen ihuejecapan tata, David, quichijtoya. ³Yaya quitoquili ininfiero ojhui nopa tlanahuatiani ipan tlali Israel huan hasta temacac icone ipan tliltl quen se tlacajcahualistli para se tlaixcopincayotl san quen quichihuayayaj nopa sequinoc masehualme catli amo quiiximatiyayaj TOTECO catli itztoyaj ipan nopa tlali achtitihuaya huan TOTECO quinquixtij-

toya iniixpa israelitame. ⁴Huan nojquia Tlanahuatijquetl Acaz tlacajcahuayaya ipan tlaixpame catli amo para TOTECO campa hueli ipan nochí tepeme huan itzintla nochí cuame. Nojquia quitlatiyya copali campa hueli para tlaixcopincayome huan teteyome.

⁵Huan se tonali Tlanahuatijquetl Rezín tlen tlali Siria, ihuaya Tlanahuatijquetl Peka, icone Remalías, tlen tlali Israel, yajque sentic ipan altepetl Jerusalén para quihiulanase Tlanahuatijquetl Acaz. Huan quiyahualo que nopa altepetl, pero amo huelque quitlanque. ⁶Nojquia ipan nopa tonali, nopa tlanahuatijquetl ipan tlali Edom sempa moaxcati nopa altepetl Elat para elis iaxca tlali Edom. Yaya quintojtocac nopa tlali Judá ehuani catli calactoyaj npona huan quintitlanqui más edomita me tlen itlal para npona itztose huan quej nopa eltoc hasta ama.

⁷Huajca Tlanahuatijquetl Acaz quititlanqui se ma quilihuiti Tlanahuatijquetl Tiglat Pileser ipan tlali Asiria para yaya motemacas huan mochihuas itequipanojca sintla hualas nimantzi quimanahuiqui ininmaco nopa tlanahuatiani tlen tlali Siria huan tlali Israel pampa ya quiyahualo quej. ⁸Nojquia Tlanahuatijquetl Acaz quicuic nopa plata huan nopa oro catli eltoya ipan ichaj TOTECO huan nochí tomi catli eltoya ipan nopa caltlanahuatili, huan quititlanili Tlanahuatijquetl Tiglat Pileser quen se nemactli.

Tiglat Pileser quinitzqui Damasco ehuani

⁹Huajca quitlacaquili Tlanahuatijquetl Tiglat Pileser ipan tlali Asiria huan yajqui ihuaya isoldados huan calajqui ipan altepetl Damasco ipan tlali Siria. Huan quinhuicaque ilpitoque nochí masehualme catli npona ejque para tlatequipanose san tlaptic ipan altepetl Kir. Huan nojquia quimictijque Tlanahuatijquetl Rezín tlen tlali Siria.

¹⁰Huajca Tlanahuatijquetl Acaz tlen tlali Judá yajqui altepetl Damasco quinamiquito Tlanahuatijquetl Tiglat Pileser tlen tlali Asiria para quitlascamatilis pam-pa quimanahuijtoya. Huan quema Acaz

itztoya npona, quiitac se tlaixpamitl tlen nopa masehualme catli amo quineltocaj TOTECO huan quiixtocac. Huajca quiixcopinqui ipan se amatl ica nochí ipiltlamantzitz huan quititlanili nopa totajtzi Urías tlen tlali Judá para ma quichihua.¹¹ Huan nopa totajtzi Urías quisencajqui se tlaixpamitl senquistoc quen nopa tlaixcopintli catli Tlanahuatijquetl Acaz quititlanilijtoya tlen altepetl Damasco. Huan nopa tlaixpamitl elqui tlasencahuali quema Tlanahuatijquetl Acaz mocuepqui tlen Damasco huan sempa ajisco ichaj.¹² Huan nimantzi quema Tlanahuatijquetl Acaz ajisco, quiatlachili nopa tlaixpamitl huan pejqui tlaacajcahua ipani.¹³ Quicajcahuayaya npona tlacajcahualistli tlatlatili, huan tlen harina, huan tlen tlaili catli monequi quityahuas iixpa TOTECO para quimacas. Nojquiya quitzejtzelo ieso nopa tlacajcahualistli catli quinmictijque para moyoltlalise ica TOTECO.¹⁴ Huan teipa Tlanahuatijquetl Acaz motemamac huan quiqxiti nopa tlaixpamitl tlen bronce catli eltoya iixmelac itiopa TOTECO huan quitlali ielchi-quitipa ica norte tlen nopa yancuic tlaixpamitl. Huan ama mocajqui nopa yancuic tlaixpamitl tlatlajco ipan itiopa TOTECO.¹⁵ Huan Tlanahuatijquetl Acaz quinahuati nopa totajtzi Urías ma quitlali ipan nopa yancuic tlaixpamitl nopa tlacajcahualistli tlatlatili catli mojmostla monejqui ica ijnaloc para TOTECO huan nopa tlacajcahualistli tlen harina catli monejqui ica tiotlac. Nojquiya quinahuati para npona ma quimaca tlacajcahualistli catli tlatlatili huan tlacajcahualistli tlen harina catli yaya huan nopa masehualme temacayabaj ihuaya nojquiya nopa tlacajcahualistli catli monejqui quityahuase. Nojquiya quiilhui Urías ma quitzejtzelo nopa estli tlen nopa tlacajcahualistli ipan nopa yancuic tlaixpamitl. Huan nopa tlaixpamitl tlen bronce catli ipa eltoya ipan tiopamitl mocajqui san para Tlanahuatijquetl Acaz ma quitequihuis iseltzi.¹⁶ Huajca nopa totajtzi Urías quichijqui nochí catli quinahuatijtoya Tlanahuatijquetl Acaz.

¹⁷ Teipa Tlanahuatijquetl Acaz quiso-solo inielchiqui catli yejyectzi nopa carre-

tilas huan quinquixtili nopa comme para atl. Huan quiijcuini nopa hueyi paila catli quitocaxtiyayaj nopa “hueyi atl” catli mosehuijtoya inincuitlapa nopa torojme tlen bronce, huan san quitlali ipan tetl.¹⁸ Huan para ma paqui nopa tlanahuatijquetl tlen Asiria, quiijcuini nopa hueyi cortina catli quicuapilojtoya huejcapa ipan icaltlanahuatil para yaya quitequihuis ipan nopa tonali quema mosiyajque-tza. Nojquiya quitzajqui nopa ojtlí catli pano ichaj nopa tlanahuatijquetl huan yo-hui xitlahuac ipan ihueyi tiopa TOTECO.

¹⁹ Huan nochí sequinoc tlamantli catli panoc ipan itequi Tlanahuatijquetl Acaz huan nochí catli quichijqui eltoc ijcuilijtoc ipan nopa amatlapohuali itoca Catli Qui-chijque Nopa Tlanahuatiani Ipan Tlali Judá.²⁰ Huan quema mijqui Acaz, quitlal-pachojque campa quintlaltoctoyaj ihuej-capan tatahua ipan Jerusalén ipan nopa barrio catli itoca Ialtepe David. Huan teipa iconē catli itoca eliyaya Ezequías pej-qui tlanahuatía.

Oseas tlanahuati ipan tlali Israel

17 Quema Tlanahuatijquetl Acaz yohuiyaya para 12 xihuitl tlanahuatis ipan tlali Judá, pejqui tlanahuatía Tlanahuatijquetl Oseas, iconē Ela, ipan tlali Israel. Huan Oseas mosehui para tequitis ipan altepetl Samaria huan tlanahuati para chicnahui xihuitl.² Huan Oseas quichijqui catli amo cuali iixpa TOTECO, pero amo nel tlahuel fiero quen sequinoc tlanahuatiani ipan tlali Israel quichijque catli achtilui tlanahuatijque.³ Huan Tlanahuatijquetl Salmanasar tlen tlali Asiria qui-huilanqui Tlanahuatijquetl Oseas tlen tlali Israel huan quitlanqui. Huajca tlali Israel monejqui pehuas tlaxtlahuas miyac tomi huan quititlanis quen impuestos sese xi-huitl ipan tlali Asiria.⁴ Pero Tlanahuatijquetl Oseas tlen Israel amo quinejqui quej nopa ma mocahua. Yeca quitlajtlani Tlanahuatijquetl So tlen tlali Egipto ma qui-palehui momaquixtis imaco nopa tlanahuatijquetl tlen tlali Asiria para ayacmo tlaxtlahuas impuestos sesen xihuitl. Pero nopa tlanahuatijquetl tlen tlali Asiria qui-

matqui, 5 huan hualajqui ipan tlali Israel huan pejqui quihuilana. Huan para eyi xihuít quiyahualo altepetl Samaria campa mosehuiyaya Tlanahuatijquetl Oseas. 6 Huan quema Tlanahuatijquetl Oseas yohuiyaya para 9 xihuít tlanahuatis, qui tlanque altepetl Samaria huan quiitzquijque Oseas huan quitzajque. Huan quinhui caque tlali Israel ehuani ilpitoque hasta tlali Asiria para itztose ipan nopa altepetl Halah, huan campa hueli iteno nopa hueyatlı Habor ipan Gozán, huan ipan nopa altepeme catli iniaxcahua nopa medo masehualme.

7 Nochi ya ni ininpantic nopa Israel ehuani pampa tlajtlacolchijque ica TOTECO ininDios catli quinpanquixtijtoya ipan tlali Egipto, imaco Faraón catli elqui tlanahuatijquetl nopona huan tlahuel chihahuac quintequipanoltiyaya. Inijuanti quinhueyichijque tiotzitzi. 8 Quitoquilijque ininfiero ojhui nopa masehualme catli TOTECO quintojtocatoya inixpa. Nojquiya quitoquilijque nopa tlajtlacoli catli tlanahuiani ipan tlali Israel quinnextilijque ma quichihuaca. 9 Huan israelitame ichtacatzi quichihuayaj miyac tlamantli catli fiero iixpa TOTECO ininDios. Quinchijque tlaixcopincayome huan tlaixpame campa tlacajcahuase ipan nochi inialtepehua, tlen altepeme tziquitetzitzi catli huejca mocahuaj hasta altepeme catli huejhuey huan quipiyaj tepamitl catli quinyahualhua; nochi quipixque campa tlacajcahuase para tlaixcopincayome. 10 Huan quinquetzque tlaixcopincayome huan tlaquetzalme para nopa fiero tlaixcopincayotl Asera ipan nochi tepeme huan mintzintla nochi cuame. 11 Huan israelitame quitlatijque copali ipan sesen piltiocaltzti catli quichijtoyaj para tlaixcopincayome san quen quichihuayayaj nopa sequinoc masehualme catli TOTECO quintojtocatoya inixpa. Huajca quichijque tlamantli catli fiero iixpa TOTECO para quicualancamacase. 12 Quena, quinhueyichijque nopa tlaixcopincayome huan teteyome masque TOTECO quinilhuijtiyajqui ma amo quichihuaca. 13 Huan miyac huelas TOTECO quintlacahualtijtoya nopa israelitame

ipan tlalme Israel huan Judá ica tlajtol pannextijcahuau huan itlachixcahuau para san ma quitoquilica itlanahuatilhua. Quinilhuiyaya: "Xijcajtehuaca amoojhui catli fiero. Xijtlacaquilica notlanahuatilhua huan noleyes catli niquinnahuati amohuejcapan tatahua ma quitoquilica huan nimechpanoltili ica notequipanojcahua, nopa tlajtol pannextiani." 14 Pero nopa israelitame amo quichijque cuenta TOTECO. Moyotetilijque más huan amo quen inintatahua huan amo quinejque motemachise ipan TOTECO ininDios. 15 Quihuecamajcrajque itlanahuatilhua huan nopa camanal sencahualli catli quichijqui ihuaya inintatahua. Amo quichihuilijque cuenta quema quinejqui quintlalnamictis ica catli fiero huala. San quejipa quinhueyichijque nopa tlaixcopincayome catli amo tleno ininpati huan yeca nopa israelitame nojquiya mocuepque masehualme catli amo tleno ininpati. Quintoquilijque nopa masehualme ipan sequinoc tlalme catli TOTECO quinilhuijtoya ma amo quintoquilica, pero amo quinejque quitlacajquise TOTECO. 16 Quitlahuelcajque nochi tlanahuatilme catli TOTECO ininDios quinmacatoya huan quimolonijque oro huan mochihuiliijque ome pilhuacaxtzitzi. Nojquiya quichijque fiero tlaquetzalme ica tlen huelli ipani para nopa tlaixcopincayotl Asera. Huan quihueyichijque nopa tlaixcopincayotl Baal huan nochi nopa sitlalime huan tlamantli catli eltoque ipan ilhuacactli. 17 Hasta nojquiya quintlatijque inincone hua ipan tlaixpamitl para nopa teteyome. Quintlajtlanijque tetlajchihuiani huan te tonalitani, huan motemacaque ica nochi tlamantli catli fiero. Huan yeca nopa israelitame tlahuel quicualancamacaque TOTECO.

18 Huan pampa tlahuel cuanqui TOTECO ininhuaya israelitame, quinquitxi tlen iixpa, huan san nopa israelitame catli itztoyaj iteipan ixhuihua nopa hueyi tata Judá mocajque ipan inintal. 19 Pero iteipan ixhuihua Judá nojquiya amo quinejque quinelto case itlanahuatilhua TOTECO ininDios. Quitoquilijque san se fiero ojli catli nopa israelitame tlen tlali Israel quitoquilijque.

20 Huajca TOTECO quintlahuelcajqui nochí iixhuihua Israel. Huan quintlatza-culti por inintlajtlacolhua huan quin-te-mactili ininmaco inincualancaitacahua para ma quinmictica. **21** Huan quema TO-TECO quinquixti nopa tlalme ica ajco tlen icone Tlanahuatijquetl David para yaya ayacmo quipiyas tlanahuatili nopona, no-pa israelitame nopona ica norte quitlalij-que Jeroboam, icone Nabat, ma eli inin-tlanahuatijca. Huan Jeroboam quinquixti nopa Israel ehuani tlen iojhui TOTECO huan quinchijqui ma tlajtlacolchihuaca miyac. **22** Huan nopa israelitame catli itz-toyaj ipan tlali Israel quisenhuiquilijque quichihuaj nopa tlajtlacoli para quinhue-yichihiase teteyome catli Jeroboam quin-nextilijtoya ma quichihuaca. **23** Huajca te-ipa TOTECO quinquixti nopa tlali Israel ehuani tlen iixpa san quen quijtotoya ica itlajtol pannextijcahua para panos. Huan inincualancaitacahua quinitzquijque nopa israelitame tlen tlali Israel huan quinhui-caque hasta tlali Asiria huan nopona quin-pixtoque hasta ama.

Sempa quintlali masehualme ipan altepetl Samaria

24 Teipa nopa tlanahuatijquetl tlen tlali Asiria quinhuasicac miyac tlamantli mase-hualme catli ehuani altepeme Cuta, Ava, Hamat huan Sefarvaim tlen tlali Babilonia huan quincajqui ipan altepetl Samaria quen ininpatlaca nopa israelitame catli achтиhuiya itztoyaj. Huan quej nopa tlali Asiria masehualme mochantijque ipan nochí altepeme ipan tlali Samaria huan ipan nochí altepeme tlen tlali Israel. **25** Pero quema pejque mochantíaj nopona, nopa Asiria ehuani amo quimatque quihueyi-chihiase TOTECO, huan huajca TOTECO quintitlanqui leones para ma quinmictica.

26 Huajca quittitlanlijque se camanali nopa tlanahuatijquetl ipan tlali Asiria catli quijito: "Nopa tlacame catli tiquinhui-catoc ipan altepeme ipan tlali Israel para ma itztotij nopona, amo quiximatiq itlanahuatilhua Toteco Dios quen nopa israelitame catli achтиhui itztoyaj ipan nopa tlali. Huan yaya quittitlantoc tecuanime pa-

ra quinmictise catli ama itztoque pampa amo quimatij quenicatza quihueyichihuase Toteco Dios catli iaxca nopa tlali."

27 Huajca nopa tlanahuatijquetl tlen tlali Asiria tlanahuati ma quihiucaca se israelita totajtzi catli quihualicatoya tlen Samaria hasta tlali Asiria para ma mocue-pa huan ma quinmacthi nopa masehualme ma quihueyichihuaca Toteco Dios catli iaxca tlali Israel. **28** Huajca mocuepqui se totajtzi catli quihualicatoya ilpitoc tlen Sa-maria huan mocajqui para itztos ipan alte-petl Betel. Huan yaya quinnextili nopa tlali Asiria ehuani catli ajsitoyaj nopona que-nicatza ma quihueyichihuaca TOTECO.

29 Pero itztoyaj miyac tlamantli mase-hualme catli ajsitoyaj huan sesen tlaman-tli masehualme noja quihueyichijque inin-tlaixcopincayohua. Huan campa hueli ipan inialtepe huan huejcapa ipan tepe-me, quitlalijque inintlaixcopincayohua campa nopa israelitame catli achтиhuiya itztoyaj quinchijchijtoyaj piltiocaltzitzí para inintlaixcopincayohua. **30** Catli hua-lajque altepetl Babilonia quihueyichijque se tlaixcopincayotl catli itoca Sucot Benot. Huan catli hualajque altepetl Cuta qui-hueyichijque se tlaixcopincayotl itoca Nergal. Huan catli hualajque altepetl Ha-mat quihueyichijque se catli itoca Asima. **31** Huan catli hualajque altepetl Ava qui-hueyichijque se catli itoca Nibhaz huan seyoc catli itoca Tartac. Huan catli hualaj-que altepetl Sefarvaim quintlatiyayaj inin-conehua quen tlacajcahualistli para inin-tlaixcopincayohua Adramelec huan An-amelec.

32 Huan nopa yancuic masehualme noj-quiya quihueyichijque TOTECO, pero quin-tlalijque tlen hueli tlamantli tlacame ma elica totajtztzi huan tlacajcahuate ipan nopa tlaixpamitl catli eltoya campa tepe-me. **33** Huan masque quijtotohayayaj qui-hueyichihuaj TOTECO, quisenhuiquilijque quinhueyichihuaj inintlaixcopincayohua tlen inintlal campa hualajque. **34** Huan no-ja hasta ama quejipa quitoquilfaj catli ipa quimatiyyayaj. Amo nelia quitlepanitaj TO-TECO, niyon amo quichihuaj itlanahuatil-hua huan itlamachtilhua catli TOTECO

quinnahuati ma quichihuaca iixhuihua Jacob, yaya catli TOTECO teipa quitocaxtlali Israel.

35 Pampa TOTECO quichijqui se camanali ica iteipan ixhuihua Israel huan quinilhui: “Amo xijtleepanitaca seyoc quen elisquía amoTECO, san na. Amo aqui seyoc ximotlancuaquetzaca, niyon amo ximotzonhuijtzomaca iixpa. Niyon amo aqui xijtequipanoca, niyon amo aqui xijmacaca tlacajcahualistli. **36** San na niamotECO catli nimechquixti tlen tlali Egipto ica huejhueyi tetzatl huan ica nohueyi chicahualis, san na techimacasica huan techtlepanitaca. San na noixpa ximotlancuaquetzaca huan san na techmacaca tlacajcahualistli. **37** Ximomocuitlahuica para xijchihuaca nochí notlanahuatilhua huan notlamachtilhua huan nochí catli nimechnahuatijtoc huan nochí catli niquicuilojtoc. Amo xiquinhueyitlepanitaca tlaixcopincayome, niyon teteyome quen elisquía Dios. **38** Huajca amo xiquelcahuaca nopa camanali catli nijchijtoc ica amojuanti huan amo xiquinimacasica huan amo xiquintlepanitaca catli sequinoc quintocaxtiaj dioses. **39** San techimacasica na catli niamotECO Dios huan na nimechmanahuis ininmaco nochí amocualancaitacahua.”

40 Pero nopa israelitame amo quitlacuquilique. San quisenhuiquilibre quinhueyichijke sequinoc dioses quen achtihui quichihuayayaj. **41** Huajca nojquiya nopa yancuic masehualme san se quichijke. Quihueyichijke TOTECO huan nojquiya quinhueyichihuayayaj inintlaixcopincayohua. Huan inincone hua huan iniixhuihua hasta ama san ya nopa quichihuaj.

Ezequías tlanahuati ipan tlali Judá

(2 Cr. 29:1-2)

18 Quema Tlanahuatijquetl Oseas, icone Ela, yohuiyaya para eyi xiuitl tlanahuatis ipan tlali Israel, Ezequías, icone Acaz, pejqui tlanahuatia ipan tlali Judá. **2** Huan Tlanahuatijquetl Ezequías quipiyayaya 25 xiuitl quema mosehui para tlanahuatis ipan altepetl Jerusalén huan tlanahuati npona ipan tlali

Judá para 29 xiuitl. Inana itoca eliyaya Abi huan eliyaya isihua cone Zacarías. **3** Huan Tlanahuatijquetl Ezequías quichijqui catli cuali iixpa TOTECO, senquistoc quen quichijtoya ihuejcapan tata, David. **4** Quinijcuini nochí nopa piltiocaltzitzit catli eltoya huejcapa ipan tepeme, huan quinsemanqui nochí tlaixpanme huan fiero tlaquetzalme tlen Asera. Nojquiya quichijqui cuechtic nopa cohuatl tlen bronce catli Moisés quichijtoya huecjajya pampa ama nopa israelitame pejtoya quihueyichihuaj huan quitlatiliyayaj copali quen elisquía se dios. Huan nopa tepos cohuatl quitocaxtiyayaj Nehustán.

5 Huan Tlanahuatijquetl Ezequías motemachi ipan TOTECO toDios tiisraelitame. Amo quema oncatoya seyoc tlanahuatijquetl ipan tlali Judá catli nelía cuali quen Ezequías, niyon amo quema oncac teipa. **6** Tlanahuatijquetl Ezequías quitoquili TOTECO ipan nochí tlamantli. Momocuitlahui para quineltocas senquistoc nochí tlanahuatilhua TOTECO catli quimacatoya Moisés ma quijcuilo. **7** Huan yeca TOTECO itztoya ihuaya huan quichijqui para nochí tlamantli catli Ezequías quichijqui ma quisa cuali. Huan Tlanahuatijquetl Ezequías motlananqui ica nopa tlanahuatijquetl tlen tlali Asiria huan quiilhui ayacmo quitlaxtlahuisquía impuestos. **8** Huan nojquiya quintlanqui nochí nopa filisteo altepeme hasta campa altepetl Gaza. Quintlanqui nopa filisteos ipan pilaltepetzitzit huan ipan huejhueyi altepeme catli quipiyayayaj tepame catli huejcapantique.

Huetzqui Samaria ininmaco Asiria ehuani

9 Huan quema Tlanahuatijquetl Ezequías yohuiyaya para nahui xiuitl tlanahuatis ipan tlali Judá huan Tlanahuatijquetl Oseas, icone Ela, yohuiyaya para chicome xiuitl tlanahuatis ipan tlali Israel, Tlanahuatijquetl Salmanasar hualajqui tlen tlali Asiria. Huan quiyahualo altepetl Samaria ipan tlali Israel huan quihuilanqui. **10** Huan quej nopa elqui para eyi xiuitl, pero quema yohuiyaya para chicuase xiuitl tequitis Tlanahuatijquetl Ezequías ipan tlali Judá, huan Tlanahuatij-

quetl Oseas yohuiyaya para chincnhui xi-huitl tlanahuatis ipan tlali Israel, Samaria huetzqui imaco nopa tlanahuatijquetl tlen Asiria. 11 Huan nopa tlanahuatijquetl quinhuicac israelitame ilpitoque tlen Samaria hasta tlali Asiria. Nopona quincajqui ipan Halah, huan nechca nopa hueyatl Habor ipan tlali Gozán, huan ipan inialte-pehua nopa medo masehualme. 12 Nochi ya ni panoc pampa amo quitlacaquilitoyaj catli TOTECO ininDios quinilhuijtoya. San quitlahuelcajtoyaj nochi camanal sen-cahuali catli TOTECO quichijtoya ininhuaya, huan quihuejcamajcrajque nochi nopa tlanahuatilmecatli TOTECO quinmacac ica itequipanojca, Moisés.

Senaquerib calajqui ipan tlali Judá

(2 Cr. 32:1-19; Is. 36:1-22)

13 Huan quema Tlanahuatijquetl Ezequías yohuiyaya para 14 xihuítl tlanahuatis ipan tlali Judá, hualajqui Tlanahuatijquetl Senaquerib tlen tlali Asiria huan quinhuilanqui nochi altepeme ipan Judá catli quipixque huejhueyi tepamitl para quinmanahuis huan quintlanqui. 14 Huajca Tlanahuatijquetl Ezequías tlatitlanqui ipan altepetl Laquis ma quiilhuitij Senaquerib tlen tlali Asiria ni camanalí: “Nitolajtlacolchijtoc ica ta. Xiquisa ipan ni notal huan nimitztlaxtlahuisc nochi impuestot catli techtlajtlanis.”

Huajca Senaquerib tlen tlali Asiria quinanqui Tlanahuatijquetl Ezequías nechca 10 toneladas tlen plata tomi huan nechca se tonelada tlen oro tomi. 15 Huan para tlaxtlahuas, Tlanahuatijquetl Ezequías quimactili nochi nopa plata catli eltoya ipan itiopa TOTECO, huan nochi catli quajocuiyayaj ipan icaltlanahuatil. 16 Nojquiya Ezequías monejqui quicopehuas nopa oro ipan nochi puertas ipan ichaj TOTECO huan nojquiya catli eltoya ipan nopa tlaquetzalme catli yaya iseltzi qualtijtoya ica oro. Huan nochi nopa oro quimacac nopa tlanahuatijquetl tlen tlali Asiria.

17 Pero masque quimacatoya nochi ya nopa, nopa Tlanahuatijquetl tlen tlali Asiria quintitlanqui tlen altepetl Laquis eyi huejhueyi tequitini catli inintoca Tartán,

Rabsaris huan Rabsaces, ininhuaya miyac isoldados para quinamiquise Ezequías ipan altepetl Jerusalén. Huan quema ajiscoj nechca altepetl Jerusalén, mochijque campa nopa huejcapantic aojtli catli qui-hualica atl ipan nopa mantoc atl campa quichicueníaj yoyomitl huan quichipa-hualtíaj. 18 Teipa nopa soldados quinotzque Tlanahuatijquetl Ezequías ma huala, pero amo yajqui. San quintitlanqui itlapalehuijcahua catli inintoca: Eliaquim, icone Hilcías, catli imaco mocajqui nopa caltlanahuatili; Sebna, catli quiijcuilo nochi amame catli quisqui ipan tequicali, huan Joa, icone Asaf, catli quiijcuilo ipan se amatlapohuali nochi catli panotiyajqui mojmostla ipan itequi nopa tlanahuatijquetl. Huan quisque nopa tlacame quinca-manalhuito nopa soldados huan inintlaya-canca.

19 Huan itemach nopa tlanahuatijquetl tlen tlali Asiria quititlanqui ni camanalí para Tlanahuatijquetl Ezequías:

—Ya ni catli quiijtohua nopa tlanahuatijquetl tlen tlali Asiria: ‘¿Para tlen timoilhuía para huelis timomanahuis nomaco? 20 ¿Huelis timoilhuía techtlanis san ica se camanalí huan amo monequis tlahuel mi-yac soldados, cahuayoyme huan tepostli? ¿Ipan ajqueya timotemachijtoc para mitzmanahuis nomaco? 21 Huelis timotemachía ipan nopa tlanahuatijquetl tlen tlali Egipto. Pero tiquitas para ichicahualis Egipto eltoc quen se ohuatl catli san puro ohuapachtl. Sintla se acajya ipan momatlazquilis, postequis huan quitequis ipan imax. Quej nopa elis nopa Faraón catli tlanahuatíaj ipan tlali Egipto huan catli motemachía ipan ya. 22 O huelis antechilhuisse anmotemachíaj ipan amoTECO Dios. Pero ¿amo yaya catli ta tiEzequías tijcualanca-macac quema tiquijcuini nochi itlaixpa huan piltiocaltzitzí campa masehualme quihueyitlepanitayayaj huan titlanahuati para monequi nochi masehualme tlen tlali Judá ma yaca san ipan altepetl Jerusalén para quihueyitlepanitase? 23 Xiquita, nij-chihuas ya ni. Sintla hueli tiquinpantis ome mil soldados ipan tlali Judá catli qui-matij cahuayoylecoj huajca na nimitzma-

cas ome mil cahuayoyme para ipan tlejcose. ²⁴Ta amo tiquinpiya soldados para ti-quintlanis nopa pamitl tlen isoldados no-teco catli más tziquitetzi. Huan masque nochí catli cahuayoylejcoj tlen tlali Egip-to mitzpalehuisquíaj, amo anquitlanis-quíaj. ²⁵Nojquiya, ¿amo tijmachilíaj para tojuanti titequitij imaco TOTECO para ti-hualajtoque timechhuilanaquij nica ipan ni tlali? Yaya TOTECO iseltzi catli techna-huatijtoc ma timechhuilanaquij huan ma timechmictiquij ipan amotlal.'

²⁶Huan Eliaquim, Sebna huan Joa qui-lhuijque:

—Se favor, techcamanalhuica ica ca-manali arameo pampa cuali tijmachilíaj. Amo techcamanalhuica ica hebreo camanali pampa quicaquise huan quimachilise nopa masehualme catli itztoque ipan ni te-pamitl.

²⁷Pero Rabsaces tlen tlali Asiria quiijto:

—Pero noteco amo techtitlantoc ma ti-mechilhuiquij san ta huan moteco ni ca-manali. Yaya nechtitlantoc para nojquiya ne masehualme catli itztoque ipan ne te-pamitl ma quicaquica. Pampa sintla amo anmotemactilise tohuaya, inijuanti san quen amojuanti nochí anmayanase hasta monequis anquicuase amocuitl huan an-quijise amoaxix.

²⁸Huan teipa nopa Rabsaces moquetz-qui huan tzajtzic chicahuac ica camanali hebreo para ma quicaquica catli itztoyaj ipan tepamitl, quiijto:

—Xijtlacaquilica catli anmechilhuía nopa tlanahuatijquetl tlen tlali Asiria: ²⁹‘Amo xijcahuilica ma anmechcrajcaya-hua amotlanahuatijca Ezequías. Yaya amo huelis anmechmaquixtis tomaco. ³⁰Sintla Tlanahuatijquetl Ezequías quinequi an-mechilhuis ximotemachica ipan amo-TECO, huan anmechilhuis para amoTECO anmechpalehuis huan amo quicahuas ma huetzi nomaco ni altepetl, ³¹amo xijtlaca-quilica.’ Ya ni catli quiijtohua nopa tlanahuatijquetl tlen tlali Asiria para monequi xijchihuaca: Ximotemactilica ica na. Xij-tlapoca nochí puertas ipan itepa amoalte-pe huan xiquisaca. Huan nimechcahuilis sesen amojuanti ma quicua tlen ixocom-

camil, huan tlen imil huan ma atli ipan tlen ya iamel. ³²Quej nopa elis hasta que-ma na nihualasoc huan nimechhuicas ipan seyoc tlali catli eltoc quen ni amotlal. No-pa tlali quipiya miyac trigo mili huan xo-comeca mili. Onca miyac pantzi, xocom-e-ca atl, sayol nectli huan miyac cuame tlen olivo catli temaca aceite. Tohuaya anitz-tose huan amo anmiquise. Amo xijtlaca-quilica amotlanahuatijca Ezequías pampa anmechcrajcaya hua sintla anmechilhuis amoTECO huelis anmechmaquixtis. ³³Xi-moilhuica, amo onca niyon se tlali catli ininteco yajati quimaquixtía nomaco na catli nitlanahuatijquetl ipan tlali Asiria. ³⁴¿Anquielnamiquij catli ininpantic nopa dioses tlen tlali Hamat, Arfad, Sefarvaim, Hena huan Iva tlen tlali Samaria? Amo huelque quimaquixtía altepetyl Samaria nomaco. ³⁵¿Canque itztoc se dios catli quimanahuijtoc itlal tlen nomax? ¡Amo aqui! Huajca amo ximoilhuica para amo-TECO anmechmaquixtis nomaco amojuant-i catli anehuaj altepetl Jerusalén.

³⁶Pero nopa masehualme ipan te-pamitl amo tlananquilique pampa Tlana-huatijquetl Ezequías quinilhuijtoya ma amo molinica. ³⁷Huajca Eliaquim catli el-toya imaco nopa caltlanahuatili, huan Sebna catli quiijcuilo nochí amame catli quisqui tequicalco, huan Joa catli quiijcui-lo ipan se amatlapohuali catli panoc moj-mostla, nochí mocuepque campa itztoya Tlanahuatijquetl Ezequías. Huan quitza-yanke ininyoyo huan quipohuilique nochí camanali catli quiijtojtoya Rabsaces, itemach nopa hueyi tlanahuatijquetl tlen tlali Asiria.

Ezequías quitemo TOTECO

(2 Cr. 32:20-23; Is. 37:1-38)

19 Quema Tlanahuatijquetl Ezequías quicajqui catli itlapalehuijcahua quipohuilique, quitzayanqui iyoyo huan motlalili se yoyomitl catli fiero catli qui-nextíja para nelía tlahuel hueyi itequipa-chol. Teipa calaquito ipan ichaj TOTECO para motlatlajtis. ²Huan quintitlanqui itlapalehuijcahua, Eliaquim, Sebna huan Joa ihuaya nopa tlayacanca totajtzitzi ma

quiitatij nopa tlajtol pannextijquetl Isaías, icono Amoz. Huan inijuanti yajque nojquia moyoyontijtoque ica nopa fiero yoyomtl catli quinextia tlahuol motequipachohuaj. ³Huan quiilhuijque Isaías nopa camanali catli Tlanahuatijquetl Ezequías quinilhuijtoya. Quiijtoque: “Ama se tonali tlen tlaijyohuillistli. Eltoc san quen se sihuatl catli nechca quipiyyas icono huan ayacmo quipiyya fuerza quitlacatiltis. ⁴Huelis TOTECO modios quitlaquijiltoe catli fiero quiijto nopa tequitquetl catli quititlanqui nopa Tlanahuatijquetl tlen tlali Asiria pampa tlahuol quiixpanoc huan quihuejcamajcrajqui moTECO Dios catli itztoc. Ximotlatlajti para huelis noja quitlatzacultis. Huan ximotlatlajti por tojuanti catli noja timocajtoque catli nopa Tlanahuatijquetl ayamo techtlantoc.”

⁵Huajca itlapalehuijcahua Ezequías tlanque camanaltij ica tlajtol pannextijquetl Isaías, ⁶huan Isaías quinilhui: “Xiquilhuitij amoteco para TOTECO quiilhuiá ni camanali: ‘Amo ximajmahui por nopa camanali catli tijcactoc. Itequipanojcahua nopa Tlanahuatijquetl tlen tlali Asiria nechtlijilhuijtoque na. ⁷Huan xiuita, na noseltzi nimoquetzas iixpa huan nijchihiwas ma ajisiti ipan ya se camanali tlen itlal para monequi nimantzi ma mocuepa ichaj. Huan nijtlalis ipan ya catli quiilhuis ma yas. Huan quema sempa ajsis ipan itlal, nijchihiwas ma quimictica nopona.’” Quej nopa Isaías quinilhui itlapalehuijcahua Tlanahuatijquetl Ezequías.

⁸Huan ipan nopa tonal quema camanaltique ica Isaías, Rabsaces catli elqui itemach Tlanahuatijquetl Senaquerib tlen tlali Asiria, quisqui Jerusalén huan yajqui para quicamanalhuito iteco ipan altepetl Libna. Pero iteco, yaya nopa Tlanahuatijquetl Senaquerib, ya quistoya Laquis campa tlahuilanayaya huan yajtoya altepetl Libna para tlahuilanati huan yeca quipanrito nepa. ⁹Huan amo huejcrajqui nopa Tlanahuatijquetl Senaquerib quicrajqui para nopa Tlanahuatijquetl Tirhaca tlen tlali Etiopía ya quistoya ica isoldados para quihiulanase. Huajca nimantzi monejqui quisas tlen campa itztoya. Pero achihui sem-

pa quintitlanqui sequin tlacame ma quiitatij Tlanahuatijquetl Ezequías ipan altepetl Jerusalén huan ma quiilhuitij:

¹⁰Ya ni se camanali para Tlanahuatijquetl Ezequías tlen tlali Judá, xitlacaqui: Ma amo mitzcajcayahua moTeoco Dios catli ipan timotemachijtoc. Amo ximoilhui para na catli nitlanahuatijquetl tlen tlali Asiria amo njtlanis altepetl Jerusalén pampa quena, ya nopa njchihuas. ¹¹Ta ya tijcactoc catli sequinoc huejhueyi tlanahuatiani tlen notlal Asiria quichijtoque campa hueli tiyajtoque. Nochi campa hueli tijtlanattoque. Huan ta ¿quenicatza timochololtis? ¹²Amo tleno quinpalehuijque inindioses nopa masehualme catli notatahua quintzontlamiltijque ipan tlalme Gozán, Harán huan Resef, huan nopa masehualme tlen Edén catli itztoyaj ipan altepetl Telasar. ¹³¿Tiquelnamiqui catli panoc ica nopa tlanahuatiani ipan Hamat huan Arfad huan catli panoc ica nopa tlanahuatiani ipan altepetme Sefarvaim, Hena huan Iva? ¡Nochi mijque!

Nopa tlanahuatijquetl tlen tlali Asiria quej nopa quiilhui Tlanahuatijquetl Ezequías.

Inetlatlajtil Ezequías

¹⁴Huan quiseli Tlanahuatijquetl Ezequías nopa amatlajcuiolli huan quipojqui. Teipa yajqui ipan ichaj TOTECO huan quiixtlapo nopa amatlajcuiolli iixpa TOTECO. ¹⁵Huan pejqui motlatlajtia iixpa TOTECO huan quiijto:

“TOTECO Dios, ta catli tiToteco tiisraelitame. Ta catli más tijpiya chicahualistli huan timocahua tlatlajco motequihuajchua catli inintoca querubines. San ta catli melahuac tiDios ipan nochí tlalme ipan ni tlaltipactli. Ta ica moseltzi tijchijqui ilhui-cactli huan tlaltipactli. ¹⁶TechtlacaquilinotECO. Xijtlapo moixteyol, notECO huan xiuita. Xijtlacaquilin nopa camanali catli Senaquerib nechilhuiá ipan ni amatli pampa nochí catli quiijtohua mitzixpano, ta ti-Toteco Dios, ta catli nelia tiitztoc.

¹⁷“Quena, melahuac, notECO, nopa huejhueyi tlanahuatiani tlen tlali Asiria

quinmictijtoque miyac masehualme huan quintlamisemanque miyac tlalme. 18 Huan quintlatilijque inindios pampa melahuac amo nelía dios. Imijuanti yajati que quinpolojque pampa san eliyaya tlamanli catli quinmachijchijtoyaj masehualme tlen cuahuitl o tlen tetl. 19 Pero ama, tiTOTEKO Dios, se favor, techmanahui tlen ininmax. Quej nopa nochí tlana-huatiani huan ininmasehualhua campa hueli ipan ni tlalipactli quimatise para san ta, catli tiTOTEKO, nelía melahuac ta tiDios." Quej nopa motlatlajti Ezequías.

TOTECO quinanquili Ezequías

20 Huajca Isaías, icone Amoz, tlatislanqui ma quilhuica Tlanahuatijquetl Ezequías: "Quej ni quijtohuela TOTECO toDios tiisraelitame: 'Nijcactoc catli ta techtlaj-tlanijtoc por catli quijtojtoc Tlanahuatij-quetl Senaquerib tlen tlali Asiria.'" 21 Huan ya ni nopa camanali catli TOTECO quillhuía Senaquerib:

"Quema ticholojtehuas tlen Jerusalén, nopa altepetl ehuani moca paquise quen se ichpocatl catli amo tiyajatqui tijtlanis. San mitzhuihuiitase huan quiolinise intzonteco para mitzpinajtise.

22 ¿Ajqueya timoilhuía para tiquixpanotoc quema tlen hueli tiquijtohuela? ¿Ajqueya tijtlaijilhuía? ¿Ajqueya tijhuihuiitztoc? Nochi tijchijtoc noca na, niDios, catli nitlatzejtzelotic.

Na catli niinintECO nopa israelitame.

23 Ica motlapalehuijcahua techixpanotoc na, niDios.

Tiquijtojtoc:

'Ica miyac notlahuilanca carros nitlej-coto
hasta intinzonatipa huejhueyi tepeme,
Nitlejcotoc hasta campa más ohui tla-
ixtlejcolis
ipan tlali Líbano para nitlatlanis.
Nijtzontejqui tiocuame
catli más huejcapantique ipan Líbano,
huan nopa pino cuame nopona catli
más yejyectzitz.

Niajsitoc hasta tlalme campa más
huejca,
huan nicalactoc hasta campa más nej-
nechca nopa cuame ipan cuati-
tlamitl.

24 Nijxajtoc amelme ipan campa hueli
tlalme
huan niquijic tlen nopa atl.
Hasta nijtzajqui huan nihuatzqui no-
chi hueyame ipan tlali Egipto
para huelis niquixcotonas san noiexi-
pa ica nosoldados.'
Quej nopa tiquijtojtoc.

25 Pero amo tijmachilía para elqui na,
niDios,
catli niquijtohuela catli oncas.
Huejcajya nijtlali para ma pano nochí
nopa tlamanli.
Quena, na nijsencajqui huejcajya
catli ama na nijchihua ma panotinemí
ipan monemilis.
Na nijchijqui para tiquinsolos alte-
peme catli cuajcuali tlasenca-
huali inintepa,
huan tiquincahuas san quen teme catli
montonijtoc.

26 Huan na nijsencajqui huejcajya para
masehualme ipan ni tlalme
ma amo quipiyaca chicahualistli huan
ta nimantzi hueli tiquintlanis.
Nopa masehualme itztoque quen saca-
petlatl catli xoxohuic ipan mila
catli
amo hueli quijiyohuáj quema se ipan
moquejquetzas.
Itztoque quen sacatl catli pehua
moscaltía itzonatipa se cali ica
tejas
huan nimantzi tonati quihuatz.

27 Na nimitziximati cuali. Nijmati quema
tiquisa huan canque tiya huan
nochí catli tijchihua. Huan nij-
mati quenicitza ticualanca ca-
manaltitoc noca na.

28 Huan pampa nochí nopa mocamanal
catli nijcactoc,
huan pampa miyac timohueyimajtoc
noca na,
huajca na nimitztlalilis se tepos anillo
ipan moyacatzol quen titoro

o se topes camachali ipan mocamac
quen ticahuayo.

Huan tijchihuas san catli na nijnequi.
Huan nimitzchihuas ximocuepa ipan
nopa ojtili

ica campa tihualajqui.”

Quej nopa Isaías quimacac camanali tlen
catli ipantis Tlanahuatijquetl Senaquerib.

29 Nojquiya tlajtol pannextijquetl Isaías
quiilhui Tlanahuatijquetl Ezequías ni
camanali tlen Toteco: “Ama nimitzmacas
se tlanextili para na nimotECO nijmanahuis
altepetl Jerusalén tlen Tlanahuatij-
quetl Senaquerib. Ni xihuitl anquicuase
nopa trigo catli eli san iseltzi. Huan ne se-
yoc xihuitl anquicuase catli eli tlen ya
iyol, pero ipan eyi xihuitl anquitocase tri-
go huan anquipixcase. Anquimocuitlahui-
se amoxocomeca milhua huan anquicuase
inintlajca. **30** Huan amojuanti catli noja
anmocahuase para anitztose ipan tlali
Judá, huan ya anmochololtijtose imaco
nopa tlanahuatijquetl, sempa anmotlatz-
quilise ipan amotlal. Huan sempa anpe-
huase anquipyayse chicahualistli. Huan
anmoscaltise huan anmomiyquilise.
31 Pampa nopa quentzi israelitame catli
mocahuase itztoque ipan Jerusalén huan
ipan tepetl Sion momahuase, huan tlahuel
momiyquilise. Nochi na, niamotECO Ca-
tli Niquinyacana Nochi Notequihuajcahuas
Ma Tlatlanitij, naya niquijtojtoc para pa-
nos.

32 “Huan ya ni catli TOTECO quiijtohua
tlen nopa hueyi tlanahuatijquetl tlen tlali
Asiria: Isoldados amo calaquise ipan alte-
petl Jerusalén, niyon amo quimajcahuilise
niyon se cuatlamintli. Amo quinechcahuise
ica ininyolixtzajcahuas para quihuilana-
se, niyon amo quitlaltemise para quichi-
huase nopa tlaixtlejcolis para ajside huej-
capa ipan nopa tepamitl catli ica moyahualtzacua nopa altepetl. **33** Nopa tlanahuatijquetl mocuepas itlal ipan san se ojtili
catli ipan hualajqui, pero amo calaquise ipan ni altepetl. Na, niamotECO, niquijtohua.
34 Na nijmocuitlahuis ni altepetl Jerusalén huan nijmaquixtis para ma nech-
talepanitaca, huan pampa niquicnelía note-
quipanojca David.”

35 Huajca nopa tlayohua itequihua TO-
TECO yajqui campa mochijtoyaj nopa Asiria
ehuani huan quinmicti 185 mil soldados.
Huan quema ne sequinoc soldados
catli amo mijque isaque, san mijcatzitzi
quinpantijque campa hueli. **36** Huajca Tla-
nahuatijquetl Senaquerib tlen tlali Asiria
motlanantejqui huan yajqui ichaj ipan al-
tepetl Nínive. **37** Huan se tonal quema qui-
hueyichihuayaya itiotzi Nisroc ipan itio-
pa, yajque itelpocahua catli inintoca Adramelec huan Sarezer huan quimictij-
que. Teipa cholojtejque huan yajque hasta
nopa tlali itoca Ararat. Teipa pejqui tlana-
huatía itelpoca catli itoca Esarhadón ipan
ilugar.

Icocolis Ezequías

(2 Cr. 32:24-26; Is. 38:1-22)

20 Ipan nopa tonali Tlanahuatijquetl
Ezequías huetzqui ipan se cocolistli
huan motlahueltiyaya. Huan tlajtol pan-
nextijquetl Isaías, icono Amoz, yajqui qui-
titato huan quiilhui:

—TOTECO quiijtohua: ‘Xiquinconsejo-
maca mochaj ehuani huan xijchihua nochí
catli monequi pampa timiquis. Ayacmo ti-
mochicahuas tlen mococolis.’

2 Huan Tlanahuatijquetl Ezequías mo-
cuepqui huan quitlali ixayac campa tlape-
pecholi huan motlatlajti ica TOTECO huan
quiijto: **3** “Na nimitztlajtlanía notECO, xi-
quelnamiqui quenicatza ninejentoc xitla-
huac moixpa. Nimitztequipanojtoc ica nochí
noyolo huan nijchijtoc catli mitzpaci-
tía.” Huan tlahuel chocac Ezequías.

4 Huan quema ayamo ajsiyaya Isaías
tlatlajco ipan nopa calixpamitl para yas
ichaj, ajsico se camanali tlen TOTECO
ipan ya huan nopa camanali elqui: **5** “Xi-
mocuepa huan xiquilhui Ezequías, yaya
catli inintlanahuatijca nomasehualhua
para quej ni niquijtohua, niITECO, huan
na catli niiDios ihuejcapán tata, David:
‘Na nijecactoc monetlatlajtil huan ni-
quitztoc moixayo. Nimitzchicahuas tlen
mococolis huan ica eyi tonali tiyas ipan
nohueyi tiopa nimoTECO. **6** Nimitzcahuilis
xiitztos seyoc 15 xihuitl. Nimitzma-
quixtis ta huan ni altepetl Jerusalén ima-

co nopa tlanahuatijquetl tlen tlali Asiria. Huan nijchihuas para masehualme ma nechtlepanitaca pampa niquicnelía no tequipanojca David.”

7 Huajca Isaías tlanahuati ma quisencahuaca se tlatixtli tlen higos huan ma quitolilica campa nopa cocotl. Huan quichijque huan nopa cocotl pachijqui.

8 Huan Ezequías quitlatzintoquili Isaías:

—¿Tlaque tlanextili TOTECO nechmacas sintla nelía nimochicahuas huan huelis niyas ipan ichaj TOTECO ipan eyi tonalli?

9 Huan Isaías quiilhui:

—TOTECO quichihuas se tlanextili ica toreloj para mitznextilis melahuac timochicahuas quen mitzilhuijtoc. ¿Tijnequi para nopa tonal ecahuilotl ipan toreloj ma nejnemis majtlactli pasos iixmelac o ma mocuepas majtlactli pasos ica iica?

10 Huan Ezequías quiijto:

—Nochipa nopa tonati iecahuiilo ipan toreloj nejnemi pasos iixmelac huajca ya nopa amo más ohui. Más elis tlanextili sintla nopa tonati ecahuilotl mocuepas ica iica majtlactli pasos. Ya nopa ohui.

11 Huajca nopa tlajtol pannextijquetl Isaías quiilhui TOTECO tlaque tlanextili quinequiyaya. Huan TOTECO quichijqui para nopa tonati ecahuilotl ma mocuepa majtlactli pasos catli ya nejnentoya ipan nopa reloj tlen Acac.

Ezequías quinseli nopa Babilonia ehuani

(2 Cr. 32:27-31; Is. 39:1-8)

12 Quema panoc tonali, itelpoca Tlanahuatijquetl Baladán tlen tlali Babilonia catli itoca Merodac Baladán quimatinqui para mococohua Tlanahuatijquetl Ezequías ipan tlali Judá. Huajca quintitlanqui sequin masehualme catli quihuaticaque amatlajcuiloli huan se nemactli catli quititlaniyaya nopa tlanahuatijquetl tlen tlali Babilonia. 13 Huan Ezequías quinseli nopa tlatitlanilme huan quinnextili nochí catli patiyo quipixqui ipan ichaj. Quinnextili nochí itomi tlen plata huan tlen oro, huan nochí tlacualpajtli huan nochí tlaajhuiyacayotl. Quin-

nextili campa quiajocui nochí itepos para tlahuilanás huan senquistoc nochí catli patiyo campa tlaajocui. Nochi quinnextili. Amo tleno oncac ipan nopa hueyi caltlanahuatili, niyon ipan nochí itlahuatalis catli amo quiitaque. 14 Huan teipa nopa tlajtol pannextijquetl Isaías yajqui quitato Tlanahuatijquetl Ezequías huan quitlatzintoquili:

—¿Canque ehuani nopa masehualme huan tlaque mitzilhuijque?

Huan Tlanahuatijquetl Ezequías quiijto:

—Inijuanti huejca ehuani. Hualajque tlen tlali Babilonia.

15 Huan tlajtol pannextijquetl Isaías quitlatzintoquili:

—¿Huan tlaque quiitaque ipan mochaj?

Huan Tlanahuatijquetl Ezequías quiilhui:

—Quiitaque nochí catli onca nica. Ni quinnextili nochí campa nitlaajocui.

16 Huajca Isaías quiilhui Ezequías:

—Xijcaqui ni camanali catli mitzilhui TOTECO: 17 ‘Hualas se tonal quema nochí catli onca ipan mochaj quihuicase ipan tlali Babilonia. Quihuicase nochí catli quisentilijque mohuejcapan tatahua huan catli ta tjsentilijtoc hasta ama. Amo tleno mocahuas nica. 18 Huan hasta nojquiya moteiximatcahua quinhuicase nepa ipan tlali Babilonia. Huan quinca-parose huan quintlalise quen tlatequipano huani ipan icaltlanahuatil nopa tlanahuatijquetl.’

19 Teipa Tlanahuatijquetl Ezequías quiilhui Isaías:

—Nopa camanali tlen TOTECO Dios catli tiquijtojtoc, caultitoc.

Quiijto ni pampa moilhuiyaya: “Ipan nochí tonali quema noja niitztos oncas tlasehuilistli huan tiitztose ica temachatlí, huan nopa tlaohuijcamayotl panos teipa.”

Imiquilis Ezequías

(2 Cr. 32:32-33)

20 Nopa sequinoc tlamantli catli panoc ipan itequi Ezequías huan nochí catli qui chijqui eltoc ijcuilijtoc ipan nopa amatla-

pohuali catli itoca Catli Quichijque Nopa Tlanahuatiani Ipan Tlali Judá. Nojquiya quijtohua quenicatzta quipixqui miyac ichicahualis huan quenicatzta quichijqui nopa hueyi pila, huan nopa hueyi aojtli para ipan calaquis atl ipan nopa altepetl. 21 Huan quema mijqui Tlanahuatijquetl Ezequías, icoce catli itoca Manasés pejqui tlanahuatía.

Manasés tlanahuati ipan tlali Judá

(2 Cr. 33:1-20)

21 Manasés quiipyayaya 12 xihuitl que ma pejqui tlanahuatía ipan tlali Judá huan mosehui para tlanahuatis ipan altepetl Jerusalén huan tlanahuati 55 xihuitl. Huan inana itoca eliyaya Hepsiba. 2 Pero Tlanahuatijquetl Manasés quichijqui catli amo cuali iixpa TOTECO pampa quitoquili ininfiero ojhui nopa sequinoc masehualme catli amo quiiximatiq TOTECO catli TOTECO quintojtocatoya tlen nopa tlali iniixpa israelitame. 3 Huan ipan campa hueli tepeme Manasés sempa quinsencajqui nopa piltiocaltzitzí para tlaixcopincayome catli itata, Tlanahuatijquetl Ezequías, quinsolojtoya. Nojquiya campa hueli quichijchiqui tlaixpame para nopa teteyotl Baal. Huan quiquetzqui se fiero tlaquetzali para nopa tlaixcopincayotl Asera quen quichijtoya Tlanahuatijquetl Acab ipan tlali Israel. Nojquiya Manasés quinhueyichijqui sitlalime huan nochí tlamantli catli onca ipan ilhuiactli. 4 Nojquiya quichijchiqui se tlaixpamitl para teteyome ipan nopa hueyi tiopamitl tlen TOTECO campa TOTECO quiijtojtoya para quipiyas itoca huan campa quinamiqui para masehualme ma quihueyimatica. 5 Huan ipan nochí ome calixpamitl nopa hueyi tiopamitl tlen TOTECO, Tlanahuatijquetl Manasés quichijqui tlaixpame para sitlalime huan nochí catli onca ipan ilhuiactli. 6 Nojquiya quitlati icoce ipan tlil quen se tlacajcahualistli para se teteyotl. Momatqui tetlajchihuía huan tlamatí. Quintlajtlani consejo catli quincamanalhuiyayaj ajacame huan mijcatzitzí huan catli tetonalitayayaj. Tlahuel miyac tlamantli amo cuali quichijqui iixpa TOTECO para quicualancamacas. 7 Hasta quihiucac nopa fiero tlaquetzali pa-

ra Asera catli quichijtoya huan quitlali ipan itiopa TOTECO campa TOTECO quihuijtoya David huan icone, Salomón, nopa cali para nochipa quihiucas itoca pampa TOTECO quiatlapejeni Jerusalén tlen nochí altepeme tlen israelitame para nopona masehualme quihueyimatise. 8 Huan TOTECO no quiijto: “Sintla israelitame quineltocase catli quijtohua nochí notlanahuatilhua catli niquinmacac ica notequipanojca, Moisés, amo ni quiñijcuinis ipan ni tlali catli niquinmacac inintatahua.” 9 Pero israelitame amo qui-chijque cuenta icamanal. Huan Tlanahuatijquetl Manasés quinnextili israelitame ma quichihuaca catli noja más fiero que nopa masehualme catli TOTECO quinpolo iniixpaa nopa israelitame quema calaquiyyaj ipan nopa tlali.

10 Huajca TOTECO teyolmelajqui icamanal ica itlajtol pannextijahua huan quiijto: 11 “Manasés nopa tlanahuatijquetl ipan tlali Judá quichijtoc miyac tlamantli catli tlahuel fiero. Quichijtoc más fiero que nopa amorro masehualme catli achthuiya itztoyaj ipan ni tlali. Quinnextilijtoc israelitame ipan tlali Judá ma tlajtlacolchihuaca huan ma quinhueyimatica tlaixcopincayome catli amo Dios. 12 Huajca ya ni catli quiijtohua TOTECO catli toDios tiisraelitame: ‘Na nijchihuas ma hualaca masehualme ipan tlali Judá huan ipan altepetl Jerusalén para quisemanase nochí. Tlahuel miyac tlaijijohuise israelitame hasta quin-yolcocos nochí catli quicaquise. 13 Ni-quintamachihuas altepetl Jerusalén ehuani ica san se tlatacamachihualli catli nijtequihui ica altepetl Samaria ehuani huan ica iteiximatcahuia Tlanahuatijquetl Acab. Na niquinquixtis masehualme ipan Jerusalén hasta amo aqui moca-huas. Elis quen se plato catli se quipaj-pactoc euali huan teipa quiixtlapachhua para ma huaqui. 14 Huan nopa quentzi masehualme catli mocahuase itztoque, niquintemactilis ininmaco inincuylancaitacahua para ma quintlacuicuila-ka huan ma quintlajijoyhuiltica. 15 Pam-pa israelitame quichijque catli amo cuali noixpa huan nechualancamacatoque

hasta huecajya ipan nopa tonali quema niquinquixti ininhuecapan tatahua ipan tlali Egipto huan hasta ama noja quichihuaj.”

16 Huan Tlanahuatijquetl Manasés nojquia quinmicti miyac masehualme catli amo tleno quichijtoyaj hasta elqui quen quitepetl Jerusalén tlen ni nali hasta ne seyo nali ica estli catli amo quitoajtosquía. Huan ya ni elqui iyoca tlen nopa hueyi tlajtlacoli catli quichijqui pampa quinnextili israelitame ma quinhueyichihuaca tlaixcopincayome catli tlahuel fiero iixpa TOTECO.

17 Nopa sequinoc tlamantli catli panoc ipan itequi Tlanahuatijquetl Manasés, huan nopa tequitl catli quichijqui, huan nopa tlajtlacoli catli quichijqui, nochi eltoc ijcuilijtoc ipan nopa amatlapohuali catli itoca “Catli Quichijque Nopa Tlanahuatiani Ipan Tlali Judá.” 18 Huan quema mijqui Manasés quitlapachoque ipan nopa xochimili nechca ichaj catli itoca ixochimil Uza. Teipa itelpoca catli itoca Amón pejqui tlanahuatia.

Amón tlanahuati ipan tlali Judá (2 Cr. 33:21-25)

19 Huan Tlanahuatijquetl Amón quipiyayaya 22 xihuitl quema pejqui tlanahuatia huan tlanahuati ipan altepetl Jerusalén ome xihuitl. Inana itoca eliyaya Mesulemet huan yaya eliyaya iichpoca Haruz catli ehua altepetl Jotba. 20 Pero Amón quichijqui catli amo cuali iixpa TOTECO quen quichijtoya itata, Manasés. 21 Quitoquili ifieroj ojhui itata huan quinhueyichijqui nopa tlaixcopincayome catli itata quinhueyichijtoya. 22 Huan quej nopa quihuecamajcajqui TOTECO, yaya catli ininDios ihuecapan tatahua huan amo quinejqui quitoquilis iojhui. 23 Huan itequipanojcahua Tlanahuatijquetl Amón motlananque ica ya huan quisencajque quenicatza qui-mictise ipan ichaj. 24 Pero teipa nopa tlali Judá ehuan quinmictijque nopa tequipanojcahua tlaixcopincayome catli itata quinhueyichijque. 25 Huan amó monejqui quintlajtlanise cuenta ipan tlaque tlamantli quitequihuique nopa tomi pampa injuanti elque tlamantli xitlahuaque.

25 Nopa sequinoc tlamantli catli panoc ipan itequi Tlanahuatijquetl Amón huan nochi catli quichijqui eltoc ijcuilijtoc ipan nopa amatlapohuali catli itoca Catli Quichijque Nopa Tlanahuatiani Ipan Tlali Judá. 26 Huan quitlapachoque Amón ipan se panteón ipan ixochimil Uza. Teipa pejqui tlanahuatia icone catli itoca Josías.

Josías tlanahuati ipan tlali Judá (2 Cr. 34:1-2)

22 Huan Josías quipiyayaya 8 xihuitl quema pejqui tlanahuatia huan tlanahuati ipan altepetl Jerusalén 31 xihuitl. Inana itoca eliyaya Jedida huan eliyaya iichpoca Adaíá huan ejqui ipan altepetl Boscat. 2Huan Tlanahuatijquetl Josías quichijqui catli xitlahuac iixpa TOTECO pampa quitoquili nochi nopa cuali ojtlí catli ipan nentoya ihuecapan tata David huan amo moiycatlali tlen iojhui niyon quentzi.

Josías quisencajqui itiopa Toteco (2 Cr. 34:8-33)

3 Quema Tlanahuatijquetl Josías yohuiyaya para 18 xihuitl ipan itequi, quititlanqui Safán ipan itiopa TOTECO. Huan Safán elqui itlajcuilojca huan eliyaya icone Azalías huan iixhui Mesulam. Huan quiilhui:

4—Xiya xiquitati nopa hueyi totajtzi Hilcías huan xiquilhui ma quipohua nopa tomi catli nopa tlamocuitlahuiani ipan ipuerta itiopa TOTECO quiselijtoque catli masehualme quihualiquiliyayaj TOTECO. 5 Ma quinmaca nopa tomi nopa tlacame catli quiyacanase nopa tequitl para quisencahuase itiopa TOTECO. Quitequihuisse para quintlaxtlahuise catli tequitij para quisencahuase campa sosolijtoc itiopa TOTECO. 6 Monequi quintlaxtlahuise cuaximaní, tepanchihuani huan catli quiyacanase nopa tequitl. Nojquiya monequi ma quicohuaca cuahuitl huan teme catli cuajcuali para quicualtlalise nopa tiopamitl. 7 Huan amo monejqui quintlajtlanise cuenta ipan tlaque tlamantli quitequihuique nopa tomi pampa injuanti elque tlamantli xitlahuaque.



Safán quipojqui nopa amatlapohuali tlen itlanahuatil TOTECO.

8 Huan nopa hueyi totajtzi Hilcías quihilui nopa tlajcuilojquetl Safán: “Nijpan-tijtoc ipan itiopa TOTECO nopa amatlapohuali tlen huecjajya catli quipiya nopa tlanahuatilme.” Huan Hilcías quimacac nopa amatlapohuali Safán huan yaya quipojqui. 9 Huan Safán mocuepqui campa nopa tlanahuatijquetl huan quihilui:

—Motequipanojcahua quisentilijtoque nopa tomi catli masehualme quimacatoque TOTECO huan quinmacatoque catli tlayacanaj ipan nopa tequitl ipan tiopamitl.

10 Huan nopa tlajcuilojquetl Safán nojquia quihilui Tlanahuatijquetl Josías para nopa totajtzi Hilcías quimacatoya se amatlapohuali. Huan Safán quipojqui iixpa nopa tlanahuatijquetl.

11 Huan quema quicajqui Tlanahuatijquetl Josías catli quiijtohuayaya nopa amatlapohuali catli quipixqui itlanahualtilhua TOTECO, quitzayanqui iyoyo ica hueyi tequipacholi. 12 Huan teipa quinahuati nopa hueyi totajtzi Hilcías, huan Ahicam, icone Safán, huan Acbor, icone Micañas, huan Safán, nopa tlajcuilojquetl, huan Asaía, ihueyi tlapalehuijca, huan quihilui:

13—Xiyaca huan xijtlajtzintoquilica TOTECO tlaque nopantis na, huan tlaque ininpantis ni altepetl ehuani, huan nochí ni tlali Judá ehuani pampa amo tijtoquilitoque nopa camanalí catli eltoc ipan ni

amatlapohuali catli quiajsitoque. Nijmati TOTECO tlahuel cualantoc tohuaya pampa totatahua amo quinelcatoque ni tlana-huatilme. Amo tijchijtihualajque catli eltoc ijcuilijtoc ipan ni amatlapohuali.

14 Huajca yajque nopa totajtzi Hilcías, ihuaya Ahicam, Acbor, Safán huan Asaía hasta nopa yancuic colonia ipan Jerusalén huan quittatoj nopa sihua tlajtol pannex-tijquetl Hulda. Yaya eliyaya isihua Salum, huan Salum eliyaya icone Ticva huan iix-hui Harhas. Huan Harhas eliyaya nopa tlacatl catli quiajocui nopa yoyome para totajtztizti ipan tiopamitl. 15 Huan Hulda ni-mantzi quinilhui:

—Xiquilhuica nopa tlacatl catli amechtitlantoc para TOTECO catli toDios ti-israelitame quej ni quiijtohua: 16 ‘Na nij-sosolos ni altepetl huan nochí catli itztoque nica quen eltoc ijcuilijtoc ipan nopa amatlapohuali catli tijpojtoc ta catli titlanahuatijquetl tlen tlali Judá. 17 Nijsema-nas pampa nomasehualhua nechtlahuel-cajtoque huan quintlatilijtoque copali no-pa tlaixcopincayome huan teteyome catli amo Dios. Yeca tlahuel nechcualancama-catoque ni masehualme huan amo tlamis nocualancayo hasta niquintlatzacultis. 18 Pero xiycaya campa nopa tlanahuatijquetl tlen tlali Judá catli amechtitlantoc para anquimatise catli na ni:TECO nijchi-huas. 19 Huan xiquilhui: ‘Nijmati ta tijchijqui yamanic moyolo quema tijcajqui para eltoc ijcuilijtoc ipan nopa amatlapohuali para nijssolos ni altepetl huan nochí catli itztoque nica. Huan timoechcapantli quema tijcajqui para ni altepetl elis tlatal-chihuali huan tlatzitzicatoc. Nojquia tijtzayanqui moyoyo huan tichocac noixpa. Huajca na, catli nimoTECO, nojquia ya nimitzcactoc. 20 Huan amo niquintitlanis catli quisosolose ni altepetl huan imase-hualhua hasta ya timictos huan ya tlantos mitztlalpachojojtose. Nimitzcahuilis timi-quis huan mitztlalpachose quema amo onca tlahuilancayotl. Huan ta amo tiquitas catli fiero ipantis ni altepetl.’

Quej nopa TOTECO quinilhui Tlanahuatijquetl Josías por itlatitlanilhua ica nopa sihuatl. Huan teipa nopa tlacame mocuep-

que huan quiyolmelahuatoj Tlanahuatijquetl Josías catli quinilhuijtoya nopa sihua tlajtol pannextijquetl.

Quipojque icamanal TOTECO tlamiyacapa

23 Huajca Tlanahuatijquetl Josías tlana huati ma mosentilica nochuehue tlacame catli tlayacanayaj ipan tlali Judá huan ipan altepetl Jerusalén. **2** Huan yajqui nopa tlanahuatijquetl ipan ichaj TOTECO ica nochimasehualme catli Jerusalén huan tlali Judá ehuaní, huan ininhuaya nochitotajtzitzihuan nochitlajtol pannextiani. Yajque nochimasehualme tlen catli más huehuentzitzihasta catli más tziquitetzitzihuan iniixpa nochinopatlanahuatijquetl quipojqui nochinopamatlapohuali catli quipantijtoya tiopan calijtic catli quipixtoya nopa camanal sencahualli catli TOTECO quichijtoya ica israelitame. Huan nochiquitlacaquliyayaj.

3 Huan teipa nopa tlanahuatijquetl moquetzqui nechca nopa hueyi tlaquetzalimocampa moquetza se tlanahuatijquetl para quichihuas se tlanahuatili huan sempa quichijqui nopa camanal sencahualli ica TOTECO. Motemamacac iixpa TOTECO para ica nochiyolo huan ica nochialma quinel tocas nochitlanahuatilhua TOTECO, huan quitlamichihuas nochitlamachtilhua huan nochicatli quijito ipan nopalamanal sencahualli. Huan nochimasehualme nojquiya motemacaque quichihuase nochitlanahuatilme ipan nopalamanal sencahualli.

Josías quichijqui cuijtequilt

(2 Cr. 34:3-7)

4 Huajca Tlanahuatijquetl Josías quinahuatij nopa hueyi totajtzi Hilcías, huan nopalotaajtzitzicatli quihiucayayaj nopaloma tequiticayotl huan totajtzitzicatli tlamocuitlahuáj ipan puerta para ma quiqixtia ipan itiopa TOTECO nochitlamantli catli quitequihuijque para quihueyichi huase Baal, Asera, sitlalime huan nochitlamantli catli onca ipan ilhuicactli. Huan quintlatijque huejca tlen Jerusalén ipan cuatitlamitl catli itoca Cedrón. Huan teipa

quihiuicaque nopa cuanextli hasta ipan Be tel. **5** Huan Tlanahuatijquetl Josías quiniciuini nopa totajtzitzicatli quihueyichijque tlaixcopincayome catli quintequitlajtoyaj nopa achtihui tlanahuatiani tlen tlali Judá para ma quitlatica copali ipan inintlaixpa nopa teteyome campa hueli ipan tlali Judá huan ipan Jerusalén. Qui tlatiliyayaj copali Baal, tonati, metztli huan nochisitlalime huan catli onca ipan ilhuicactli. **6** Nojquiya Josías quiquiri nopa fiero tlaquetzali tlen nopa tlaixcopincayotl Asera catli eltoya ipan itiopa TOTECO huan quihiuicaque tlen altepetl Jerusalén hasta nopa tlamayamitl catli itoca Cedrón huan quitlatijque. Teipa quitisqui catli mocajqui hasta san elqui cuanextli. Huan teipa quisemanqui ipan campo santo campa quintojque mijcatzitziteicneltzitzi. **7** Huan nojquiya quintlahuiso campa mocajque nopa sodomitame huan ahuilnenca sihuame catli quichihuayayaj tlen hueli ipan ichaj TOTECO ica catli hualayayaj para quej nopa quijito huayayaj quihueyichi huayayaj inintiotzitzi. Huan quinsosolo nopaloyoncalme catli nopalosihuame quijitzontoyaj para ipan quihueyitlalise Asera.

8 Teipa Tlanahuatijquetl Josías tlana huati ma hualaca nochitOTECO itotajtzitzicatli itztoyaj ipan altepeme campa hue li ipan tlali Judá. Huan Josías quinsosolo nochitlaixpame tlen altepetl Geba ica norte hasta Beerseba ica sur campa itotajtzitzi TOTECO quitlatijayaj copali pampa san oncac caquihuili ma onca tlaixpamitl ipan altepetl Jerusalén. Huan Josías qui tlahuiso nopalos tlaixpamitl catli eltoya ipuertajteno ichaj nopalhueyi tequitquetl Josué. Nojquiya quitlahuiso nopalos tlaixpamitl catli eltoya iopochco nopalos puerta campa nochicalaquij ipan altepetl Jerusalén. **9** Pero nopalotaajtzitzicatli tlacajc妖oyaj ipan tlaixpame catli eltoya campa hueli ipan tepeme ayacmo quincahuili ma quinechcahuica itlaiipa TOTECO ipan altepetl Jerusalén. Pero quena, quincahuiliyayaj ma quicuaca nopalos pantzi catli amo quipixqui tlasonejcayotlininhuaya iniicnihua catli totajtzitzi.

10 Josías nojquiya quisosolo nopa tlaixpamitl para nopa teteyotl Tofet catli eltoya ipan nopa tlacomoli itoca Benhinom para ayacmo quema aqui hueli quitlatis ioquichpil o isihuapil nopona quen se nemactli para nopa teteyotl Moloc. 11 Nojquiya quinijcuini nopa cahuayojme catli nopa achtihiui tlanahuatiani tlen tlali Judá quitencahuilijtoyaj. Nopa cahuayojme itztoyaj nechca campa nochí calaquij ipan itiopa TOTECO. Itztoyaj nechca icuarto se tequitiquetl itoca Natánmelec catli imaco eltoya nopa cali. Nojquiya quintlatijque nopa tlahuilanca carros catli quitemactlijtoyaj tonati para quihueyimatisé quen tonati elisquía se dios.

12 Huan nojquiya Tlanahuatijquetl Josías quintlahuiso nopa tlaixpame catli nopa tlanahuatiani tlen tlali Judá quisencajtoyaj itzonatipa ichaj nopa tlanahuatijquetl campa yohuiyaya para mosiyajqueztas campa itoca icuarto Acaz. Nojquiya Josías quinsemanqui nopa tlaixpame catli Tlanahuatijquetl Manasés quinsencajtoya ipan nopa ome calixpamitl tlen itiopa. Quinchijqui cuechtic huan nochí nopa tlaltejpoctli catli mocajqui quitepehuatoj ipan nopa hueyatl Cedrón. 13 Nojquiya Tlanahuatijquetl Josías quinsosolo nopa tlaixpame catli eltoya ipan ne se lado altepetl Jerusalén ica campa hualquisa tonati huan ica sur tlen campa itoca Tepetl Tlen Tlasosololistli. Nopa tlaixpame elqui catli Salomón, tlanahuatijquetl tlen tlali Israel huecjaya, quisencajtoya para Astoret, nopa fiero tlaixcopincayotl catli nopa sidonios quihueyimatzque, huan para Quemos nopa fiero tlaixcopincayotl tlen nopa mabitame, huan para Milcom nopa fiero tlaixcopincayotl tlen nopa amonitame. 14 Huan quinchijqui cuechtic nopa teteyome tlen tetl huan quinsemanqui nopa fiero tlaquetzalme tlen nopa tlaixcopincayotl Asera, huan quitemiti campa moquetzoya nopa tlaixpame ica iniomijo mijcatzitzipara amo aqui huelis quinnechcahuis.

15 Huan nojquiya Josías quisosolo nopa tlaixpamitl huecjapa nepa ipan Betel catli Tlanahuatijquetl Jeroboam, icon Nabat, quichijqui quema quinnextiliyaya israel-

itame ma tlajtlacolchihuaca huan ma quihueyichihuaca TOTECO ica teteyome. Quinchijqui cuechtic nopa teteyome huan quitlati nopa fiero tlaquetzalme para Asera. 16 Huan quema Josías tlachiyayaya campa hueli, quiitac sequin mijcaostome nopona ipan nopa tlaixtemolis. Huan tlanahuati ma quiquixtia nochí omitl catli oncac ipan nopa mijcaostome huan ma quitlatica ipan nopa tlaixpamitl ipan Betel para ma quijjtaco nopa tlaixpamitl. Quej nopa panoc catli Toteco Dios ica itlajtol pannextijca quijjtojtoya panosquía huecjaya quema itztoya Tlanahuatijquetl Jeroboam. 17 Huan Tlanahuatijquetl Josías quijito:

—¿Tlaque tlamatli tetl moquetzto nepa huan tlaque quijjtohua itlajcuilo?

Huan nopa masehualme ipan nopa altepetl quinanquilijke:

—Quijtohua para nepa campa quitojque nopa tlajtol pannextijquetl catli hualajqui tlen tlali Judá huan tlayolmelahuaco para teipa quitlatisquía mijcaomitl ipan ni tlaixpamitl nica Betel, senquistoc quen ta tijchijtoc ama.

18 Huajca Tlanahuatijquetl Josías tlanahuati:

—Xijcahuaca. Ma amo aqui quiajasi iomíyo.

Huan quej nopa quitlepanitaque iomíyo huan nojquiya iomíyo nopa huehue tlajtol pannextijquetl catli hualajqui tlen tlali Samaria.

19 Teipa quen quichijtoya ipan Betel, Tlanahuatijquetl Josías quisosolo nochí nopa piltiocaltzitzí para tlaixcopincayome huan nopa tlaixpame huecjapa catli oncayaaya ipan nochí nopa altepeme catli altepetl Samaria quinnahuatía. Nopa piltiocaltzitzí quinchijchique miyac huejhueyi tlanahuatiani ipan tlali Israel huan yeca tlahuel quicualancamacaque TOTECO.

20 Huan teipa Tlanahuatijquetl Josías quinmicti nopona campa inintlaixa nochí nopa totajtzitzí catli tlacajcajtoya ipan nopa tlaixpame. Nojquiya quitlatique iniomijo mijcatzitzí ipan nopa tlaixpame para quinjtlacose. Teipa Josías sempa mocuepqui ipan altepetl Jerusalén.

Josías quielnamijqui nopa Pascua Ilhuitl

(2 Cr. 35:1-19)

21 Teipa Tlanahuatijquetl Josías qui-chijqui se tlana-huatili catli qui-jito: "Mone-qui nochí masehualme ma quielnamiquica nopa Pascua Ilhuitl para TOTECO Dios quen eltoc ijcuilijtoc ipan nopa amatlapo-huali tlen nopa camanal sencahualli ica TOTECO."

22 Amo quema quielnamictoyaj se Pas-cua Ilhuitl quej ni ipan nochí xihuitl que-ma itztoyaj nopa huejhueyi tlana-huatiani ipan nopa tlali Israel huan ipan tlali Judá huan niyon hasta huejcayja quema jueces tlana-huatiyayaj ipan tlali Israel. **23** Eltoya quema Tlanahuatijquetl Josías yohuiyaya para 18 xihuitl tlana-huatis quema quiel-namijque nopa Pascua Ilhuitl iixpa TO-TECO ipan altepetl Jerusalén.

Josías quiqxiti catli amo cuali

24 Huan Tlanahuatijquetl Josías noj-quiya quimicti nochí tetlajchihuiani huan tlamatini. Quintlamisosolo nochí tlaixcopincayome huan teteyome ipan tec-haj huan catli masehualme quinhueyi-chihuayayaj campa hueli ipan altepetl Je-rusalén huan ipan nochí tlali Judá. Qui-chijqui ni para quitlamichihuas nochí no-pa tlana-huatilme catli eltoc ijcuilijtoc ipan nopa amatlapohuali catli quiajsitoya Hil-cías, nopa hueyi totajtzi, ipan itiopa TO-TECO. **25** Amo quema oncatoya seyoc tlana-huatijquetl quen Josías catli moyol-cuepqui, huan quitoquili TOTECO ica nochí iyolo, huan ica nochí itonal huan ica nochí ichicahualis. Huan quineltoquili nochí nopa itlanahuatilhua Moisés. Niyon teipa amo quema oncac seyoc quen ya.

26 Huan masque Josías quichijqui nochí catli cuali, TOTECO noja quisenhuiquili cu-lani ica tlali Judá ehuani por nochí catli fiero quichijtoya Tlanahuatijquetl Manasés achtihiuya catli tlahuel ica quicualancama-cac. **27** Huan yeca quiijo TOTECO para qui-tlahuelcahuas tlali Judá quen quitlahuelcaj-toya tlali Israel. Huan quitlahuelcahuas altepetl Jerusalén catli quitlapejpenijtoya huan nopa tiopamitl campa quiijo toya pa-ra nopona masehualme ma quitlepanitaca.

Imiquilis Josías

(2 Cr. 35:20-27)

28 Huan nopa sequinoc tlaman-tli catli panoc ipan itequi Tlanahuatijquetl Josías huan nochí catli quichijqui eltoc ijcuilijtoc ipan nopa amatlapohuali catli itoca Catli Quichijque Tlanahuatiani Ipan Tlali Judá.

29 Ipan nopa tonali quema tequityaya Jo-sías, nopa Tlanahuatijquetl Necao catli eliyaya Faraón ipan tlali Egipto yajqui hasta nopa hueyatl Eufrates para quipale-huiti nopa tlana-huatijquetl tlen tlali Asiria. Huan Tlanahuatijquetl Josías yajqui inihuaya isoldados para quinhuilanati, pero Tlanahuatijquetl Necao quimicti Jo-sías quema monamijque ipan Meguido. **30** Huan itequipanojcahua Josías quitlalij-que itlacayo ipan se tlahuilanca carro huan quihiuicaque tlen Meguido hasta altepetl Jerusalén. Huan quitlaltojque cam-pa quicuallalijtoyaj para ya. Huajea nopa masehualme quitzonaltijque ica aceite Jo-acaz, icode Josías, huan quichijque tlana-huatijquetl.

Joacaz tlana-huati eyi metztli ipan Judá

(2 Cr. 36:1-4)

31 Huan Tlanahuatijquetl Joacaz quipi-yaya 23 xihuitl quema pejqui tlana-hua-tía ipan altepetl Jerusalén huan tlana-huati eyi metztli. Inana itoca eliyaya Hamutal huan inana eliyaya iichpoca Jeremías catli ejqui altepetl Libna. **32** Pero Tlanahuatijquetl Joacaz quichijqui catli amo cuali iixpa TOTECO quen ihuejcapan tatahua quichijtoyaj. **33** Huan Tlanahuatijquetl Necao, catli eliyaya Faraón ipan tlali Egipto, quitzajqui Joacaz ipan altepetl Ribla ipan tlali Hamat para ayacmo huelis tlana-huatis ipan Jerusalén. Nojquiya Necao quinfuerzajhui tlali Judá ehuani ma tlaxtla-huaca 33 kilos tlen plata huan 33 kilos tlen oro quen impuesto. **34** Huan nopa Fa-raón Necao quitlali Eliaquim, seyoc icode Josías, para elis tlana-huatijquetl. Pero Ne-caeo quitocaxpatlac Eliaquim huan quito-caxti Joacim. Huan Joacaz catli Necao quipixtoya tzactoc, quihiuicac hasta tlali Egipto huan nopona mijqui. **35** Huan Jo-acim quintlajtlani nopa masehualme ipan

Judá ma tlaxtlahuaca impuestos quen imi-yaca nopa ricojyotl catli sesen quipiyaya-ya. Teipa quimacac nopa plata huan oro Faraón Necao huan quej nopa huelqui qui-tlaxtlahuai nopa impuesto catli quintlajtl-nijtoya.

Joacim tlanahuati ipan tlali Judá

(2 Cr. 36:5-8)

36 Huan Tlanahuatijquetl Joacim quipi-yayaya 25 xihuitl quema pejqui tlanahua-tía huan tlanahuati ipan altepetl Jerusalén 11 xihuitl. Huan inana itoca eliyaya Zebu-da huan yaya eliyaya iichpoca Pedaías catli ejqui ipan altepetl Ruma. 37 Pero Jo-acim quichijqui catli amo cuali iixpa TO-TECO senquistoc quen ihuejcapan tatahua quichijtoyaj.

Joacim monejqui quitlaxtlahuisc tomí Nabucodonosor

24 Ipan nopa tonali quema tlanahuati-yaya Joacim ipan tlali Judá, Tlanahuatijquetl Nabucodonosor tlen tlali Babi-lonia hualajqui ica isoldados huan calaj-que ipan tlali Judá. Huan Joacim motemaca-c ica ya. Huajca elqui itequipanoja huan quichijqui nochí catli quinahuati para eyi xihuitl. Pero teipa Tlanahuatijquetl Joacim moyolajcomanqui ica Nabucodonosor para tlali Judá ma ayacmo elis imaco. 2 Pero TOTECO quintitlanqui ipan tlali Judá miyaqui soldados catli caldeos, siri-os, moabitame huan amonitame para tlachtequise huan para quisosolose tlali Judá quen tlayolmelajqui ica itlajtol pan-nextijcahua^e para panos. 3 Melahuac nochí ya ni ipantic tlali Judá pampa TOTECO tlanahuatijtoya para quej ni ma pano, pampa quinequiyaya quitlahuelcahuas tlali Judá por itlajtlacolhua Tlanahuatij-quetl Manasés. 4 Pampa Manasés quinmic-ti miyaqui masehualme catli amo tleno quichijtoyaj huan elqui quen quitemiti altepetl Jerusalén ica estli iixpa TOTECO. Huan yeca TOTECO ayacmo quinejqui quintlapojpolhuis Judá ehuaní.

Imiquilis Joacim

5 Nopa sequinoc tlamantli catli panoc ipan itequi Tlanahuatijquetl Joacim huan nochí catli quichijqui eltoc ijculijtoc ipan nopa amatlapohuali catli itoca Catli Qui-chijke Nopa Tlanahuatiani Ipan Tlali Judá. 6 Huan quema mijqui Joacim, pejqui tlanahuatía icona catli itoca eliyaya Jo-aquín. 7 Huan teipa ayacmo quema mo-cuepqui nopa tlanahuatijquetl tlen tlali Egipto ipan tlali Judá. Pampa ama nopa Tlanahuatijquetl tlen tlali Babilonia mo-axcatijtoya nopa tlali tlen nopa atlajtl tlen tlali Egipto hasta nopa hueyatl catli itoca Eufrates.

Joaquín tlanahuati ipan tlali Judá

(2 Cr. 36:9-10)

8 Huan Tlanahuatijquetl Joaquín quipi-yayaya 18 xihuitl quema pejqui tlanahua-tía huan tlanahuati ipan altepetl Jerusalén eyi metztlí. Inana itoca eliyaya Nehusta huan yaya elqui iichpoca Elnatán catli ej-qui ipan Jerusalén. 9 Huan Joaquín qui-chijke catli amo cuali iixpa TOTECO quen quichijtoya itata.

10 Ipan itequi Tlanahuatijquetl Joaquín tlen tlali Judá, isoldados Tlanahuatijquetl Nabucodonosor tlen tlali Babilonia ajscój huan quiyahualoje altepetl Jerusalén huan pejque quihiulanaj. 11 Quema qui-huiyanayayaj nopa altepetl, ajsitihuetezico Tlanahuatijquetl Nabucodonosor. 12 Huaj-ca Tlanahuatijquetl Joaquín ipan Jerusa-lén quisqui ipan altepetl ihuaya inana, ite-quipanojcahua, huan nochí itlapalehuijca-hua para quinamisque nopa tlanahuatij-quetl tlen tlali Babilonia huan motemaca-se ica ya. Huan Tlanahuatijquetl Nabuco-donosor quinitzqui huan quinilpi. Tlanahuatijquetl Nabucodonosor yohuiyaya para chicueyi xihuitl tlanahuatía ipan Babi-lonia quema quiitzqui Tlanahuatijquetl Joaquín. 13 Huan quen TOTECO quiijtoj-toya para mochihuas, Nabucodonosor qui-quixti nochí catli yejyectzi huan patiyo ipan itiopa TOTECO huan ipan ichaj tlan-

^e24:2 Isaías, Miqueas, Habacuc huan Jeremías tlayolmelajtoyaj para panos ni tlamantli.

huatijquetl huan quihiucac ipan itlal. Huan nopa huejhueyi tlamantli tlen oro catli huecjaya Salomón, nopa tlanahuatijquetl tlen nochí israelitame, quisencajtoya ipan tiopamitl monejqui quintejejque para huelque quinhuicaque.¹⁴ Huan Tlanahuatijquetl Nabucodonosor quinhuicac 10 mil masehualme ilpitoque tlen altepetl Jerusalén. Inihuaya itztoyaj nochí tlayacanani ipan nopa tlali, huan nochí tlayacanca soldados, calchiuhani huan teposchihuani. Huajca san mocajque ipan tlali Judá nopa masehualme catli más teicneltzitzti, huan catli amo tleno quimatiq qui-chihuase.

15 Huajca nopa Tlanahuatijquetl Nabucodonosor quinhuicac ilpitoque Tlanahuatijquetl Joaquín, ihuaya inana, isihuajhua, itlapalehuijahua huan nopa masehualme catli más tlayacanayaj ipan nopa tlali Judá hasta itlal catli itoca Babilonia. 16 Ica nochí quinhuicac 7 mil soldados catli más yajatjí huan mil calchiuhani huan teposchihuani catli más quimatiq, huan nochí masehualme catli más tetique para yase ipan tlahuilancayotl. 17 Teipa Tlanahuatijquetl Nabucodonosor tlen tlali Babilonia quitequimacac Matanías para elis tlanahuatijquetl ipan tlali Judá huan quitocaxpatlac huan quitocaxti Sedequías. Tlanahuatijquetl Matanías o Sedequías elqui itío Tlanahuatijquetl Joaquín catli Nabucodonosor quihiucac ihuaya ilpitoc ipan Babilonia.

Sedequías tlanahuati ipan tlali Judá (2 Cr. 36:11-16; Jer. 52:1-3)

18 Sedequías quipiyayaya 21 xihuitl quema pejqui tlanahuatía, huan tlanahuati ipan altepetl Jerusalén 11 xihuitl. Inana itoca eliyaya Hamutal huan yaya eliyaya iichpoca nopa Jeremías catli ejqui altepetl Libna. 19 Pero Tlanahuatijquetl Sedequías quichijqui catli amo cuali iixpa TOTECO quen quichijtoya ihueyi tata, Joacim. 20 Huajca ica ni tlamantli fiero catli qui-chijtoya, cualanqui TOTECO ica altepetl

Jerusalén huan tlali Judá ehuani huan quiijto quintlahuelcahuas huan ya nopa quichijqui.

Teipa Tlanahuatijquetl Sedequías mosisini ica nopa Tlanahuatijquetl Nabucodonosor tlen tlali Babilonia para ayacmo quitequipanos.

Huetzqui Jerusalén imaco Nabucodonosor
(Jer. 39:1-7; 52:3-11)

25 Huajca ipan 10 itequi nopa metztli majtlactli ipan toisraelita calendario^f, quema Tlanahuatijquetl Sedequías yohuiyaya para chicnahui xihuitl ipan itequi, Tlanahuatijquetl Nabucodonosor tlen Babilonia hualajqui ica nochí isoldados para quihiuilanas altepetl Jerusalén. Huan quiyahualojque nopa altepetl huan pejque quitemaj tlali iixmelac nopa tepamitl para quisencahuase se tlaixtlejcolis para huelis panose itzonatipa nopa huecapantic tepamitl catli quiyahualojtoya nopa altepetl. 2 Huan nopona mocajque isoldados quiyahualojtoaj itepa nopa altepetl hasta quema Tlanahuatijquetl Sedequías yohuiyaya para 11 xihuitl tlanahuatis huan amo quincahuayayaj catli tzactoyaj nopona ma quicalaquica tlacualistli. 3 Huan ipan 9 itequi nopa nahui metztli ipan toisraelita calendario^g, nochí masehualme ya apismiquiyayaj ipan nopa altepetl pampa ya tlantoya nochí tlacualistli. 4 Huajca nopa Jerusalén ehuani quicoyonijque nopa temamitl huan masque nopa soldados quiyahualojtoaj nopa altepetl, nopa tlanahuatijquetl tlen Jerusalén huan nochí isoldados cholojque tlen nopa altepetl ica tlayohua para amo apismiquise. Huan quisque ipan nopa puerta catli eltoya tlatlajco nopa ome tepamitl iica ixochimil nopa tlanahuatijquetl, huan cholojtejque. Huan quiixcotonque nopa mila huan yajque ipan ojli para nopa hueyatl Jordán. 5 Pero nopa soldados tlen Babilonia quintoquilique huan quiajsito Tlanahuatijquetl Sedequías ipan nopa tlamatayamitl tlen Jericó. Huan nochí isoldados ya quitlahuelcajtoyaj

^f25:1 Ipan 15 itequi enero ipan tocalendario tlen ama. ^g25:3 Ipan 14 itequi agosto ipan tocalendario tlen ama.

huan mosemantoyaj campa hueli. ⁶Huan nopa Babilonia soldados quiitzquijque Se-dequías huan quihuicaque campa itztoya Tlanahuatijquetl Nabucodonosor tlen Babilonia ipan altepetl Ribla. Nopona Nabucodonosor quinpoohuili tlaque tlatzacuiltli quiselisquía Sedequías. ⁷Huan nopa Tlanahuatijquetl Nabucodonosor tlanahuati ma quinmictica nochí iconehua Sedequías iixpa para Sedequías ma quiitas. Huan te-ipa quiijto ma quiuitilica iixteyolhua Sedequías huan ma quiilpica ica tepos cadena para ma nejnemis hasta tlali Babilonia.

Quisosolojque itiopa TOTECO

(2 Cr. 36:17-21; Jer. 39:8-10; 52:12-30)

⁸Ipan ⁷itequi nopa macuili metztli ipan toisraelita calendario^h, quema Tlanahuatijquetl Nabucodonosor yohuiyaya para 19 xihuitl tlanahuatis, ajisco Nabuzaradán ipan altepetl Jerusalén. Yaya eliyaya itemach catli más hueyi nopa tlanahuatijquetl tlen Babilonia huan itlayacanca soldado. ⁹Huan yaya quitlati ihueyi tiopa TOTECO huan icaltlanahuatil nopa tlanahuatijquetl huan nochí calme catli oncaya yaya npona. Nochi catli cuali quitlati. ¹⁰Huan nopa hueyi tlayacanquetl Nabuzaradán quinyacanqui nochí soldados tlen Babilonia para quitlahuisojque nopa tepamitl catli ica moyahualojoya altepetl Jerusalén. ¹¹Teipa Nabuzaradán itemach nopa tlanahuatijquetl quinhuicac ilpitoque nochí masehualme catli noja mocajtoyaj ipan altepetl, ihuaya nochí sequinoc masehualme huan soldados catli ya motemacatoyaj para quitequipanose nopa tlanahuatijquetl tlen Babilonia. ¹²Pero nopa tequitiquetl, Nabuzaradán, quincahuili sequin catli tlahuel teicneltzitzit ma mocahuaca ipan tlali Judá para ma tequitica ipan nopa mili huan xocomeca mili ipan nopa tlali.

¹³Huan nopa Babilonia ehuani quinposejque nopa huejhueyi tlaquetzalme tlen bronce catli eltoya ipan ichaj TOTECO,

ihuaya nopa carretillas ica yantas tlen bronce. Nojquiya quipostejque nopa hueyi paila catli itoca “hueyi atl” catli quichijtoyaj ica bronce. Huan nochí bronce quihiuicaque para tlali Babilonia. ¹⁴Huan nojquiya quihiuicaque nopa tepostli catli ipan quitemaj cuanextli, huan nopa palas, huan nopa hueyi tepos cucharas catli ica quisehuiyayaj tlahuili, huan trastes huan nochí sequinoc tlamantli tlen bronce catli quitequihuiyayaj quema quimacayayaj tlacajcahualistli TOTECO. ¹⁵Huan nojquiya nopa tlayacanquetl tlen soldados quihiuac nochí tepostli para tlicoli huan copali catli quichijtoyaj ica oro o ica plata.

¹⁶Nopa ome tlaquetzalme, huan hueyi paila catli itoca nopa Hueyi Atl, huan nopa carretillas ica yantas para quihualicase atl, amo huelque quintamachihuase inietica pampa tlahuel pano etic. Nochi ni tlamantli Tlanahuatijquetl Salomón quisencajtoya para ichaj TOTECO. ¹⁷Ihuejcapanca sesen nopa tlaquetzali eliyaya pano chiqueyi metros. Huan quipiyayaya iyejyejca catli nojquiya elqui senquistoc bronce. Huan iyejyejca catli quitepachoyaya huejcapa yahuaultic nopa tlaquetzali panoyaya ome metros ihuejcapanca. Huan ipan iyejyejca quipixqui granadas catli quichijchijtoya tlen bronce huan nojquiya quej nopa elqui ipan nopa seyoc tlaquetzali.

Itlanahuatilis Seraías

¹⁸Huan nopa tlayacanquetl tlen isoldados Nabucodonosor nojquiya quihiuicac nopa hueyi totajtzi Seraías, huan nopa te-ipa totajtzi catli itoca Sofonías, huan nopa eyi tlacame catli más huejhueyi catli qui-mocuitlahuijque ipuerta nopa tiopamitl. ¹⁹Huan tlen nopa masehualme catli noja motlatiyayaj ipan altepetl, quinpanti se tlayacanquetl tlen soldados, huan macuilli masehualme catli quiconsejomacatoyaj nopa tlanahuatijquetl. Nojquiya quipanti nopa tlayacanca tlajcuilojquetl tlen soldados catli quinijcuilo nochí tlacame quema mochijque soldados ipan nopa tlali huan

^h25:8 Ipan 14 itequi agosto ipan tocalendario tlen ama.

inihuaya quinpanti seyoc 60 masehualme. ²⁰Nabuzaradán, nopa tlayacanquetl tlen soldados, quinhuicac nochí ipan altepetl Ribla ipan tlali Hamat campa itztoya Tlanahuatijquetl Nabucodonosor tlen tlali Babilonia. ²¹Huan yaya quintlamicoco hasta quinmicti nopona ipan Ribla tlen tlali Hamat. Quej nopa elqui quema quinixtijque Judá ehuani tlen inintlá huan quinhuicaque ilpitoque para Babilonia.

Miyaqui israelitame cholojejque

hasta Egipto

(Jer. 40:7-10; 41:1-3, 16-18)

²²Huan Nabucodonosor nopa tlana-
huatijquetl tlen Babilonia quitlali Gedalías catli eliyaya icone Ahicam huan iixhui
Safán para ma eli iningobernador nopa
quentzi masehualme catli quincajqui ipan
tlali Judá. ²³Huan quema nopa tlayacana-
ni huan ininsoldados catli mosemantoyaj
huan motlatijtoyaj campa hueli ipan tlali
Judá quicajque para Gedalías itztoya go-
bernador, yajque ipan altepetl Mizpa para
ihuaya camanaltise. Nojquiya itztoya
inihuaya Ismael, icone Netanías; Joha-
nán, icone Carea; Seráias, icone Tanhumet
catli ejqui Netofa; huan Jaazanías, icone
se tlacatl catli ejqui ipan Maaca. Huan
inihuaya itztoya miyac ininsoldados.
²⁴Huajca nopa Gedalías tlatestigojquetz-
qui huan quinlhui sintla motemacasquíaj
ica nopa Babilonia ehuani huan quichi-
huasquíaj nochí catli quinlhuisquíaj,
huajca nochí elisquía cuali huan quinca-
huilisquíaj ma mocahuaca ipan inintlá.

Quimictijque Gedalías

²⁵Pero ipan metztlí chicome ipan tois-
raelita calendarioⁱ, yajqui altepetl Mizpa
nopa tlacatl catli itoca Ismael, catli icone

Netanías huan iixhui Elisama, huan catli
eliyaya se ininteiximatca nopa tlanahuati-
ani catli achthuiya itztoyaj. Huan Ismael
quinhuicac ihuaya majtlactli ihuampoyohua
huan quimictijque gobernador Gedalías
huan nochí tlacame catli itztoyaj ihua-
ya masque tlali Judá ehuani o tlali Babilo-
nia ehuani.

²⁶Huajca cholojejque nochí nopa
tlali Judá ehuani catli noja mocajque,
masque catli más teicneltzitzí o catli más
huejhueyi. Huan no cholojejque nopa
tlayacanani tlen soldados catli mocaj-
que. Huan nochí yajque ipan tlali Egipto
pampa tlahuel quinimacasiyayaj nopa
Babilonia ehuani.

Quicahuili Joaquín ma itzto majcajtoc

ipan tlali Babilonia

(Jer. 52:31-34)

²⁷Huan quema Tlanahuatijquetl Joa-
quín yohuiyaya para 37 xihuitl para qui-
huicatoyaj hasta tlali Babilonia, pejqui te-
quití ipan Babilonia se yancuic tlanahuati-
jquetl itoca Evil Merodac. Huan yaya
quitlasoijtlac Tlanahuatijquetl Joaquín
huan quiquirixti ipan tlatzactli huan quicaj-
qui majcajtoc ipan ²⁷itequi nopa metztlí
majtlactli huan ome ipan toisraelita calen-
dario^j. ²⁸Huan quicamanalhui ica yejyec-
tzi, huan quicahuili ma mosehuis campa
quipiyayaya más tlatlepanitacayotl que ne
sequinoc tlanahuatiani catli quintlantoyaj
huan quinhuicatoyaj tlali Babilonia.
²⁹Huan quimacac iyoyo catli yancuic
quen ipatlaca catli quitequihuiyaya ipan
tlatzactli. Huan quicahuili ma tlacua ihua-
ya mojmostla para nochí inemilis. ³⁰Noj-
quiya nopa tlanahuatijquetl quimacayaya
tlacualistli huan catli monequi para mopa-
noltis hasta mijqui.

ⁱ25:25 Ipan octubre o noviembre ipan tocalendario tlen ama. ^j25:27 Ipan 2 itequi abril ipan tocalendario tlen ama.